

জাতিচ্যুত

১৯৩৫

শ্রীশরৎচন্দ্র ঘোষ

এম, এ।

মিনার্ভা থিয়েটারে প্রথম অভিনীত

৭ই পৌষ সন ১৩৩৫ সাল।

প্রাণিহান

গুরুদাস চট্টোপাধ্যায় এণ্ড সন্স—

২০৩।১।১ কর্ণওয়ালিশ স্ট্রীট, কলিকাতা

কিশোর লাইব্রেরী

২৭নং কর্ণওয়ালিশ স্ট্রীট, কলিকাতা।

মিনার্ভা বুক স্টলে ও অন্যান্য প্রধান পুস্তকালয়ে প্রাপ্য।

মুদ্রা-এক সপ্তক-মুদ্রা

প্রকাশক—

শ্রীবীরেন্দ্র নাথ চক্রবর্তী এম, এ,

কিশোর লাইব্রেরী ।

২৭নং কর্ণওয়ালিশ স্ট্রীট, কলিকাতা ।

—গ্রন্থস্বত্ব—

গ্রন্থকার কর্তৃক সংরক্ষিত

প্রিন্টার—শ্রীসতীশচন্দ্র রায়

সুখা প্রেস

৯নং রাজা গুরুদাস স্ট্রীট,

কলিকাতা ।

উৎসর্গ

স্বর্গগত পিতৃদেবের

উদ্দেশে—

গ্রন্থকারের নিবেদন

অভিনীত হওয়ার দিক থেকে এই নাটক আমার প্রথম। অপরিচয়ের
অঙ্ককার হইতে মিনার্ভার সঙ্গাধিকারী শ্রদ্ধেয় শ্রীযুক্ত উপেন্দ্র কুমার
মিত্র বি, এ, আমাকে টানিয়া তুলিয়া বাংলার রসবেত্তা জনসাধারণের সম্মুখে
দাঁড় করাইয়া দিয়াছেন। ইহার জন্ত আমি তাঁহার কাছে অপরিশোধ্য
ঋণে ঋণী।

তাঁহার ভাগিনেয় মিনার্ভার সুযোগ্য প্রযোজক শ্রীযুক্ত কালী প্রসাদ ঘোষ
বি, এম্ সি তাঁহার প্রতিভা ও অসাধারণ রসবোধ দিয়া নাটক খানিকে এমন
ভাবে স্পর্শ করিয়াছেন যে আজ যদি জাতিচ্যুত দর্শককে আনন্দদান করিতে
সমর্থ হইয়া থাকে, তাহা হইলে বলিতে পারি না যে, সে বিষয়ে কাহার কৃতিত্ব
অধিক—লেখকের না প্রযোজকের।

এই ঋণ স্মরণের দিনে আমার অধ্যাপক ও নাট্য সাহিত্যের নিপুন
সমালোচক শ্রীযুক্ত মন্থ মোহন বসু এম্, এ, কেও আমার প্রণাম জানাই-
তেছি। নাট্য প্রচেষ্টার প্রথম হইতেই পরম স্নেহে তিনি আমাকে রত্নালয়
গুলিতে পরিচিত করিয়া দিয়াছেন এবং তাহার গভীর কলাজ্ঞান দ্বারা
আমার রচনাকে সুন্দরতর করিতে চেষ্টা করিয়াছেন। তাঁহার নিজের
অসাধারণ লিপি নৈপুণ্য থাকিতেও তিনি যে তাহার সমস্ত শক্তি বাংলার
নূতন নাট্যকারগণকে গড়িয়া তুলিবার জন্ত ব্যয়িত করিয়াছেন বাংলার
সাহিত্য ইতিহাস প্রণেতার যেন সে কথা বিস্মৃত না হন।

পুস্তক মুদ্রণে বহু বিলম্ব হইল, এবং মুদ্রাকরপ্রমাদেও যে অসম্ভাব
রহিল না তাহার কারণ আমার সুদীর্ঘ অসুস্থতা।

সহৃদয় পাঠকগণ ক্রটি মার্জনা করিবেন।

১৯ই মাঘ, ১৩৩৫ সাল

“আনন্দ নিকেতন”

পোঃ—নৈহাটি শ্রীরামপুর

খুলনা।

নিবেদন ইতি—

শ্রীশরৎ চন্দ্র ঘোষ।

ভূমিকা

মহাকাব্য আগে হ'য়েছিল কি দৃশ্যকাব্য আগে হ'য়েছিল, তা নিয়ে মানব-সাহিত্যের কুলপঞ্জিকাদের রায় শেষ পর্যন্ত যাই হ'ক না কেন, এটা অবিসংবাদিত যে, বর্তমান যুগের আবেগের যে দিকটা সাহিত্যের মধ্য দিয়ে নিজেকে ফুটিয়ে তুলতে চাচ্ছে, তার সব চাইতে সহজ, স্বাভাবিক ও পরিপূর্ণ তৃপ্তি হচ্ছে নাটকের ভেতর দিয়েই। নাটককে একটু বড় ক'রে দেখলে নভেলও নাটকের ভেতরে ; অন্ততঃ সঙ্গে, এসে পড়ে ; লোকে যে "নাটক-নভেল"কে চলিত কথার বাধনে যুগল ক'রে বলে, তাতে, এ দুয়ের সত্যকার আত্মীয়তাই স্বীকৃত ও জাহির হ'য়ে পড়ে। মহাকাব্যের যুগ চ'লে গেছে অথবা এখনও আছে—এ দুয়ের একটা পক্ষ নিয়ে বিচার চলতে পারে ; কিন্তু যে আদিম নটরাজ বিশ্বমানবের শৈশবকে তার নাট্যকলার মধ্য দিয়ে চঞ্চল, মুখর ও সুন্দর ক'রে তুলেছিলেন, তিনি যে আজ তার প্রবীণতার চিন্তাজাল ও গান্ধার্যের মাঝখানেও তাকে ছেড়ে যান নাই, সে পক্ষে প্রশ্ন নেই, সংশয়ের অবকাশ নেই। মানুষ তার দীর্ঘযাত্রার পথে চলতে চলতে তার প্রাণের রসলোলুপতাটিকে নানানযুগের নানান পাছশালায় যে একই রকম খোরাক যুগিয়ে এসেছে বা আসবে—এমন কথা নয় ; তার পথের শ্রম আনন্দ ও অভিজ্ঞতা যত বেড়ে চ'লেছে, তার ব্যক্তিগত ও সম্ভবতঃ জীবনের অনুষ্ঠান-প্রতিষ্ঠানও তত বিচিত্র হ'তে বিচিত্রতর হ'য়েছে, তার কারুশিল্প ও চাকুশিল্পও তত সমৃদ্ধ হ'তে সমৃদ্ধতর হ'য়েছে, এবং বিজ্ঞান ও প্রজ্ঞানও তত বিশাল ও পূর্ণাঙ্গ হ'য়েছে। মাঠের মাঝ দিয়ে নদী যেমন ধারা অবাধে, অসঙ্কোচে গড়িয়ে যায়—তার গতিকে কুটিল, তার প্রবাহকে সঙ্কীর্ণ ক'রে দেবার মতন কোনো বাধা পায় না, মানুষের শৈশবে তার কল্পনাও তেমনি অনেকটা অসঙ্কোচেই ব'য়ে যেত ; আজ বহু যুগের সঞ্চিত অভিজ্ঞতা

নানা দিকে মাথাতুলে তাকে আর তেমন সহজ, স্বচ্ছন্দ গতিতে বইতে দিচ্ছে না, মানুষের বন্ধ সংস্কার, তার বিজ্ঞান, তার চিন্তা আজ তার পথে শত বাধার সৃষ্টি ক'রেছে। কল্পনাকে হয় এ সমস্ত বাধা যথাসম্ভব এড়িয়ে চলতে হচ্ছে, নয় এদের সঙ্গে কোনোমতে আপোশ ক'রে চলতে হচ্ছে। তাই আজ আমাদের দেখতে হচ্ছে—বৈজ্ঞানিকের কল্পনা, দার্শনিকের কল্পনা, শিল্পীর কল্পনা। এ সমস্ত যে কল্পনা নয় এমন নয়, কিন্তু খাঁটি কল্পনা—মানুষের শৈশবে ও কৈশোরে যে তার পরাণের নাচঘরে এসে রসবোধের চোখদুটিতে কুহকের অঙ্কন লাগিয়ে দিত সে আজ তার পরিণত বয়সে তার সামনে মুখোমুখি হ'য়ে দাঁড়াতে যেন কতকটা লাজে 'জড়সড়' হ'য়ে পড়ছে। তাই বোধ হয় আমরা ভাবছি—মহাকাব্যের যুগ বুকিবা চ'লেই গেল।

কিন্তু নাটক যে এ পরিণত বয়সেও আছে, আরও পুষ্ট ও পরিণত হচ্ছে, তার কারণ এই যে, নাটক মানুষের নিয়ত উপচীর্ণমান অভিজ্ঞতা ও ক্রমশঃ ক্ষুণ্ণতর অন্তর্দৃষ্টিকে যে কেবলমাত্র মেনে চলে এমন নয় সে তাদের ওপরেই অনেকটা নিজেকে গ'ড়ে তোলে। বিশেষ, যত নিপুণহস্তে, যত সুন্দর ও স্বচ্ছ ক'রে, মানুষ তার অন্তর্দৃষ্টিকে তার নিজের ওপরে, তার জীবনের সর্বাবয়বে, ফেলতে পারবে, ততই তার নাট্যকলাসৃষ্টি সত্য, সুন্দর, সার্থক হবে। বাইরের প্রকৃতি চাইতে অন্তঃপ্রকৃতিতে আলোকরশ্মি কেন্দ্রীভূত বেশী হওয়া চাই। অথচ, নাট্যকলা মনস্তত্ত্ব বা "Psycho-analysis" মাত্র নয়। বাইরের "প্রতীক" গুলো নিয়েই মানুষের চির-পুরাতন চির-নবীন আত্মার বেদনা রহস্যটাকে ভাঁজে ভাঁজে পরতে পরতে খুলে দেখিয়ে দিতে হবে। এ দেখা নয় একটা অনির্বাচনীয় রসানুভূতি দ্রষ্টার হওয়া চাই। দেখানর ভঙ্গী হরেক রকমের—সেক্সপীয়র, গেঠে, ইব্‌সেন, কালিদাস, ভবভূতি, ষিঞ্জেল্লাল, গিরিশচন্দ্র, এঁদের সকলের ভঙ্গী এক নয়। কিন্তু ভঙ্গী যেমনপেই হ'ক, সেটা অনেক পরিমাণে ব্যর্থই হবে, যদি তার

পেছনে মানবজাতির ঐ চিরন্তন রহস্যগর্ভ বেদনাব্যাকুলতার সত্য চেহারাখানির দিকে একটা স্পষ্ট সমুজ্জল ইঙ্গিত না থাকে। ঐ বেদনাব্যাকুলতার মাঝখানে যে সত্যসুন্দর নিজের মুদ্রিত চক্ষু আগ্রহ অহঙ্কৃতির আলোর মেলতে চাচ্ছে, নিজের মুক আত্মদটীকে ভাষার ছন্দে ও সুরে বাচাই করতে চাচ্ছে, সেটীকে সহজে, সন্তুর্পণে ধাত্তীর মতন যে জন প্রসবের সৌভাগ্যও আনন্দ এনে দিতে পারুল, সেই আসল নাট্যশিল্পী। এই অস্ত্রে আমরা নাটকে বেশ ক'রে দেখতে চাই—চরিত্রগুলো কেমন ফুটেছে (কিনা, সত্যিকার হ'য়েছে) ; ঘটনাগুলো কেমনধারা সজীব হ'য়ে জমাট বেঁধেছে ; এক কথায়, দেশকাল পাত্র কেমন প্রাণবন্ত হ'য়েছে, কেমন “মানিয়েছে”। সাধারণ রকমের প্রাণবন্ত—যাকে common place বলে—হ'লে হ'ল না। ঘটনা সাধারণ হ'ক ক্ষতি নেই, কিন্তু তার “হাজিরা” (Presentation, delineation “অসাধারণ” হওয়া চাই। কথাগুলো সূত্রাকারে বলতে হচ্ছে—এখানে ফলাও করতে হবে না।

তারপর ঐ চিরন্তন বেদনারহস্তটা কেবল যে ব্যক্তির ছোট খাটো জীবনেই র'য়েছে এমন নয় ; সমাজ, জাতি, এমন কি, বিশ্বমানবেও সেটা নানা আকারে, আত্মনিবেদন আত্মসমাধানের নিমিত্ত ব্যাকুল এক একটা সমস্তার রূপ ধ'রেছে। রূপ সব জায়গাতে, সব সময়ে এক নয় ; ইউরোপে ঠিক যেটি ভারতবর্ষে আজ ঠিক সেটি নয়। মূলে ও প্রেরণায় এক হ'লেও ডাল পালার বিকাশেও বৈচিত্র্য এক নয়। সমাজ ও জাতির সমস্তা জনসংস্কৃতির প্রাণের নানান্ আবেগের আবর্তের কেনিল ও বিক্ষুব্ধ চেহারার মাঝখানে স্পষ্ট সব সময়ে দেখতে পাওয়া যায় না—তার একটা “কিনারা” করা ত দূরের কথা। যিনি তার “কিনারা” ক'রে দিতে সক্ষম, তিনি সমাজের পিতা—পাতা ও তাতা। যিনি সে আবর্তের চারিপাশ হ'তে বিক্ষুব্ধতার বাষ্পরাশি বিধুনন ক'রে অলস্ত আগুনের আকুল বাড়িয়ে দেখিয়ে দিতে পারেন সমস্তার (Problemএর) সত্য চেহারাখানা, তিনি যে কাহাটা

করেন, সেটা গোড়ারই কাজ। আর যদি সে কাজটা তিনি “প্রাথমিক” করে, সুন্দর করে, সৰ্ব্বাইকে চেতিয়ে ও মাতিয়ে, করতে পারেন, তবে তাঁর কাজটাই সেরা কাজ। নাট্যকলা এ কাজ করে—বিশেষ, এ যুগে এই কাজটাই তার সত্যিকার তৃপ্তি। নাট্যশিল্পী সমাজশিক্ষক বা সমাজ-চালক হবার দাবী না করতে পারেন; কিন্তু তিনি সমাজের সব চাইতে “মর্যাদাসিক” সমস্তা গুলোকে সাধারণের স্পষ্ট, তীব্র, নিবিড় পরিচয়ের মাঝখানে নিয়ে যাবার গৌরব রাখেন। তিনি যতটা, আর কেউই বোধ হয় ততটা না। তাঁর শিল্পের প্রকৃতি, মানুষের বেদনার (Interest এর) সকল তন্ত্রীতে যা দিয়ে, এ কাজটা করে। তাঁর কলার “পরিচ্ছদ” ও “আবেষ্টনৌ” তাঁকে এ বিষয়ে বিশেষ সহায়তা করে। “পরিচ্ছদ” বলতে পাত্র পাত্রীদের ভূমিকা—তাদের কথা ও কাজ। কথা ছন্দোবদ্ধ হ’তে হবে, কিন্তু সে ছন্দ, কবিতার ছন্দ না হ’তে পারে। শুধু অমিত্রাক্ষর নয়, মোটেই “পদ্য” নয়, এমন কথাও ছন্দোবদ্ধ হয়; ছন্দোবদ্ধ হয় ব’লেই, “সমর্থ” হয়, বাঁগার তারে সুরের কম্পন জাগাতে পারে। একেই বলি, ছন্দোবদ্ধ কথা। জীবন্ত সুন্দর কথা।

ভূমিকায় একথা গুলো বলতে হ’ল, কেননা, না বললে, আমাদের নবীন নাট্যশিল্পীর প্রতিভা বোঝা যাবে না। “প্রতিভা” কথাটা সজ্ঞানেই বলছি। এটা খুব কমই মেলে। নাটকের বাজারে যে সব মালের জোর কাটতি চলছে; তাদের কাটতির বহর অনেক সময়ই ঐ জিনিষটার সম্ভাব প্রমাণ করে দেয় না—এ দেশেও দিচ্ছে না। আমি থিয়েটার বড় একটা দেখিনি, নাটক অবশ্য কিছু প’ড়েছি। সত্যিকার নাটক—যার কথা ওপরে বলছিলাম—বড় বেশী আজ কা’ল এদেশে দেখছি না। যে কৃতী সত্যিকার নাটক সৃষ্টি করতে পারেন, তাঁকে আমি “প্রতিভাবান্” ব’লে অভিবাদন করতে কুণ্ঠিত নই।

শরৎচন্দ্র “জাতিচ্যুত” নিয়ে নতুন আসরে নেমেছেন। কিন্তু যাতে

প্রতিভার স্পর্শ থাকে, সেটা “এক আঁচড়েই” ধরতে পারা যায়। আমি এই নবীন লেখকের—শুধু লেখক কেন বলি, কবির—ভেতরে “শক্তির” সাড়া পেয়েছি। আশা করি, আরও অনেকে পেয়েছেন। প্রত্যেক নব উন্মেষের গোড়ায় একটা ব্রীড়া, একটা সঙ্কোচ থাকে ; প্রকৃতির স্বাভাবিক ব্যবস্থায়ই থাকে ; পূর্ণ বিকাশটাকে ধাপে ধাপে একটা নাটকের মতন সুন্দর ক’রে তোলবার জগ্গেই থাকে। ফুল তাই আস্তে আস্তে ফোটে ; সুর তাই আস্তে আস্তে তার মাধুর্যের পূর্ণতা প্রাপ্ত হয়। শরতের এ নাটকে যেখানে যেটুকু ব্রীড়া, যেটুকু সঙ্কোচ রয়ে গেছে সেটুকুকে আমি তাই ক্রটি, দৈন্ত, কার্পণ্য ক’রে দেখছি নে ; অবগুণ্ঠিত নববধুর ব্রীড়ার মতন, মিনতির মতন, সেটা একটা রসের পরিপূর্ণ ভাবী আস্থানের ইঙ্গিতে ও আভাষে ভরা। আমার সংশয় নেই—এ প্রতিভাকে আমরা উত্তরোত্তর অনবগ্যা ও জয়শ্রীমণ্ডিতা দেখবো।

নাটকখানা খাসা “Psychological” হ’য়েছে ; ভূমিকাগুলো বেশ ফুটেছে ; চরিত্রাঙ্কনে তুলি বেশ খেলেছে, ভাষা ও ভাব “অনুরূপ”;—এ সব মামুলি রকমের তারিফ অনেকে করছেন ও করবেন। আমি শুধু এক কথা বলছি—আনারি কথা, আর যে যাই এখন বলুক—যিনি হাতে বানা তুলে ধরলে সব্বাইকে গুনতেই হয়—কাদতেই হয়—ব্যথায় এবং পুলকে—তিনিই আজ তাঁর মায়াবী করে এ’র ভেতরে বীণা বেঁধে সাধছেন। গ্রীকরা তাঁকে Muse বলতো, আমরা বলি, প্রতিভা।

নাটকের “theme” যে সামাজিক সমস্যাটাকে স্পর্শ ক’রেছে, স্পর্শ ক’রে, সেই রূপকাথার রাজকন্তার মত, জীওন কাঠিতে, আমাদের সকল-কার অশ্রুপুরার অন্তর মহলে জাগিয়ে তুলেছে, তার “সমাধান” যে কিভাবে করতে হবে, অথবা সমাজ করবে, তার আলোচনা ও নির্দেশ অপরে করবেন। নাটককার জীওন কাঠি ছুঁইয়ে রাজকন্তাকে জাগিয়েছেন ; তাঁর এই রাক্ষসপুরীতে কারাগল গুলো আমাদের দেখিয়ে দিয়ে কাঁদিয়ে-

ছেন। আমাদের জাতির মর্ষ লোকে অবসাদ, দৈন্ত ও অহুদারতার কারাক বন্দিনী রাজকন্ঠাকে কে আজ মুক্ত ক'রে দেবে?—এই করুণ সুর যুগ যুগান্তরের গর্ভ হ'তে বেরিয়ে আসছে—শত শত নিপীড়িত, লাঞ্চিত, নিৰ্যাতিত প্রেতাচার মিলিত দীর্ঘশ্বাসের মতন জমাট হ'য়ে তীব্র হ'য়ে, ছঃসহ হ'য়ে! নাটক খানাতে এই সুর বডড বেজেছে।

হিন্দু মুসলমান সমস্যা—প্রত্যেকের নিজস্ব গৌরব কোথায় এবং কোথায় কি ভাবে তারই ওপরে এদের মিলন সেতু গাঁথতে হবে; বর্তমান ভারতের মুক্তিকামী আত্মা মিথ্যা ছেড়ে সত্যকে কিভাবে আঁকড়ে ধরবে;—এইসব বড় রকমের এবং জীবন্ত “Appeal” ও নাটকে র'য়েছে। সনাতন পন্থী ও নবীন পন্থী, সংগঠন পন্থী ও বিশ্বমানব পন্থী—কোন পক্ষই নিজেকে উপেক্ষিত, অনাদৃত মনে করবেন না।

যাঁর নামে এ প্রথম নাটক উৎসর্গ করা হ'য়েছে, তিনিও নাটক লিখতেন; তিনি স্বর্গগত। তিনি আজ থাকলে তাঁর কায়িকপুত্রের সৃষ্টির ভেতরে তাঁর মানস পুত্রটিকে সগৌরবে ভূমিষ্ঠ হ'তে দেখতেন। আর আমি এই প্রথম নাটকটার পরিকল্পনার সঙ্গে নিজের একটুখানি যোগ ছিল বলেও নিজেকে গৌরবান্বিত মনে করছি। হে আমার কৃতী ছাত্রবন্ধু, ভগবানের কাছে প্রার্থনা করি, তোমার প্রতিভা তার উপযুক্ত খ্যাতি ও ঋদ্ধির ক্ষেত্র দেশ দেশান্তরে যুগযুগান্তরে প্রসারিত করে নিক।

—ইতি—

শ্রীপ্রমথনাথ মুখোপাধ্যায়।


জাতিচ্যুত

প্রথম অভিনয় রজনী

শনিবার ৭ই পৌষ ১৩৩৫ সাল রাত্রি ৭।।০ টায়

সংগঠন কারিগণ

সভাপ্রধান	...	শ্রীযুক্ত উপেন্দ্র কুমার মিত্র বি, এ ।
প্রবোধক	...	„ কালী প্রসাদ ঘোষ বি, এস, সি ।
রিহার্শেল মাস্টার	...	” মনুথ নাথ পাল (হাঁড়বাবু) ।
সঙ্গীত শিক্ষক	...	” কৃষ্ণ চন্দ্র দে (অঙ্কগায়ক) ।
নৃত্য শিক্ষক	...	” সাতকড়ি গঙ্গোপাধ্যায় (কড়িবাবু) ।
মঞ্চশিল্পী	...	” পরেশ চন্দ্র বসু (পটলবাবু) ।
হারমোনিয়ম বাদক	...	” বিদ্যাসুন্দর পাল ।
বংশীবাদক	...	” লালবিহারী ঘোষ ।
বেহালা বাদক	...	” ললিত মোহন বসাক ।
সঙ্গত	...	” নুট বিহারী মিত্র ।
স্মারক	...	” জ্ঞান রঞ্জন বসু ।
আলোক পরিচালক	...	” শ্যামাচরণ দে ।



প্রথম অভিনয় রজনী

নট-নটীগণ

রাজা গণেশ	...	শ্রীযুক্ত মনুথ নাথ পাল (হাঁড়ুবাবু) ।
অজিম সা	...	শ্রীযুক্ত কার্তিক চন্দ্র দে ।
যত্নারায়ণ	...	" ভূমেন্দ্র মোহন রায় (এমেচার)
দিনরাজ	...	" প্রভাত চন্দ্র সিংহ ।
জীবন রায়	...	" হীরালাল চট্টোপাধ্যায় ।
এব্রাহিম	...	" শরৎ চন্দ্র চট্টোপাধ্যায় ।
গিরিনাথ	...	" কৃষ্ণ চন্দ্র দে (অঙ্কগায়ক) ।
শ্যামরত্ন	...	" সুরেন্দ্র নাথ রায় ।
অনুপনারায়ণ	...	শ্রীমতী ছনিয়া বাল।
তোরাপ	...	শ্রীযুক্ত ধীরেন্দ্র নাথ পাত্র ।
মহম্মদ আলি ও	} ...	" সন্তোষ কুমার বন্দোপাধ্যায় ।
জনৈক মুসলমান		
মৌলানা	...	" তারাপদ ভট্টাচার্য্য
মনিরুদ্দিন	...	" শৈলেন্দ্র নাথ চট্টোপাধ্যায় ।
জনৈক ব্রাহ্মণ	} ...	" গোপাল চন্দ্র ভট্টাচার্য্য ।
অজিমসার সেনাপতি		
ভাষক	...	" রাস বিহারী চট্টোপাধ্যায় ।
মাঝি	...	" যুগল কিশোর পাল ।
১ম পথিক, সভাসদ ও ব্রাহ্মণ	...	" পান্নাবাবু,
২য় পথিক ও	} ...	" অশ্বিনী কুমার মুখোপাধ্যায় ।
অজিমসার দূত		

আচার্য ও কবিবাজ	...	শ্রীযুক্ত নরেন্দ্র নাথ সিংহ ।
সভাসদ ও দূতগণ	{	বিষ্ণুবাবু, হরিপদ বাবু, অশ্বিনীবাবু, অমলেন্দু বাবু, শৈলেনবাবু অজিতবাবু ।
ব্রাহ্মণগণ	...	শৈলেন বাবু, পান্নাবাবু, অজিতবাবু, গোপালবাবু ।
ত্রিপুরাসুন্দরী	...	শ্রীমতী নগেন্দ্র বাল্য
নবকিশোরী	...	" আঙ্গুরবাল্য
কল্যাণী	...	" নবতার্য
আশমানতার্য	...	" আশমানতার্য
উষ্য	...	" রেণুবাল্য (সুখ)
মেহের	...	" সন্তোষ কুমারী (তেলেনা)
১ম পরিচারিক্য	...	" শরৎসুন্দরী
২য় "	...	" রাণীসুন্দরী
বৈষ্ণবী	...	" উষ্যবতী (পটল)
প্রতিবাসিনীগণ	...	শ্রীমতী রাজলক্ষ্মী, পটলসুন্দরী, (ঘুম) মলিন্য, মতিবাল্য, মহাময়্য, সুশীল্য, ননীবাল্য, (বড়) রাধারাগী ইত্যাদি ।

कुशीलवगण ।

पुरुषगण ।

राजा गणेश	...	सातगडार प्रतापशाली जमिदार
यदु नारायण	...	ए पुत्र
अरुण नारायण	...	यदुनारायणेर पुत्र
दिनराज	...	गणेशेर प्रिय सैन्नाध्यक्ष— जातिते कायस्थ
जीवन राय	...	गणेशेर देउयान
गिरिनाथ	...	अरु ब्राह्मण (धवलेखरेर तूतपूर्व पुजारी)
नायरुद्र	...	सातगडार श्रेष्ठ नैर्यायिक
गणाराम	...	मावि
आजिम शा	...	गौडेेर विताडित नबाब
एब्राहिम	...	गौडेेर नबाबेर देउयान
तोरुप	...	गौडेेर नबाबेर सहकारी सेनापति
मोलाना	...	गौडेेर प्रधान मोलाना
महमद आलि	...	मुन्शी
बाटु	...	एब्राहिमेेर धर्वाकृति तृत्य

आचार्या, ऋषिक, कविराज, भिषक, पथिकद्वय, पूर्ववर्गीय ब्राह्मण,
दूतगण, सैन्नागण, सेनापति सभासद्गण प्रभृति ।

স্ত্রীগণ ।

ত্রিপুরাসুন্দরী	...	রাজা গণেশের স্ত্রী
নবকিশোরী	...	যদুনরায়ণের স্ত্রী
কল্যাণী	...	রাজা গণেশের পালিতা কন্যা
উমা	...	গিরিনাথের কন্যা
আশমানতারা	...	আজিমশার কন্যা
মেহের	...	ঐ সহচরী
মঙ্গলা	...	নবকিশোরীর দাসী বৈষ্ণবী প্রভৃতি ।

জাতিছ্যত



প্রথম অঙ্ক

—: :—

[সপ্তদুর্গায় (সাতগড়ায়) বাবা ধ্বলেশ্বরের মর্খব মন্দিরের সুন্দর চত্বর ।
বিস্তৃত উন্মুক্ত দ্বার দিয়া মন্দির মধ্যে খেত বেদীব উপরে কৃষ্ণ শিবলিঙ্গ,
তাহার পশ্চাতে এক শুভ্র ধবল ত্রিশূলপাণি শিবমূর্তি—দেখা যাইতেছিল ।
সম্মুখে স্বর্ণঘটে পুষ্প বিদ্রপত্র, তাহার একপার্শ্বে বসিয়া রাজা গণেশের
পালিতা কন্যা অষ্টাদশ-বর্ষীয়া কল্যাণী পুষ্প সস্তার গুছাইয়া বাথিতেছিল ।
দেহ নাতি স্থল, মুখে সদা প্রফুল্লতার ভাব । একটু পরেই পট্ট বস্ত্র পবিহিতা
রত্নকুচিতা লাবণ্যমরী এক যুবতী সেখানে প্রবেশ করিলেন ; তিনি
রাজা গণেশের পুত্র বধু, ষড়মলের স্ত্রী নবকিশোরী । তম্বলী, মুখের শাস্ত
গান্ধীর্ঘ্য ঔষ্বেজনা-প্রদীপ্ত ।]

কল্যাণী । এত দেয়ী করে এলি বৌদিদি ?

নব কিশোরী । এক অপূর্ব দৃশ্য দেখে এলাম কল্যাণী ।

কল্যাণী । কি অপূর্ব দৃশ্য কবিঠাকরণ ?

নব কিশোরী । দেখে এলাম সাতগড়ার শৌর্য, বাংলার গৌরব আর ভবিষ্যতের আশা । বত্রিশ হাজার বাঙ্গালী সৈন্য যখন সদর্পে নগর কাঁপিয়ে তোরণ দ্বার দিয়ে প্রবেশ করল—তাদের শিরশ্রাণের আভা বিজয় লক্ষীর হাসির মত সাতগড়ার আকাশ উজ্জ্বল করে তুললে । আজ আমার কেবল মনে হচ্ছে এ যেন কোন নহা গৌরবের যুগের পূর্ব সূচনা । বাংলার সুদিন বুঝি—আবার এল ।

কল্যাণী । বিশ্বাস কর ?

কিশোরী । আমি জানি বাঙ্গালী এক অপূর্ব জাতি—এর অন্তর যেমন সঙ্কীর্ণের একটা রেশে গলে যায়, তেমনি এর মস্তিষ্ক—যাকে কেউ ধারণা কর্তে পারে না সেই ভগবানকেও ধারণা কর্তে পারে । এ আজ আচার বিচারের কুটিলতা নিয়ে মাথা ঘামাচ্ছে দেখে মনে হয়, হৃদয় বুঝি এর বড় সঙ্কীর্ণ ;—কিন্তু আমার কেন মনে হয় জানি না, এ যেমন দুহাত মেলে, অপরিমেয় আপন-তোলা ভালবাসায়, জগৎবাসীকে ভাই বলে আলিঙ্গন কর্তে পারে, তেমন কোন জাত পারে না । তুই নিশ্চয় জানিস্ কল্যাণী, জগতের লোককে এ জাতির দান এখনও নিঃশেষ হয় নি ।

কল্যাণী । হুঁ—

নব কিশোরী । হুঁ কি ?

কল্যাণী । লেখা পড়া শিখতে হয় ত বৌদি, তোমার মত করেই শিখতে হয়,—নইলে কেবল একটু লিখতে পারা, কি পড়তে পারা, ছ্যাঃ—কিন্তু সত্যই বল বৌদি, তুমি যে ছাদে গিছলে সে সৈন্যদের দেখতে না—

নব কিশোরী । না কি ?

কল্যাণী । না দাদাকে দেখতে গিছলে ?

নব কিশোরী । হ্যাঁ, তোমার দাদা ভিন্ন জগতে আর কিছু দেখার নেই কিম্বা ?

কল্যাণী । দেবতার সামনে মিথ্যা কথা বলছ ?

নব কিশোরী । নারে, সত্যিই আমি তাঁকে দেখতে গিছলাম ।
কল্যাণী । কথায় বলে—

আমার কারার ছায়া কারার ছায়া
গেলে তুমি কোথা ?
বলে চলাম সই সেই দেশেতে
প্রাণের তপন যেথা ।

বলি পতিব্রতা, তোমার কি সে মুখখানা, এই বিশ বছর দেখেও আশা
মিটলো না ? দাদা ত যাচ্ছেন নবাবজাদা আজিম শাকে সাহায্য
কর্তে, এ কয়দিন প্রাণ ধারণ করবে কি করে তা ভেবেছ ?—

নব কিশোরী । ভেবে কি করব ? ভাবলে ত আর তিনি থাকবেন না !
কল্যাণী । আহা-হা, স্বামী আজ দিন কয়েকের জন্ত যুদ্ধে যাচ্ছেন, তাই
পতিপ্রেম-পাগলিনীর উদ্বেগের আর অবধি নেই !—

বলি—খুব দেখালি তরুলতা, খুব দেখালি তোরা,
শীতে হলি সন্ন্যাসিনী, রোদুর হয়ে হারা ।
তোমার বৌদি সব অদ্ভুৎ !

নব কিশোরী । সত্যিই আমার সব অদ্ভুৎ ; তুই জানিস্ নে কল্যাণী,
আজ আমার বিশ বছর বিয়ে হয়েছে, চৌদ্দ বছর তাঁকে কাছে পেয়েছি,
—তবু যেন মনে হয় আমি তাঁকে মোটেই পাই নি । যতবার তাঁকে দেখি,
আমার বুকে আহ্লাদের বান আসে । আমার মুখ লাল হয়ে ওঠে তিন
বলেন এমন কারও হয় না, কিন্তু আমি ত রোধ করতে পারি নে । আমার
দেখে তৃপ্তি হয় না, কাছে পেয়ে তৃপ্তি হয় না, আমার কেবল ভয় হয়, যে এই
অতৃপ্তি নিয়ে যেন আমার মরণ না হয়, তাহলে আমার মরেও সুখ হবেনা ।—

কল্যাণী । শুনিছি সকালে এদেশে সতীরা ছিলেন—তাঁরা কেমন তা

জানি না, হয়ত তাঁরা তোমার মতই হবেন। কিন্তু আমার কেবল ভয় হয়,—
—তাদের মতই দুঃখ তুমি যেন না পাও। উঃ—সীতার কি দুঃখ!—

নব কিশোরী। জানিস্ কল্যাণী, এক সন্ন্যাসী আমার হাত দেখে কি বলেছিলেন ?

কল্যাণী। কি ?—

নব কিশোরী। বলেছিলেন তুমি স্বামী থাকতে বিধবা হবে, সম্রাজ্ঞী হলেও তোমার মত দুঃখিনী কেউ থাকবে না।

কল্যাণী। সে কি ? কি সর্বনেশে গণনা ? বৌদি, তুমি ভাল করে বাবা ধ্বলেশ্বরের পূজা দাও। আমার ভাল ঠেকছে না।

নব কিশোরী। আমি সাম্রাজ্য চাইনে, অর্থ চাইনে, অলঙ্কার চাইনে। আমি শুধু চাই তাঁর পাশে একটু জায়গা। তাঁকে ছোব, তাঁকে দেখবো। তাঁকে সেবা কর্ক, ভগবান্ ভগবান্ আমার এই সাধটুকু তুমি কেড়ে নিও না। ওকি শব্দ (শুনিয়া) কল্যাণী দেখ্ত এত করুণ সুরে ও কে কাঁদে

কল্যাণী। বোধ হয় গিরিনাথ ঠাকুর গান গাইছে। আহা বেচারী ! শুনেছ বৌদি,—গিরিনাথ ঠাকুরের মেয়ে উমাকে একদল মুসলমান গুণ্ডায় ধরে নিয়ে গেছে ?

নব কিশোরী। ধরে নিয়ে গেছে ?

কল্যাণী। হ্যা—আহা সেই থেকে মেয়ের শোকে, গিরিঠাকুর একেবারে পাগলের মত,—ওকি বৌদি তুমি কাঁদছ ?—

নব কিশোরী। (কাঁদিতে কাঁদিতে) মানুষ কি পশু কল্যাণী ! এতটা অবিচার—আচ্ছা—বলতে পারিস্ কল্যাণী, এতটা অত্যাচার করবার সময়, মানুষ কি ভগবানকে একেবারে ভুলে যায় ?—

কল্যাণী। তাই বটে ! কিন্তু পৃথিবীর বুকে মানুষের তৈরী এ দুঃখের ইতিহাস তো আজ নূতন নয় বৌদি ! এর জন্ত চোখের জল ফেলা—

নব কিশোরী । কি জানি কল্যাণী—কাল্মা বৃষ্টি আমার চোখে আর
ফুরবে না ।

[কল্যাণী নব কিশোরীর চোখ মুছাইয়া দিলেন]

(নেপথ্যে আবার গান)

নব কিশোরী । ঐ—ঐ আবার সেই সুর ! কল্যাণী—কল্যাণী—এ
গান আমি সহিতে পারি না—ওকে বারণ করে দে ভাই—

কল্যাণী । না—না—ও কাঁচুক—ওঁকে বাধা দিও না—কাঁদলে তবু
মনটা অনেকটা হালকা হয়ে যাবে । বৌদি ! তুমি কপাট বন্ধ করে বাবা
ধবলেশ্বরের পূজা দাও । যাও—

[নব কিশোরীর তথাকরণ, কল্যাণী বাহিরে রছিলেন]

গাহিতে গাহিতে গিরিনাথের প্রবেশ ।

[তাহার কোনও দিকে ভ্রক্ষেপ নাই]

গীত

(আমার) নগনের জ্যোতিঃ নিভিয়া গিয়াছে

ঘুচে গেছে মাধ আশা

অশ্রুসায়র জমাট হইয়া

নগনে বেঁধেছে বাসা

পরাণ-পুতলি কেড়ে নিলি করে

ছিঁড়ে নিলি করে ঐশ ?

অন্তর ভাঙ্গা দারুণ ব্যাধার

কিসে পাই বল ঐশ ?

দে রে কিরে দে রে উমারে আবার
কিরে দে পরাণে আশা .
এ দেহ পাঁজর নয় ছেড়ে দে
যুচে বাক্ ভালবাসা ।

[কল্যাণী ধীরে ধীরে আগাইয়া আসিয়া ব্রাহ্মণের হাত দুখানি
ধরিয়া, অতি স্নেহ-মাথা কণ্ঠে ডাকিল]

কল্যাণী । গিরিদাদা !

[সেই স্নেহকণ্ঠে বৃদ্ধের অশ্রুর বাঁধ ভাঙ্গিয়া গেল]

গিরিনাথ । কল্যাণী—দিদি, উমা আমায় ছেড়ে গেছে—

কল্যাণী । আবার তাকে ফিরে পাবে দাদা—তাকে খুঁজতে চারিদিকে
লোক গেছে । দাদা বলেছেন, যত টাকা লাগে প্রায়শ্চিত্ত করে তাকে
জ্বাতে তুলে দেবেন ।

গিরিনাথ । দিদি—দিদি !

কল্যাণী । চল দাদা—

[কল্যাণী তাহাকে হাত ধরিয়া টানিয়া লইয়া গেলেন]

(প্রোচা রাণী ত্রিপুরাসুন্দরী ব্যস্তভাবে প্রবেশ করিলেন)

ত্রিপুরা । বোমাটির সবতাতেই বাড়াবাড়ি । বাবার পায়ে দুটা ফুল
বিষপত্র দিতে এত দেৱী হয় ?

(কল্যাণীর পুনঃ প্রবেশ)

কল্যাণী । মা চেষ্টিও না । বৌদি কাল খারাপ স্বপ্ন দেখেছেন, তাই
বাবার কাছে মাথা খুঁড়ছেন ।

ত্রিপুরা । হ্যাঁ যত তোদের ছেলেমানুষী ! নে নরু, আমি দরজা খুলি ।

কল্যাণী । না মা, বৌদিকে পূজা কর্তে দেও । পূজা সারা হলে উনি নিজেই বার হবেন ।

ত্রিপুরা । ওরে এদিকে যে তিনি ব্যস্ত হচ্ছেন, যত ব্যস্ত হচ্ছে, শুভ লগ্নের সময় বয়ে যায় । সর, সর, বৌমা, বৌমা—(দুয়ার খুলিয়া) একি বৌমা এমন করে শোকান্তের মত মাটিতে পড়ে আছ কেন মা ?

নব কিশোরী । (উঠিয়া বসিয়া আর্তস্বরে) মা, মা, দেবতা আমার পূজা নিলেন না, আমি দুই দুইবার তাঁর চরণে অঞ্জলি দিলেম, তিনি দুই দুইবার তা ঠেলে ফেলে দিলেন ।

ত্রিপুরা । সে কি সর্বনেশে কথা বৌমা । না না তুমি দেখতে ভুল করেছ । দাও ত মা আমার সামনে আর একবার ঘটে পুষ্প বিষ্ণুপত্র । বাবা, বাবা, তুমি রাজা আর যত্ন কোনও অকল্যাণ কর না ।

[নব কিশোরী ভক্তিভাবে প্রণাম করিয়া আবার স্বর্ণঘণ্টের পর পুষ্পাঞ্জলি দিলেন । পুষ্পাঞ্জলি পর মুহূর্ত্তেই গড়াইয়া পড়িল ।]

ত্রিপুরা । বাবা ধবলেশ্বর একি সর্বনেশে চিহ্ন দেখালে, এর পরে আমি কোন্ প্রাণে আর ওঁদের যুদ্ধে যেতে দেব ?— বাবা এ তুমি কি দেখালে ?—

[রাজা গণেশ ও আচার্য্য প্রবেশ করিলেন । পিছনে কয়েকজন শরীর রক্ষী । রাজা গণেশের প্রৌঢ় দেহ সূঠাম বীরত্বব্যঞ্জক । গায়ে বর্ম্ম যুদ্ধের সাজ । মন্দিরে আসিয়াছেন বলিয়া শিরস্ত্রাণ নাই । আচার্য্য শুধু গরদের একখানা ধূতি পরা—পায়ে কাষ্ঠ পাদুকা ।]

রাজা গণেশ । একি রাণী তোমরা এখনও এখানে বসে আছ,— আশ্চর্য্য !

ত্রিপুরা । মহারাজ, আর কোন্ প্রাণে যাত্রামঙ্গলের সব সাজাতে যাব । বাবা ধবলেশ্বর আমাদের উপর কষ্ট হয়েছেন ।

গণেশ । তোমরা পাগল হয়েছ ! আমি আজ যে সব শুভ চিহ্ন দেখেছি— তা অন্য কোন প্রভাতে দেখিনি । পুরোহিত নিজে বলেছেন, এমন শুভদিন বৎসরে কচিৎ মেলে । তোমরা মাঝ থেকে এ অশুভ লক্ষণ কোথায় দেখতে পেলেন ?

ত্রিপুরা । আমার সামনে বৌমা বাবাকে যে ফুল বিল্বপত্র দিয়েছেন, বাবা তা ঠেলে ফেলেছেন । আমি নিজের চোখে সে বুক-কাপানো ব্যাপার প্রত্যক্ষ দেখেছি ।

গণেশ । আমি বিশ্বাস করি না । আচার্য্য, আপনি একবার এই অভিযানের মঙ্গল কামনা করে, বাবা ধ্বলেশ্বরের পায় অর্ঘ্য দিন । বাবা আমার বৃকের ভিতর উৎসাহ দিয়ে বলেছেন, ভয় নেই । কাল স্বপ্নে যেন তাঁর ত্রিশূল আমার কপালে ছুঁইয়ে বললেন—“ষাও বৎস, দিগ্বিজয়ী হও” এ পর্য্যন্ত আমার মনে আছে । নাঃ—তোমাদের কথা আমি বিশ্বাস করলাম না— তোমরা সর ।

আচার্য্য । [ভক্তিভাবে] এই অভিযানের কল্যাণ হউক ।

[উক্ত মন্ত্র পাঠ করিয়া পুষ্পাঞ্জলি দিলেন, সকলে নিশ্বাস রুদ্ধ করিয়া অপেক্ষা করিতে লাগিলেন, সেবার ফুল স্থানচ্যুত হইল না ।]

গণেশ । দেখ দেখ তোমরা ভুল করেছ ।

ত্রিপুরা । তাইত, এবার বাবা গ্রহণ করেছেন ; তবে বৌমার বেলা এমন হল কেন ?

গণেশ । ষাও যাও বৃথা মন খারাপ না করে, যাত্রামঙ্গলের সব গুছিয়ে দাও গিয়ে ।

ত্রিপুরা । চল বৌমা—

কিশোরী । মা, মা, আমি আর একটু এখানে থাকি—

ত্রিপুরা । না, চল আর ভয় নেই ।

কিশোরী । কিন্তু মা আমি যে তিন তিনবার—

ত্রিপুরা। হয়ত তোমার কোন ক্রটি হয়েছিল—চল ।

[নবকিশোরীকে এক রকম জোর করিয়া ধরিয়া লইয়া
গেলেন—কল্যাণীও সঙ্গে গেল ।]

গণেশ । বাবা! ধবলেশ্বর, জ্ঞান হওয়া অবধি আমি সতৃষ্ণ নম্বনে ঐ পশ্চিমের দিক চক্রবালের দিকে চেয়ে রয়েছি ! সূর্যের অস্তিম সমারোহের মত এক গরিমাময় হিন্দু সাম্রাজ্য, ঐখানে ধীরে ধীরে লুপ্ত হয়ে গেছে ! আর কি তার পুনঃ প্রতিষ্ঠা হবে না ? সন্ধ্যায় আমি কাণ পেতে থাকি—আর তেমন করে শব্দ ঘণ্টার ধ্বনি দৌবারিকের মত নিবিড় নিস্তব্ধতাকে পৃথিবীর বুকে বসিয়ে যায় না ; গ্রীষ্মের মধ্যাহ্নে আমি—আকাশের পানে চাই, গ্রামের যজ্ঞাহতিতে আকৃষ্ট হয়ে মেঘরাশি তেমন করে দল বেঁধে এসে মাঠের কিনারায় দাঁড়ায় না ; মৃত্যু আর শত বর্ষের আগে মানুষের গা ছুতে বিধা করে না ;—স্নেহাচার আজ দিগ্বিদিক্ জ্ঞানশূন্য হয়ে, মাতৃজাতির লাঞ্ছনা পর্য্যন্ত কর্তে বিন্দুমাত্র সঙ্কুচিত নয় ! আমি এই সদাচারের অভাব, অভাবের হীনতা, হীনতার গ্লানি, এর মধ্যে দাঁড়িয়ে কত সময় সেই অতীতের পানে চেয়ে চেয়ে দেখেছি, যখন গান্ধার থেকে প্রাগ্‌জ্যোতিষ পর্য্যন্ত এই আৰ্য্যবর্ত্ত একই রাজদণ্ডের আন্দোলনে সুশাসিত হত, যখন লক্ষ্মীর স্বর্ণাঞ্চল গৃহস্থের বাড়ীর চারিপাশে গাছ পালায় ক্ষেত্রে বিছানো থাকতো, যখন এই সমস্ত ভূভাগে বাস কর্ত্ত প্রাণবন্ত এক জাতি—যারা কশ্মে ছিল অপ্রতিহত, সম্পদে ছিল অতুলনীয়, ধর্ম্মে ছিল মহামহীয়ান্ । আজ আবার সেই স্বপ্নের মায়া আমার চোখে লেগেছে ! যুগ-ভ্রষ্টিকার মত সে আমার টেনে নিয়ে চলেছে । তুমি আমার এ প্রয়াসকে সার্থক কর—ভগবান !

[ভক্তিতরে প্রণাম করিলেন ।]

আচার্য্য । [গম্ভীর ভাবে] আমি বলছি রাজা, তুমি সফল হবে ।
জ্যোতিষ যদি সত্য হয়, পূজা আচারের যদি অর্থ থাকে, নিশ্চয়ই এক
সাম্রাজ্য তোমায় করতলগত হবে ।

গণেশ । আচার্য্য, আমার অন্তরে শঙ্কা নেই, কিন্তু বধুমাতার অঞ্জলি,
বাঁবা প্রত্যাখ্যান করলেন কেন ?

আচার্য্য । মানুষের জ্ঞান সসীম রাজা । হয়ত এই অভিযানের মধ্যে
বধুরাণী গুরুতর অসুস্থ হতে পারেন । এর বেশী কিছু অনুমান করা শক্ত ।

গণেশ । তা সম্ভব !

(একজন ঋত্বিক প্রবেশ করিলেন)

আচার্য্য । কি সংবাদ ?

ঋত্বিক । হোমে আহুতি দেওয়া হয়েছে ।

আচার্য্য । [সাগ্রহে] কি ফল হল ?

ঋত্বিক । সমিধের স্তূপ ছাড়িয়ে আগুণ উঠল না—

আচার্য্য । [চিন্তিত ভাবে] যাও—

গণেশ । [উদ্বেগভাবে] আচার্য্য ?—

আচার্য্য । [সহসা রাজা গণেশের হাত ধরিয়।] রাজা, তোমার ভিতর
তীব্র উচ্চাশার বহিঃশিখা আছে ;—কিন্তু তাকে ঘিরে আবার দেহের বিপুল
জড়তাও আছে । পারবে রাজা ঐ জড়তাকে ঐ বহিঃশিখা ভস্মীভূত করবে ?—

গণেশ । [নতজানু হইয়া] আশীর্বাদ করুন ।

আচার্য্য । আশীর্বাদ করিছি ।

গণেশ । [উঠিয়া সৈন্তদিগকে উৎসাহিত করিবার ভঙ্গীতে] এ যুদ্ধে
আমাদের জয় অনিবার্য্য । গাও বন্ধুগণ ! সেই গান—

“আমার সোণার বাংলা গো—”

গণেশের শরীররক্ষীগণের গীত ।

ও আমার সোণার বাংলা গো—

আজকে তোমার ডাক এসেছে

অভীত হতে গো—

আগতে হবে, উঠতে হবে

মরতে হবে— জিততে হবে

কীর্তি-হীনের মসী-মলিন

নিকষ রাতে গো—

আজ আমাদের ঘুম টুটেছে, ওমা তোমার চেয়ে

আনন্দ আবার যশো-ভাতি বুদ্ধ হতে বয়ে

উজল হবে, পূজ্য হবে

বিশ্বাসীর অর্থা পাবে

কীর্তি-করে যুঁহব আঁধার

কপাল হতে গো—

প্রাণপেক্ষ প্রিয়তর। আমার লক্ষ্য অধির তারা

ও গো-আমার পাগল-করা—

সোনার বাংলা গো ।—

[গীতান্তে সকলের প্রস্থান ;—এবং অন্তর্দিক দিয়া যুদ্ধসজ্জা পরিয়া

ধবলেখনকে প্রণাম করিলেন]

যতুমল্ল । বল, তোমার কি অনুরোধ ?—

কিশোরী । [শিরস্ৰাণ খুঁটিতে খুঁটিতে] আমার যে সাহস হচ্ছে

না বলতে !

যতুমল্ল । কেন তার ভিতর অন্তায় আছে কিছু ?—

কিশোরী । ই্যা লোকের চোখে । যদিও তুমি জান, আমি লোকের

কথা বেশী গ্রাহ্য করি না ।

যদুমল্ল । করা উচিতও নয় সব সময় । লোকের চোখ কিন্তু—
জোছনার আলোর মত, তাতে সরলের বৃহতের রূপ ঠিক ধরা যায় । কিন্তু
জটিলের সমাধান তাতে হয় না । তুমি বুদ্ধিমতী ; এবং সবদিক চিন্তা করেই
যখন সে অনুরোধ করবে, তখন আমি কেন তার মর্যাদা রাখব না ?
তুমি বল কি তোমার অনুরোধ !

কিশোরী । তুমি এবার এ যুদ্ধে যেও না ।

যদুমল্ল । [চমকিয়া] যুদ্ধে যাব না ! তোমার মুখে একি অনুরোধ ?
[হাসিয়া] ভয় পেয়েছে ?

কিশোরী । না—তা নয়—অনিশ্চিত বিপদ যন্ত্রণা এমন কি মৃত্যুকেও
ভয় আমরা করি না । স্বামী যখন যুদ্ধে যান, তখন কাঁদতে না বসে শাস্ত্র
মনে স্বামীর মঙ্গল কামনায়, মন্দিরে ভগবানকে ডাকতে আমরা জানি ।

যদুমল্ল । তবু তুমি এই অনুরোধ করলে—

কিশোরী । তবু—

যদুমল্ল । তা হলে [কিশোরীকে বকে টানিয়া লইয়া] বিরহের উত্ত
চিন্তাকুল হয়েছ প্রাণাধিক ?

কিশোরী । [মাথা ঝুঁজিয়া] সত্যই তাই ।

যদুমল্ল । জানি আমি কিন্তু, আমাকে পেয়ে তোমার সাধ মেটে না ।
তুমি আমার সঙ্গের বিনিময়ে ঐশ্বর্য্য গৌরব কিছুই চাও না । কিন্তু এ
যে আমার কর্তব্য !

কিশোরী । তবে, আমার কর্তব্য আমার কর্তে দেও না কেন ?

যদুমল্ল । কি কর্তব্য ?

কিশোরী । আমি তোমার সাথে যুদ্ধে যাব ।

যদুমল্ল । পাগলি —

কিশোরী । সুভদ্রা অর্জুনের রথ চালিয়েছিলেন, তোমরা এখন যথ

চড় না, কিন্তু যুদ্ধ থেকে যখন ক্লান্ত হয়ে এস, তখন সেবা কর্তে দেবে না কেন ?—

যতুমল্ল । অত পুরুষের মধ্যে ?—

কিশোরী । ই্যা মানুষের মধ্যে ; বাঘের মধ্যে নয় ।

যতুমল্ল । কিন্তু মানুষ যে প্রবৃত্তিতে বাঘের মতই ভয়ঙ্কর—আবার চতুরতায় বাঘের চেয়েও ধূর্ত ।

কিশোরী । আমরাও তেমনি সিংহিনী, তাদের দমন রাখতে পারি ।

যতুমল্ল । [সর্দিয়ে] পার ! তুমি বোধ হয় পার । কিন্তু সব নারী নবকিশোরী নয় । সব নারীর চিত্ত, তার স্বামীর মূর্তি দিয়ে পূর্ণ থাকে না, তাই নারী যুদ্ধে যায় না ।

কিশোরী । কিম্বা বল সব পুরুষের মন তার স্ত্রীর ভালবাসায় পূর্ণ থাকে না, তাই নারী যুদ্ধে যায় না—

যতু । ই্যা, একই কথা, এ পিঠ আর ওপিঠ, সে কথা থাক । সে যখন সম্ভব নয়—

কিশোরী । তুমি কেন সম্ভব কর না !

যতু । সব কি পারা যায় কিন্তু—

কিশোরী । লোকের কত কথা ময়ে আমার লেখা পড়া শিখিয়েছ । বাবার অসম্মতি, মায়ের রাগ, তোমাকে টলাতে পারেনি । তবে কেন তুমি যুদ্ধে সেবিকা ভাবে আমাকে নেবে না ?—কেন তুমি আমার যুদ্ধে আশা, মনে কল্পনা, হাতে সেবা দিয়েছিলে, যদি এমন করে সব শৃঙ্খলিত করে রাখবে ?

যতু । কিন্তু এ বারেরই তা . যে করা অসম্ভব, তা জেনেও কেন এ অনুরোধ কচ্ছ ?

কিশোরী । কেন কচ্ছি শুনবে ? কাল আমি বড় ধারণা স্বপ্ন দেখেছি—

যহু। স্বপ্ন কি খুব সত্যবাদী কিন্তু ?

কিশোরী। না, কিন্তু তারপরে আর এক ব্যাপার ঘটেছে, তাতে আমার মন বড় খারাপ হয়েছে।

যহু। কি ? সকালে উঠে অযাত্রা দেখেছ ?

কিশোরী। না, বাবা ধবলেখর আমার অঞ্জলি ঠেলে ফেলেছেন।

যহু। সে কি ?

কিশোরী। একবার নয়, তিন তিনবার। আমি কত কৈদে তাঁকে ডাকলাম,—কত মাথা খুঁড়লাম, তবু তিনি প্রসন্ন হলেন না। কেন জানি না—মনে কেবলই কান্না ফুঁপিয়ে ফুঁপিয়ে উঠছে। কত কি যে ছাই ভস্ম মনে হচ্ছে, তা মুখে বলা যায় না,—তুমি—এবার যেও না।

[কান্নায় কণ্ঠ রুদ্ধ হইয়া আসিল।]

যহু। তাইত !

[দিনরাজ প্রবেশ করিতে বাইয়া থামিলেন ;—একটু ইতঃস্তত করিয়া বলিলেন]

দিনরাজ। আস্তে পারি বন্ধু ?

[কিশোরী অশ্রুসিক্ত মুখ ফিরাইয়া দাঁড়াইলেন।]

যহু। এস।

দিনরাজ। [সকেতুকে] সেনা নায়ক, বিদেশ যাত্রার আগে অন্ধাধিনীর অনুমতি নেওয়া শাস্ত্রীয় না হলেও কর্তব্য ; কিন্তু যুদ্ধ সজ্জা পরে, বন্দী থাকাটা মহারাজ অকর্তব্য বলছেন !

যহু। না না আমি যাচ্ছি, বড় দেবী হয়ে গেছে কি ?

দিনরাজ। সৈন্তেরা যাত্রারস্ত করেছে। রাণী মা নির্মাল্য নিয়ে গিয়ে দাঁড়িয়ে আছেন। বধুরাণী, তোমার বন্দীকে শীঘ্র মুক্তি দাও।

[প্রস্থান।]

যত্ন । কিন্তু, এখন আর ফিরে আসা অসম্ভব । কি জানি ভগবানের
কি ইচ্ছা, কিন্তু এ যুদ্ধে আমার যেতেই হবে । তাঁকে ডাক, যদি তিনি
প্রসন্ন হন । কিন্তু শুনেছি, অন্তর্দিক দিয়ে এ যাত্রা পরম শুভ —
আসি কিন্তু ।

[কিশোরী ভূমিষ্ঠ হইয়া মন্থমন্ত্রকে প্রণাম করিলেন ;—ইতিমধ্যে

নেপথ্যে ভেরীধ্বনি হইল ,—যত্ন তাড়াতাড়ি অস্ত্রাদি লইয়া
চলিয়া গেলেন কিশোরী তাঁহার দিকে কিয়ৎক্ষণ

চাহিয়া থাকিয়া কারার ভারে ভাঙ্গিয়া পড়িলেন ।

পশ্চাৎদিক হইতে পুত্র অনুপনারায়ণ আসিয়া ডাকিল ।]

অনুপ । মা !

কিশোরী । কৈ বাবা (অনুপকে আকুলভাবে জড়াইয়া ধরিলেন)

অনুপ । তুমি কাঁদছ ?

কিশোরী । অনু, তোর বাবা চলে গেলেন—কিছুতেই তাঁকে ধরে রাখতে
পারলাম না ।

অনুপ । তুমি কেঁদ না মা, চল, ঠাকুর মা তোমাকে ডাকছেন ।

কিশোরী । চল যাই,—ভাবান, আর একবার যেন তাঁকে দেখতে
পাই - আর একবার ।—

[অনুপকে বুকের মধ্যে চাপিয়া ধরিলেন ।

—:~:—

দ্বিতীয় অঙ্ক ।

— — * — —

প্রথম দৃশ্য

[রাত্রি প্রহরেক অতীত প্রায় ; কৃষ্ণ অরণ্যানীর কোলে একটি শ্বেত তাঁবু
টাঁদের আলোর নিদ্ৰিত হংসের মত শোভা পাইতেছিল । তার কোলে এক
খানা আরাম কেদারা । তাহাতে গৌড়ের বাদশা সিফুদ্দিনের পুত্র আজিম
শা শয়ান ।— তার একটু দূরে গাছের তলায় এক দোলনাতে বসিয়া তাঁর
একমাত্র কন্যা আশমানতারা মৃদু স্বরে গান করিতেছিল ।]

আশমান ।

গীত ।

ইচ্ছা যদি দূরে থেকেই বাজাও তোমার বাঁশী ।
আমি শুনবো, ওগো শুনবো, তাহ', এই হৃদয়েই বসি ॥
দিনের আলো কোলাহলেও

পশবে সে হৃদয়ের তলে

অঁধার রাতের নীবরতার ঢালবে সুখা রাশি ।
ইচ্ছা যদি ঐ হৃদয়েই বাজাও তোমার বাঁশী ।

আমার নেইতো অভিযোগ!

তোমার দেওয়া চেঁখের কোলে
(তোমার) দেখা যদি নাই মেলে
তোমার দেওয়া কাণে যদি কীণই বাজে হৃদ—
তোমার বলব না নিঠুর—

যে টুকু পাই তোমার আমি করব উপভোগ ॥

কেন ক'রব অভিযোগ ?

অন্ন রসেই ডুববো এবার উঠবো হৃদে ভাসি ।

ইচ্ছা যদি দূরে থেকেই বাজিও তোমার তোমার বাঁশী ॥

আজিম । কি খামলি যে ?

আশমান । [উঠিয়া আসিয়া) তুমি এখনও ঘুমাও নি বাবা ?

আজিম । আমি যদি ঘুমোবো, ত আমার চিন্তাগুলি যার কোথায় ; তাদের পাহারা দেয় কে ?

আশমান । বাবা আমি তোমার মেয়ে, আমার তোমার চিন্তাগুলির ভাগ দেওনা কেন ? মনে লুকানো চিন্তায়, লুকানো কাঁটার মত ব্যথা বড় বেশী । আলোচনা করলে, তার বেদনা কমে যায় । বল না বাবা— তোমার কি কি চিন্তা ?—

আজিম । তুই ছেলে মানুষ, সে সব বড় চিন্তার মর্ম্ম কি বুঝবি—

আশমান । তবু বল—

আজিম । আচ্ছা শোন । গোড় বাদশা সৈফুদ্দিন, নিজের শরীর রক্ষার জন্ত, হাবসী আমদানী করেছিলেন—তা জানিস্ তো ।

আশমান । হ্যা ! বাবা, বললে তুমি রাগ করবে, কিন্তু ঠাকুর্দা বড় ভীতু ছিলেন ।

আজিম । তাত ছিলেনই । এখন তিনি নেই, সব মুস্কিল আমার । তারা নগরের ভাল ভাল স্থানগুলি অধিকার করে আছে, এ হিন্দু মুসলমান কারু কাছে ভাল ঠেকছ না । তাদের না পারছি তাড়াতে, অথচ না তাড়ালেও প্রজাদের ভিতর অসন্তোষ হয় ।

আশমান । [হাঃ হাঃ করিয়া হাসিয়া উঠিল] ইয়ে আল্লা ! নসেরিং জেঠার তাড়া খেয়ে, বনে জঙ্গলে পালিয়ে তোমার চিন্তা হল কি না, হাবসীদের জমি জায়গা নিয়ে ? আগে তাঁকে হারিয়ে দিয়ে গোড়ের বাদশা হও, তারপরে ত ও কথা ভাববে !

আজিম । তাকে ত নিশ্চয় হারাব ! সে বয়সে বড় হয়েছে বলেই তাকে দাদা বলে মানতে হবে নাকি ?

আশমান । তুমি ত মেনে ফেলেছ—

আজিম । কিসে ?

আশমান । ঠাকুর্দা মর্ন্তে না মর্ন্তে, সে বসলো দ্বিতীয় সমসুদিন হয়ে, আর তুমি তাকে তাচ্ছিল্য করে, সোজা বনে চলে এলে—হোঃ হোঃ হোঃ !

আজিম । আমার চিন্তার ভাগ নিয়ে আশমানি, তোর মন ব্যথায় ভেঙ্গে পড়ছে দেখছি !

আশমানি । আমাকে ক্ষমা কর বাবা । কিন্তু তোমার এখন যে বড় চিন্তা তা আমাকে না বলে, আগে ও কি ছাই ভঙ্গ শোনাচ্ছিলে ?

আজিম । নসেরিৎকে হারানো—আমার বড় চিন্তা, তোকে কে বলে—আমি তাকে ধ্বংস করবার আয়োজন করে ফেলেছি ।

আশমান । কি আয়োজন ?

আজিম । সাতগড়ার রাজা গণেশের নাম শুনেছিস ? তাকে আমি সাহায্য করতে ডেকেছি । সে আসছে বত্রিশ হাজার সৈন্য নিয়ে আমার পক্ষ হয়ে লড়তে । তার সঙ্গে আসছে তার—

দূতের প্রবেশ ।

দূত । বন্দেগি জাঁহাপনা ।

আজিম । কি সংবাদ ।

দূত । জাঁহাপনা, মহামাণ্ড মহিমার্ণব দ্বিতীয় সমসুদিন নসেরিৎ—

আজিম । চোপরাও বেকুব—নবাব সিয়ুদ্দিনের এক বাঁদীর পুত্র, তাকে আবার—যা দূর হয়ে যা—

[দূত অপ্রতিভ হইয়া প্রশ্নান করিল ।

আশমান । কিন্তু বাবা, এই সেদিনইত তুমি শুধু নসেরিৎ বলেছিল বলে চটে গিছলে ! বলেছিলে, হাজার হোক সে নবাবের পুত্র, তার নাম সাধারণে ধর্কের কেন ?

আজিম । ঠিকইত । ধর, পথের লোক যদি আমার বলে আজিম, আমি কি তার ঘাড়ে মাথা রাখি ?

আশমান । তবে আজ তাড়িয়ে দিলে কেন ? হয়ত কোনও দরকারী সংবাদ নিয়ে এসেছিল !

আজিম । দরকারী সংবাদ হয়, সেনাপতি নিজে আসবে । শোনু যা বলছিলাম । গণেশের সাথে আসছে—তার ছেলে যত্ন নারায়ণ,—

আশমান । সে আবার কে ?—

আজিম । তার নাম শুনিসনি, দিন রাত থাকবি গান আর কবিতা নিয়ে, তা দেশের সংবাদ রাখবি কি করে ?

আশমান । কে তিনি ?

আজিম । যত্নমল্ল বাংলার সুপ্রসিদ্ধ মল্ল, তারমত বলশালী পুরুষ বাংলায় দ্বিতীয় কেউ নেই, মল্ল যুদ্ধে তিনি অদ্বিতীয় । রামা শ্যামার নাম শুনেনি, তাদের তিনি হারিয়ে দিয়েছেন । ভাল কথা, সেই শ্যামাও এদের সঙ্গে আসছে, দেখিস্ এবার এদের যুদ্ধ ।

আশমান । খুব ভাল যুদ্ধ করে নাকি ?—

আজিম । তোফা ! চমৎকার ! হিন্দুরা জন্মান্তর মানে কি না, তাই মৃত্যুকে ওরা পোষাক বদলান মনে করে । যুদ্ধ যখন করে আশ্চর্য্য ! যে মৃত্যু—চারিপাশে স্তূপীকৃত হয়ে উঠছে, সেই মৃত্যুকে অন্নান বদনে ঠেলে ফেলে, এরা জয়ের দিকে ধায় । আমি মৃত হিন্দুসৈন্যের চোখ দেখেছি তাতে স্বর্গের স্বপ্ন । অথচ এই জাত তুলসী গাছ পুতে তাকে ছেলের মত যত্ন করে, গাভীকে দেখে মায়ের মত ! আমি অনেক সময় অবাক হয়ে এদের কথা ভাবি । আশমান, সংযম যদি সত্যতার মানদণ্ড হয়, তবে এদের মত সুসভ্য জাতি পৃথিবীতে নেই ।

আশমান । বাবা, ব্রাহ্মণীর রক্ত তোমার শরীরে আছে,—তাই তোমার তাদের উপরে এত প্রীতি ;—কিন্তু নসেরিং জেঠা কি চূপ করে আছেন ?—

আজিম । তার চুপ করা না করায় কি আসে যায়, কালকের দিন মাত্র
সে পৃথিবীতে আছে, তারপরে থাকবে তার স্পর্ধার কথা আর তার শাস্তির
কথা ।

[সহসা গুড়ুম গুড়ুম আওয়াজ হইল, দূরে বনানীর একাংশ জলিয়া
উঠিল সেনাপতি দ্রুত প্রবেশ করিয়া বলিল]

সেনাপতি । শীঘ্র দক্ষিণে পলায়ন করুন জাঁহাপনা, নসেরিং খাঁ
আমাদের অতর্কিত আক্রমণ করেছেন ।

আশমান । কি হবে বাবা ?

আজিম । কোন ভয় নেই—আয় আমার সাথে । সেনাপতি তাদের
কত সৈন্য ?

সেনাপতি । অগণিত, যুদ্ধে জয় অসম্ভব আমাদের সৈন্যের এক
চতুর্থাংশ বিধ্বস্ত হয়ে গেছে । জানি না আপনাদের বাঁচাতে পারবো কিনা ।
যান্ যান্ শীঘ্র যান্ ।

[পুনঃ পুনঃ ভেরী নিনাদ করিতে লাগিলেন, বনের অগ্নি আরও
ক্ষুণ্ণ হইল । আজিম শা—আশমানকে ধরিয়া লইয়া দ্রুত
প্রস্থান করিলেন ।]

আশমান । [যাইতে যাইতে] বাবা দূত হয়ত এ সংবাদই নিয়ে এসেছিল ।



দ্বিতীয় দৃশ্য ।

— ০ —

[পথি মধ্যে রাজা গণেশের সৈন্তবাসের শিবিরের এক পাশ্বে । রাজা গণেশ ও দেওয়ান জীবন রায় প্রবেশ করিলেন ; সঙ্গে এক দূত তাহার বক্তব্য নিবেদন করিতেছিল ।]

গণেশ । এত শীঘ্র ?

দূত । হ্যাঁ মহারাজ !

গণেশ । তার পর ?—

দূত । আজিম শা পলায়নপর হলেন, সৈন্তেরা ছত্রভঙ্গ হয়ে পড়ল । নসেরিংশার সৈন্তদের হাতে তারা বহুপশুর মত হত হল ।

গণেশ । আজিম শা ?

দূত । চারজন তার পশ্চাৎধাবন করে । তিনি তাদের সঙ্গে যুদ্ধে নিহত হয়েছেন ।

গণেশ । নিহত ?

দূত । হ্যাঁ, তারা তাঁকে জীবিত না পেয়ে, তার মৃত দেহ গোড়ে নেবার ব্যবস্থা করছে ।

গণেশ । নসেরিতের সঙ্গে কত সৈন্ত ?

দূত । পঁয়ত্রিশ হাজার ।

গণেশ । তারা যেখানে আছে, গোড় থেকে সে স্থান কতদূর ?—

দূত । সাতাশ ক্রোশ

গণেশ । গোড়ে কত সৈন্ত থাকা সম্ভব ?—

দূত । দশ হাজার ।

গণেশ । সেনাপতি ?

দূত । তোরাব খাঁ ।

গণেশ । সেই যুবক ?

দূত । আঞ্জে ।

গণেশ । যাও বিশ্রাম করগে—

[দূতের প্রস্থান ।

মানচিত্র পেটিকা !

(একজন প্রহরী ছুটিয়া আনিতে গেল ।)

দেখ জীবন রায়—

জীবন । বলুন ।

গণেশ । যে মানুষ জ্যান্ত, তার চলতেই হয় ।

জীবন । আঞ্জে হ্যাঁ ।

গণেশ । চলার শেষ ত একটি ঠিক আছে ?

জীবন । আঞ্জে হ্যাঁ—সে মৃত্যু ।

গণেশ । ঠিক বলেছ—গোলমাল শুধু মাকের এই পথটুকু নিয়ে । এক একজন এক একভাবে চলতে চায় । আমি এবার একটু দৌড়ব ।

জীবন । কোন্‌দিকে ?

গণেশ । গোড়ের মস্‌নদের দিকে, পরশু আমরা গোড় আক্রমণ করব ।

জীবন । আপনি কি বলছেন ? (মানচিত্র পেটিকা আনিয়া দিল)

গণেশ । এই দেখ, গোড়ের অবস্থান, এখান থেকে এই পথে সতেরো ক্রোশ । কিন্তু মধ্যে এই নদী । তাড়াতাড়ি পারের উপায় নেই, আর এই পথে একুশ—স্থলপথ—আমরা ঠিক পারবো—

জীবন । বত্রিশ হাজার নিয়ে পঁয়তাল্লিশ হাজারের বিরুদ্ধে—?

গণেশ । পঁয়ত্রিশ আর দশ পঁয়তাল্লিশ বটে, কিন্তু একজন মানুষ একসের চালও ত খায় !

জীবন । হ্যাঁ ;—দুবেলায়—

গণেশ । এখানেও সম্ভব যে—এক বেলায় তাদের দেখা আমরা পাব না ।

হিন্দুর সাম্রাজ্য ! আবার সেই স্বপ্ন ! জীবনরায় ! আমাকে অল্প পরামর্শ দিও না । আমার কাণে ঢুকবে না । শুধু ভাব, আমরা যখন গোড় জয় করব, তখন কি ভাবে বাংলা দেশ শাসন করবে । কি ভাবে হিন্দুকে আবার তার গৌরবের মধ্যে প্রতিষ্ঠিত করবে ।

জীবন । মহারাজ ।

গণেশ । হবে, নিশ্চয়ই হবে । আকাশের কোলে আমি তিন যুগের ঋষিদের ভিড় করে দাঁড়াতে দেখেছি, তাঁরা আমার প্রতীক্ষায় দাঁড়িয়ে আছেন । তাঁদের হাতের অঞ্জলি হাতেই রয়েছে । পর বিজ্ঞা, বিজ্ঞান, গর্ভস্থ শিশুর মত ভবিষ্যতের গর্ভে জন্মেব জন্ম অশাস্ত হয়ে উঠেছে । আমি তাদের আহ্বান করে আনব । জলন্ত ত্যাগ, উজ্জল ভোগ, আবার এখানে পাশাপাশি বাস করবে । সমস্ত হিন্দু আবার বিপুল প্রাণের চেউএ উদ্বেল হয়ে উঠবে, — দুর্বীর হবে, দুরাকাজ্ঞা হবে, দুর্জয় হবে ।—

জীবন । সত্ৰাট ।—

গণেশ । সফল হোক, তোমার অভিনন্দন সফল হোক । এ কে ?—
ক'পছ কেন মা ? কোনও ভয় নেই তোমার, বল কে তুমি ?

[অবগুণ্ঠিতা আশমানতারা কাঁপিতে কাঁপিতে
প্রবেশ করিলেন]

আশমান । আমি আজিম শার কন্যা !

গণেশ । আজিম শার কন্যা !

জীবন । কোথা থেকে এলে নবাবজাদী ? কেমন করে এলে ?—

আশমান । পালিয়ে পালিয়ে—এলাম । (গণেশের প্রতি) বাবার কাছে শুনেছিলাম, আপনি উদার, তাই আমার শত্রু পিতৃব্যের কাছ থেকে আপনার কাছে আসতে আমার সাহস হল বেশী ।

গণেশ । হঁ—

আশ । বাবা আপনার বড় ভরসা কর্তেন, তিনি বলতেন আপনি এসে পড়লে, আর আমাদের কোনও ভয় থাকবে না। আপনি আমার পিতৃতুল্য, আপনি আমার বিমুখ করে দেবেন না !

গণেশ । আমার কাছে কি আশা করে এসেছ ? -

আশ । আমার পিতৃহত্যার প্রতিশোধ, আমাকে আশ্রয় ।

গণেশ । প্রথমটা পাবে নবাবজাদী, কিন্তু দ্বিতীয়টা অসম্ভব !

আশ । অসম্ভব ? বিপন্ন নারী রাজা গণেশের কাছে আশ্রয় চেয়ে পাবে না !—

রাজা । ঠিক তা নয়—তবে—

আশ । কি 'তবে' রাজা ?—

গণেশ । এ ক্ষেত্রে তার অন্য কারণ আছে—

আশ । কারণ শুনতে পাই না রাজা ?

গণেশ । কারণ তুমি মুসলমানী !

আশ । মুসলমানী ! রাজা আমি ভুল করেছি—আমি আপনার আশ্রয় চাই না— (চলিল—পরে ফিরিয়া) কিন্তু একটা কথা আপনাকে বলে যাই রাজা, আজ আপনি ধর্মের অজুহাতে এক বিপন্ন নারীকে আশ্রয় দিতে অনায়াসে অস্বীকার করলেন—কিন্তু শুনেছি আপনাদেরই পূর্বপুরুষ কোনও এক হিন্দু রাজা এক বিপন্ন পাখীকে রক্ষা করার জন্ত নিজের দেহ হতে মাংস কেটে দিয়েছিলেন। কিন্তু রাজা, সে নিতাস্তই অলীক, গল্প কথা ! (স্থান ত্যাগ)

গণেশ । দাঁড়াও বালিকা (আশমানের গতি বন্ধ) আমি এ ভাবে তোমায় ছেড়ে দিতে পারি না। (আশমান ফিরিল)

আশ । সে কি রাজা ? আপনি কি আমার বন্দী করবেন ?

গণেশ । বন্দী ? সাধ হয় বটে—কিন্তু এ অগ্নিস্কুলিকে বন্দী করে রাখি সে শক্তি তো আমার নেই মা !

[আশমান বিস্মিতভাবে রাজা গণেশের মুখের দিকে তাকাইলেন—
পরে ধীরে ধীরে রাজা গণেশের নিকট অগ্রসর হইয়া আসিলেন
ধীরে ধীরে মধুর সস্নেহ কণ্ঠে ডাকিলেন ।]

আশ । বাবা— [ধীরে ধীরে রাজার পায়ের কাছে হাঁটু গাড়িল
রাজা তুলিলেন]

গণেশ । মা,—আমার ঘরে তোকে আশ্রয় দিতে গেলে যে আমার
পুত্রেরও মত চাই । পারবি মা তার মত করে নিতে ?—

আশ । পারবো বাবা !

গণেশ । কিন্তু সে যে বড় গোঁড়া—মুসলমানের উপর তার বড়
বিদ্বেষ !

আশ । কিন্তু বাবা, তিনি রাজা গণেশের পুত্র—আর শুনেছি তিনি
বীর—আমাকে একবার নিজের তাঁর কাছে আবেদন কর্তে দিন—

গণেশ । বেশ, তবে শিবিরে চল মা,—আমি যাচ্ছি ।

[জনৈক প্রহরীকে ইঙ্গিত করিলেন । সে আশমানকে লইয়া গেল]

গণেশ । জীবন—এই যে দুই জাত—হিন্দু আর মুসলমান—দেশের
বুকে এমন করে জড়িয়ে গেছে—শেষে এদের কি হবে, তা কিন্তু আমি
ভেবে পাইনে । যাও, সৈন্যদের পূর্বাঙ্কে যাওয়ার জন্ত, প্রস্তুত হতে আদেশ
দাও ।



তৃতীয় দৃশ্য

— ০ —

[রাজা গণেশের সৈন্যদলের তাঁবুশ্রেণীর পাশ্বে স্থ ক্ষেত্র । দিনরাজ নিবিষ্ট মনে বসিয়া একখানি ছবি আঁকিতেছিলেন, পশ্চাৎদিক হইতে যদুমল আসিয়া দেখিয়া বলিয়া উঠিলেন—“কল্যাণী” !

[দিনরাজ চমকিয়া তাড়াতাড়ি ছবি ঢাকিয়া ফেলিলেন ।

যদু । দিনরাজ !

দিন । (উত্তর করিল না, মাথা নত করিয়া রহিলেন)

যদু । তোমার এত সাহস ! তুমি রাজা গণেশের কণ্ঠাকে ভালবাসার — আকাঙ্ক্ষা কর—কতদিন তুমি এই পাপ প্রবৃত্তি পোষণ করে আসছ ?—

দিন । পাপ !

যদু । পাপ নয় ? তুমি কায়স্থ, আমরা ব্রাহ্মণ, কোনও কালে যে তোমার পত্নী হতে পারে না, মনে মনে তার চিন্তা করা পাপ নয় ?

দিন । নিশ্চয় না ।

যদু । পরম পুণ্য !

দিন । পুণ্য কিনা তাও জানি না । আমি জানি শুধু এই, যে এ ভগবানের দান ।

যদু । স্তম্ভ ?—

দিন । মনে ভোগ-লালসা নেই । আমার এই শরীর দেখছ ;— বজ্রের মত দৃঢ় । আমার সাহস কতদূর তোমার অবিদিত নেই । তুমি কি মনে কর, এই নিয়মে আমি তোমাদের ভৃত্য হতে জন্মেছিলাম ? আমার স্তরবারিতে এতটুকু ধার আছে, যে আমি আমার জন্ত একখণ্ড রাজ্য, এই বাংলা দেশ থেকে কেটে বের করে নিতে পারি । কিন্তু আর সে আকাঙ্ক্ষা নেই ।

যত্ন । এখন শুধু কল্যাণীকে পাওয়ার আকাঙ্ক্ষা ?

দিন্ । সেবা করার আকাঙ্ক্ষা । আমার এই জীবন দিয়ে একখানা স্বর্ণ কবচ তৈরী করে দিতে পারি, যদি জানতাম সেই কবচ সমস্ত আপদ বিপদ থেকে আমার প্রাণাধিকাকে—

যত্ন । [গর্জন করিয়া] সাবধান—

দিন্ । [শাস্ত স্বরে] যদি বিবাদ বাধাতে চাও বন্ধু, চল ক্ষেত্র-প্রান্তে যাই ।

যত্ন । কেন তুমি কল্যাণীকে অমন বিশ্রী সম্বোধন করবে ?—

দিন্ । বিশ্রী ! যবনে যখন মন্দির ভগ্ন করতে আসে - আমরা প্রাণ দিয়ে তা রক্ষা করি না ? বিগ্রহ কি আমাদের প্রাণাধিক নয় ? আমাদের জন্মভূমি, সম্মান, পৌরুষ, সত্য. সবারই কি মূল্য প্রাণের অপেক্ষা বেশী নয় ?—

যত্ন । (নরম হইয়া) কিন্তু আমরা সাধারণতঃ পত্নীকে -

দিন্ । কিন্তু আমার ত কোনও যায়গায় তুমি সাধারণেব কিছু দেখনি । আমি তাকে আজ চার বছর ভাল বেসে আসছি, তুমি ঠিক পেলে আজ । আমি আমার সমস্ত জীবন তার সেবার নিয়োগ করেছি—সে কাজটাও খুব রাস্তা ঘাটের লোক যখন তখন করে না—আর সব চেয়ে বড় কথা যে আমি যাকে ভালবাসি তিনিই হয়ত তার কিছু জানেন না । এও যথেষ্ট অসাধারণ ; তবে কেন তুমি আমায় সাধারণ লম্পটের শ্রেণীভুক্ত করে অপমানিত করছ—আমার বুদ্ধির অগম্য ।

যত্ন । আমায় ক্ষমা কর ভাই ! আমি তোমায় ঠিক এখনও বুঝতে—পারছিনে । মনে পড়ে, যৌবনের প্রথম আবেগে যখন কিশোরীকে বুকে পেয়েছিলাম তখন এমনি এক ভালবাসার স্বপ্ন আমায় পেয়ে বসেছিল । তার কি মহিমা ! বিস্মহে তার কি মধুর তীব্র ব্যথা ! মনে হত এই প্রিয়া আমার জীবনের একমাত্র কাম্য, এর জন্ত এ জীবন আমার যে কোন মুহূর্তে

বিসর্জন দিতে পারি। পরে যখন মিলন হল, ভুল ভেঙ্গে গেল—দেখলাম, এ স্বপ্ন রচেছে প্রেম নয় কাম। কাম যে কত বড় কবি, তার তুলি যে কেমন রঙ্গীন, তা ক্রমে ক্রমে অনুশোচনার সঙ্গে বোধগম্য হল। আজ তাই যখন দেখি একজন পুরুষ একজন স্ত্রীকে ভালবাসার কথা বলছে আমার কেবল তখন আমার সেই ভুল স্বপ্নের কথা মনে হয়।—আমি না মনে করে পারি না, যে আজ আবার সেই অসাধারণ যাদুকর কাম, আর একজন শিকারীর চোখে মোহের অঞ্জন মাখিয়ে তাকে মিথ্যা স্বপ্ন দেখাচ্ছে। আমি কেন রাগ করেছিলাম বুঝেছ দিনরাজ ?

দিন। বুঝেছি ভাই। কিন্তু আরও একটি জিনিষ এর সঙ্গে বুঝলাম যে তোমার চরিত্র টল মল কচ্ছে। সুযোগ পেলেই ভেঙ্গে পড়বে।

যহু। দিনরাজ !

দিন। চমকে উঠ না ভাই। তুমি হয়ত নিজের অগুরের দিকে তেমন করে চেয়ে নেই। তুমি আজ যার বন্ধ, সে কাম ত একত্রত নয়।

যহু। দিনরাজ ! আমার এ দুর্বলতা আমার অবিদিত নেই ভাই। তাই আমি ঠিক করেছি, আজই সাতগড়ায় কিশোরীর কাছে ফিরে যাব। এই মাত্র সেই মর্মে কিশুর কাছে পত্রও পাঠিয়ে এসেছি। যুদ্ধ যাত্রার সময় অভাগিনী দুর্ভাগ্য আশঙ্কায়, বডঠ উতলা হয়েছিল।

দিন। হ্যা, তুমি বাড়ীই ফিরে যাও। আমি এখন বুঝেছি ভাই কেন যাত্রাকালে বধুরাণী দুর্ভাগ্যের আশঙ্কা করেছিলেন। তিনি বুঝেছেন যে, তোমাদের যে প্রেমের বাঁধন তা আলুগা হয়ে গিয়েছে। যে কোনও দিন এ ছিঁড়ে যেতে পারে।

যহু। আমিও তাই ভাবছি দিনরাজ ! আমার নিরাপদ দুর্গ কিশোরীর ভালবাসা, বাইরে আমি অসহায়।

দিন। বাংলার সুপ্রসিদ্ধ মল্ল অসীম বলশালী যদুনারায়ণের বুকে যেমন বাস করে সে কত দুর্বল !

যহু । নিজের কাছে লজ্জায় আমি নিজেই মরে যাই । আমার সে অগৌরব তুমি আবার টেনে বাইরে এন না ! চল মহারাজের কাছে প্রত্যাবর্তনের কথা উপস্থিত করি । মহারাজ কি কচ্ছেন জান ?

দিন্ । মানচিত্র দেখছেন ' কাল গভীর রাত পর্যন্ত পরামর্শ চলেছে জীবন রায় আর শ্যামচাঁদের সঙ্গে । মহারাজের উদ্দেশ্য আমরা ঠিক ধরে পাইছি না ।

যহু । কিন্তু যদি এ খবর সত্য হয় যে আজিম শা নসেরিতের সঙ্গে যুদ্ধে নিহত হয়েছেন, তাহলে আমাদের কন্ডব্য ত শেষ হয়ে গিয়েছে । আমরা ত তারি সাহায্যের জন্ত এসেছিলাম ।

দিন্ ! কিন্তু আজিম শা নিহত হয়েছেন এ খবর মিথ্যাও হতে পারে । তাহলে কি করবে ?—

যহু । দাঁড়াও মহারাজ এদিকে আসছেন আমি প্রত্যাবর্তনের কথাই প্রথম উঠাবো ।

দিন্ ! দাঁড়াও আমি এ সব সাজ সরঞ্জাম রেখে আসি ।

[দ্রুত প্রস্থান ।

[মহারাজ গণেশের প্রবেশ]

(যহু সসম্মানে অভিবাদন করিলেন)

গণেশ । যহু তাঁবু উঠাতে হুকুম দেও । আমাদের যাওয়ার সময় হয়েছে ।

যহু । বাড়ীর দিকে পিতা ?—

গণেশ । না, গৌড়ের দিকে ।

যহু । কিন্তু শুনলাম মবাব আজিম শা নিহত হয়েছেন ।

গণেশ । সত্য, কিন্তু আজিম শার ঘাতক ত এখনও নিহত হয়নি !

যহু। আমাদের গোড়ের বাদশার সঙ্গে ত বিবাদ নেই বাবা! সে যেই হোক আমাদের তাতে কি আসে যায়?

গণেশ। আগে যেত না এখন যায়।

যহু। আপনি কি তাহলে গোড়ের অবিসম্বাদী বাদশার সঙ্গে যুদ্ধ করবেন?

গণেশ। হ্যাঁ।

যহু। কেন, শক্রতা শোধ দেওয়ার জন্ত?

গণেশ। না, গোড়ের সিংহাসনের জন্ত।

যহু। গোড়ের সিংহাসন বাবা!

গণেশ। খুব ছল্লভ কি? নসেরিং শক্তিশালী নয়, গর্বিত কাপুরুষ—

যহু। কি লাভ এতে আমাদের?

গণেশ। যহু, তুমি সন্ন্যাসী নও, রাজপুত্র।

যহু। সেই জন্তই জিজ্ঞাসা করছি পিতা, এতে লাভ কি! আমাদের সাতগড়া তেমন বড় নয়, কিন্তু তার অভাব কি কম? আমরা কি তা মেটাতে পারছি? মানুষের ক্ষুদ্র শক্তি নিয়ে বড় রাজ্য শাসন কর্তে চাওয়া রাজার চেয়ে দস্যুর প্রবৃত্তি নয় কি?—

গণেশ। ছোট রাজ্য রক্ষার পক্ষেই বড় সাম্রাজ্যের প্রয়োজন। ছোট রাজ্যের সৈন্য সংখ্যাও অল্প,—কিন্তু আততায়ী যে হবে সে যে অল্প সৈন্য নিয়ে আক্রমণ কর্তে আসবে তার ত কোনও স্থিরতা নেই! তুমি ভেবে দেখনি যহু, এই ভারত আজ হিন্দুর ভারত থাকত—যদি ভারত সাম্রাজ্য আজ অটুট থাকত।

যহু। কিন্তু কোনও সাম্রাজ্যই ত টিকে থাকে না বাবা! সাম্রাজ্যগুলো আমার মনে হয় খুব বড় একটি সভার মত, যা কোনও এক বড় বক্তার বক্তৃতা শোনার জন্ত কিরণক্ষণের জন্ত দলবদ্ধ হয়েছে। বক্তা বেদী থেকে নামলেই তা ভাঙতে আরম্ভ করে। সাম্রাজ্যে মহিমা আছে কিন্তু

স্থায়িত্ব নেই, নিমন্ত্রণের মত কোলাহল আছে কিন্তু তৃপ্তি নেই, বিস্ময় আছে কিন্তু আবশ্যিকতা নেই। মানুষ আশীর্বাদ করে না, শুধু মনে রাখে।

[দিনরাজের পুনঃ প্রবেশ]

গণেশ। যত্ন তোমার এই যুক্তি বুদ্ধ-বিমুখ মনের যুক্তি,—সাম্রাজ্য-বিমুখ মনের নয়। তুমি বাড়ী ফিরে যেতে চাও ?—

যত্ন। [নত শিরে] হ্যাঁ বাবা—

গণেশ। হুঁ [চিন্তা করিতে লাগিলেন]

যত্ন। আপনি আর চিন্তা করবেন না বাবা ! আমাদের সাম্রাজ্য স্থাপনে প্রয়োজন নেই। চলুন সাতপড়ায় ফিরে যাই।

গণেশ। অসম্ভব। কিন্তু আমার এই অভিযানে আমি অনিচ্ছুক সেনানী নিয়ে যেতে চাইনে।

যত্ন। আমার কখনও অনর্থক সৈন্য ধ্বংসে মত হবে না বাবা—

গণেশ। কিন্তু এ সৈন্য ধ্বংস একেবারে অনর্থক নাও হতে পারে—

যত্ন। আমি আপনার কথার অর্থ বুঝতে পারছি না বাবা !

গণেশ। [নেপথ্যে ইঙ্গিত] এই দিকে এস ত মা—

[অবগুণ্ঠিতা আশমানতারার প্রবেশ]

গণেশ। এই আমার পুত্র যত্ননারায়ণ। এর ইচ্ছা নয় যে আমি আর নসেরিতের সঙ্গে যুদ্ধ করি। দেখ, তুমি যদি একে সম্মত করতে পার ! এর অমতে আমার কিছু করা অসম্ভব।

[প্রস্থান।

আশ। এ অভাগিনীকে তার পিতার অধিকার থেকে বঞ্চিত করবেন না—

যত্ন। আপনি কে ?

আশ। এ হতভাগিনী, গোড়ের নবাব স্বর্গগত আজিমশাহর কন্যা—

যত্ন : নবাব জাদী !

আশ : [সহসা অবগুণ্ঠন উন্মোচন করিয়া] আমি বিপন্ন আশ্রয় প্রার্থিনী, আমায় আশ্রয়দানে বঞ্চিত করবেন না—

যত্ন : [আশমানের সৌন্দর্য্য দেখিয়া বিস্ময় বিমূঢ়]

আশ : [মিনতির স্বরে] রাজপুত্র !

যত্ন : (যত্নমল্ল লজ্জিত হইল—পরে নিজের দুর্বলতার জন্য আশমানের উপরই রাগ হইল এবং পরে কর্তৃস্বরকে যথা সম্ভব কঠিন করিতে চেষ্টা করিয়া বসিল)

যত্ন : আমার পানে অমন করে ভিখারিণীর মত চাইবার প্রয়োজন নেই ! বলুন আমার দ্বারা আপনার কি উপকার হতে পারে ?—

আশ : যে আমার পিতার মৃত্যু সাধন করেছে, তার শাস্তির বিধান করুন । আজ তারই প্ররোচনায় আমি সর্বস্ব হারা, পথের ভিখারিণী, আমাকে আমার পিতৃ সিংহাসন ফিরিয়ে দিন ।

যত্ন : [রুদ্ধস্বরে] সে কার্য্য ত আমার নয় নবাব জাদী ! আমার পিতাকে বলেছেন কি ?

আশ : তিনি আমারও পিতা । তাঁহার সাস্তুনার আমার পিতৃশোক সহনীয় হয়ে উঠেছে । তিনি আমার জন্য তাঁর যথাসাধ্য করবেন ।

যত্ন : তাহলে তার এই আশ্বাসের পরে, আপনার আমার কাছে আসার কোনও আবশ্যিকতা ছিল না ।

আশ : তবুও আপনার—

যত্ন : কর্তব্যে আমি তাঁর ভৃত্ত । আপমি যান্ ।

গণেশ : [দূর হইতে আহ্বান করিলেন] ‘আশমান’—

আশ : রাজপুত্র রাজী হয়েছেন পিতা । আসি রাজপুত্র—

[অভিবাদন করিয়া প্রস্থান ।

[যত্ন নারায়ণ চূপ করিয়া দাঁড়াইয়া তাহার দিকে চাহিয়া রহিলেন ।

দিন। কি সুন্দর ! নবাবজাদীর যোগ্যরূপই বটে—

যত্ন। কিন্তু আচরণ একেবারে নবাবজাদীর অযোগ্য -

দিন। আমি দেখলাম তুমি অসন্তুষ্ট হয়েছ।

যত্ন। সে অবগুণ্ঠন ফেলে দিলে কেন ? আমার সমস্ত সহানুভূতিকে যেন তার দিক থেকে ফিরিয়ে দিলে।

দিন। চল তাঁবু তোলার আদেশ দিতে হবে। তোমার আর বধুরাণীর কাছে ফিরে যাওয়া হল না দেখছি ! আশ্রিত কি শেষে সাত্রাজ্যের দূতী হয়ে এল ?

যত্ন। (চমকিয়া দিনরাজের দিকে তাকাইল, কিছু না বলিয়া পুনরায় চিন্তিত ভাবে প্রস্থান করিল।

চতুর্থ দৃশ্য

— : * : —

[সাতগড়ার অন্তঃপুরের কক্ষ]

(নবকিশোরীর গীত)

সখি অঁখি জল যদি বাঁধ নাহি মানে

অকলে অঁখি ঢাকিও

বেদনা তোমার

বন্ধের মাঝে বাঁধিও

বুঝিবে না কেহ

ব্যথার বাতনা

এ ব্যথা তু কেহ সহেনি

অস্তর ভাঙ্গা বিপুল ব্যথার

এ ভার তু কেহ বহেনি

ক্রন্দন যদি

বাঁধা হয় দায়

আড়ালেতে মুখ ঢাকিও

বুক যদি চায়

ভাঙ্গিয়া বাইতে

ছ'হাতে বন্ধ বাঁধিও ।

কল্যাণীর প্রবেশ ।

কল্যাণী । বৌদিদি !

কিশোরী । (তাড়াতাড়ি অঁখিজল মার্জনা করিয়া) কি কল্যাণী !

কল্যাণী ! একা বসে কাঁদছ ?

কিশোরী । না তাই, মনটি কেমন ধারাপ হয়ে গেল, তাই চোখের
জল রাখতে পারিনি ।

(কল্যাণীর গীত)

ভোল মুখশণী বিরহের নিশি
 শেষ হয়ে এল ঐ
 গুগো কমলিনি ঐ দিনমনি
 আকাশে ভাসিল ঐ
 দক্ষিণা বাতাস দূত তব হয়ে,
 দীর্ঘ নিঃশ্বাস নিয়ে গেছে বয়ে
 আকাশ তোমার অঁখি জল নিয়ে
 রচেছে শিশির কণা
 নিশীথে তাহারে কভুবা কাঁদারে
 করিয়াছে আনমনা ।
 রয়েছে যে চাহি গুগো প্রেমময়ী
 সে চাওয়া মিটল ঐ ।

কিশোরী । নে তোর রঙ্গ রাখ, আমার ভাল লাগছে না ।

কল্যাণী । রঙ্গ নয় গো রঙ্গ নয়—সত্যই দাদার কাছ থেকে দূত
 এসেছে চিঠি নিয়ে—দাদা ফিরে আসছেন—এই নাও চিঠি ।

(নবকিশোরী চিঠিখানি কাড়িয়া লইয়া দ্রুত প্রস্থান)

(কল্যাণীও পিছু পিছু চলিল ।)



পঞ্চম দৃশ্য

[গোড়ের নবাবের দরবার-কক্ষ]

এব্রাহিম খাঁ ও মৌলবী বদরুদ্দিনের প্রবেশ ।

মৌলবী । তাহলে নবাবজাদা নসেরিতের সঙ্গে, রাজা গণেশের যুক্ত বেধেছে ?

এব্রা । [চিন্তিত ভাবে] সবকার শেষে সংবাদ তাই—

মৌলবী । আপনি এত চিন্তিত হয়ে পড়ছেন কেন ? নবাবজাদার সঙ্গে, সে কাফের ব্যাটা পার্কেন না ।

এব্রা । আমিও প্রার্থনা করছি তাই হোক ! কিন্তু ধর যদি তেমন সর্বনাশই ঘটে, নবাবজাদা যদি—

মৌলবী । না না সে হতেই পারে না । সে রকম “যদি”—নবাবজাদার কাছে নেই । নবাবজাদার শিক্ষিত সৈন্য অগণ্য, কে তাকে রোধ করবে ?

এব্রা । রাজা গণেশের সৈন্যরাও সুশিক্ষিত, সেনাপতির। সুদক্ষ । আমি অত নিশ্চিত হতে পারছি না ।

দূতের প্রবেশ ।

এব্রা । কি সংবাদ দূত ?

মৌলবী । সংবাদ আবার কি ! নবাবজাদা নসেরিৎ শা যুদ্ধে নিশ্চয়ই—

দূত । নিহত হয়েছেন ।

মৌলবী । কি বললে ?

দূত । আমাদের সৈন্যেরা যে যদিকে পারে পালাচ্ছে—আর হিন্দু সৈন্য দাবানলের আগুণের মত, তাদের পেছনে ধেয়ে আসছে ।

মৌলবী । তাহলে উপায় ?

এত্রা । উপায় আর নেই । মৌলবী ! মুসলমান সাম্রাজ্য গেল, হিন্দু যদি সাম্রাজ্য চায়, কে তাকে রোধ করবে ? তুমি জান না মৌলবী ! হিন্দুদের যে সাম্রাজ্য নেই তার কারণ তারা সাম্রাজ্য চায়নি । আজ যদি তাদের আবার তাই পাওয়ার ইচ্ছা হয়ে থাকে কে তাকে রোধ করবে ?

মৌলবী । [একান্ত নিরুপায় ভাবে] তাহলে উপায় ।

এত্রা । এখন একমাত্র উপায়, এই মুহূর্তে গোড়ের সিংহাসনে কোন উপযুক্ত ব্যক্তিকে বসানো । যে সুচতুর ও স্বকৌশলী—

মৌলবী । আমি কেমন করে বসাবো ?—

এত্রা । তুমি মৌলবী ! মসজিদের সর্কে সর্কা, তোমার কথার পরে প্রজাদের অসীম শ্রদ্ধা, তুমি যদি একেবারে অনুপযুক্ত নয় এমন কাউকে সমবেত সভাসদদের সামনে সিংহাসনে বসিয়ে দাও কেউ নেই যে টুঁ শব্দটা কত্তে পারে । তুমি তোমার প্রতাপ জান না ।

মৌলবী । তা বটে, তা বটে, কিন্তু আমিও আপনি ভিন্ন অন্য কোন উপযুক্ত লোক দেখছি না, আবার শুধু উপযুক্ত হলেই ত হয় না ? রাজার রক্ত থাকা চাই । আপনি ত বলেছিলেন নবাবের সঙ্গে আপনার কি যেন সম্বন্ধ আছে ?

এত্রা । হ্যাঁ, আমার চাচার নানীকে বিয়ে করেছিল নসেরিতের ঠাকুর-দাদার—আপন মামা ।

মৌলবী । তা হলেই হলো । আমি দেখছি নবাবের গদি, আপনার ভাগ্যেই নাচছে ।

এত্রা । সত্যই তুমি যদি তাই মনে কর, তাহলে এখনি তুমি নবাবের মাথার মুকুট নিয়ে এস । নসেরিতের মৃত্যু সংবাদ প্রচারিত হওয়ার সঙ্গে সঙ্গে যাতে নব নরপতির নাম লোকে জানতে পারে, তার ব্যবস্থা কর । কে জানে গোড়ের হিন্দুদের মনে কি আছে ?

মৌলবী । তাহলে আজই ?—

এত্রা । আজই নয়, এখনই । তুমি যাও, আমিও সভাসদদের সমবেত
কচ্ছি ।

মৌলবী । আচ্ছা, আচ্ছা । [তাড়াতাড়ি প্রস্থান ।

এত্রা । [আহ্বান করিল] বাটু !

অত্যন্ত খর্বকায় সগুন্ফশাশ্রু বাটু প্রবেশ করিল ।

এত্রা । মৌলবী রাজী হয়েছে বাটু, এখন সহকারী সেনাপতি তোরাপ-
খাঁর মত হলে হয় ।

বাটু । (ঈর্জিত করিয়া বুঝাইল যে মত না হইলে খুন করিয়া
ফেলিবে)

এত্রা । কতকগুলো গোমুখ । তাদের উচিত ছিল এতক্ষণ আমার
খোসামোদ করে সিংহাসনে বসানো, তা নয় আমার আবার তাদেরই
খোসামোদ কর্তে হচ্ছে । জগৎ জুগের আদর করে না বাটু ।

বাটু । (ইর্জিতে) মোটেই না ।

এত্রা । তুই যা তোরাপ গাধাটাকে ডেকে নিয়ে আয় শীঘ্র ।—(বাটু
ছোট ছোট পা ফেলিয়া তাড়াতাড়ি চলিয়া গেল) এ পর্যন্ত চাক! ঠিক
চলছে । আজিমের সঙ্গে নসেরিতের বিবাদ,—আজিমের মৃত্যু,—
তারপর নসেরিতের সঙ্গে গণেশের যুদ্ধ, নসেরিতের মৃত্যু । পথ কণ্টকহীন !
গোড়ের সিংহাসন ! শৈশব থেকে তোমার সোনার আভা আমার নিয়ত
টান্ছে । আজ মনে হয়, তুমি - বুঝি ধরা দিলে । তোমাকে পেলে
আসমানতারাকে পেতে বিলম্ব হবে না । স্ত্রীলোক সম্পদের দাসী ।

(তোরাপখাঁর প্রবেশ)

এত্রা । সেলাম সেনাপতি !

তোরাপ । সেলাম, সেলাম, আমাকে স্মরণ করেছেন ?

এত্রা । সেনাপতি তুমি যুবক ! কাজেই তুমি একটু চপল হলেও,—
তোমাকে কেও দোষী বলবে না । কিন্তু আজ এমন দিনে, নিজের কর্তব্য
সম্বন্ধে, এত উদাসীন হওয়া, একি উচিত ?—

তোরাপ ! (মুখ অন্ধকারাচ্ছন্ন হইল) আপনার কথার তাৎপর্য
কিছুতো বুঝলাম না !

এত্রা । জান কি, গোড় কাল যা ছিল আজ তা নেই ?

তোরা । না ।

এত্রা । অথচ তুমি গোড়ের প্রহরায় রয়েছ ?—

তোরা । আপনার হেঁয়ালী পরিস্কার করে বলুন ।

এত্রা । যুদ্ধের সংবাদ কি ?—

তোরা । কালকের সন্ধ্যার সংবাদ রাখি । গণেশের সৈন্য দলের সহিত
নবাবের সাক্ষাৎ হয়েছে । আজ বোধ হয় যুদ্ধ আরম্ভ হয়েছে ।

এত্রা । বোধ হয় !

তোরা । আপনি কি মনে করেন, এত দূরে বসে, বোধ হয় না বলে,—
নিশ্চয় বলা চলে ?—

এত্রা । অবশ্য চলে । জান, গোড়ের যে বটগাছের ছায়ায় আমরা
সকলে বাস করছিলাম—তা তুমি চুষন করেছে ।

তোরা । নসেরিং শা !

এত্রা । প্রভাতের প্রথম প্রহরেই, তাহার জীবনে সন্ধ্যা নেমেছে ।

তোরা ।—খোদা, আর আমি এখানে এখনও দশ সহস্র সৈন্য নিয়ে
দাঁড়িয়ে আছি । আমি চন্ডাম দেওয়ান সাহেব ।

এত্রা । দাঁড়াও, ব্যস্ত হও না । দশ সহস্র কি বিশ সহস্র প্রাণ বলি
দিয়েও—সেই একটা দেহে ছোট নিঃশ্বাস ফেলার মত ও প্রাণ সঞ্চারণ কল্পে
পারবে না । এখন সেখানে ছুটে যাওয়া মানে—তার স্ত্রী ও জননীকে বিপদে
কেন্দ্রে যাওয়া ।

তোরা । আপনারা আছেন !—

এত্রা । অন্ধ হুবক ! বটগাছ পড়ে গেলে, ছায়াশ্রমী ছোট গাছগুলির ইচ্ছা করে নাকি, আমি একবার এমনি করে বেড়ে উঠে আকাশ বাতাস ছেয়ে ফেলি, এমনি কত ইচ্ছা, এরি মধ্যে মাথা তুলেছে জান ?

তোরা । তাহলে এখন—

এত্রা । যত শীঘ্র পার একজন যোগ্য ব্যক্তির হাতে রাজদণ্ড তুলে দাও । নইলে গোড়ের রাজছত্র সকলে মাথায় দিতে যেয়ে টেনে ছিঁড়ে খণ্ড খণ্ড করে ফেলবে । মানুষ এত স্বার্থপর । জগতের আদি থেকে—দুঃখ করে লাভ নেই—

তোরা । কিন্তু এমন সমর্থ ব্যক্তি কে আছে ? নবাবজাদার কোনও পুত্র কন্তা নেই, যে তাকে সিংহাসনে বসিয়ে আমরা তার পাহারায় থাকুবো ।

এবো । তা থাকলেত কথাই ছিল না । সমস্যা সহজ হয়ে যেত

তোরা । আমার মতে, আমার গুরু, সেনাপতি মনিরুদ্দিন আসুন তারপর যা হয় স্থির করলে হবে ।

এত্রা । মনিরুদ্দিন ? যে তাহার দেহের শোণিত দিয়ে পৃথিবীর গায়ে রক্তা ওড়না জড়িয়ে দিচ্ছে ।

তোরা । নিহত ?—

এত্রা । আহত । গুরুতর ভাবে—

তোরা । হা খোদা ! তাহলে সোরাব মুন্সিকে ডাকি, তিনি বিচারাধিপতি হলেও উদার তেজস্বী ।

এত্রা । উদার যে তেজস্বী যে সে জগতের কুটিলতায় মধ্যে দীর্ঘকাল ধরে বাস করে কিছু গড়ে তুলতে পারে না । সে পারে ঝড়ের মত হ্রস্বত একদিন মহত্বের একটা বিমূঢ় করা দৃষ্টান্ত জগতকে দিতে যেতে, পারে নিজেকে দানে দানে নিঃশেষ করতে । জগতের কুটিলতা ষড়যন্ত্র, লোভ,

এদের ভিতরে বসে একটা অমুঠানকে গড়ে তোলা, তাকে ধরে থাকা, সে উদারতায় পেরে ওঠে না।

তোরা। তবে আর কে হবে? আর এক আছেন আপনি। কিন্তু—
এরা। কিন্তু কি?

তোরা। কিন্তু আপনি রোজ নামাজ ছেড়ে এই সব কাজে কি হাত দেবেন?

এরা। ইচ্ছা ছিল না। কি হু দেশের অবস্থা দেখে চিন্তিত হয়ে পড়েছি। খোদার ইচ্ছায় হয়ত এ জঞ্জাল, দিন কতক বইতে হবে।

তোরা। বেশ, বেশ, তাহলে আপনি এখুনি ঘোষণা করে দিন। কোনও ভয় নেই আপনার। যদি কেউ আপনার বিরুদ্ধে দাঁড়াতে যায়, তাকে আমি জীবিত রাখব না।

এরা। আমি জানি তোরাপ, তুমি উদার, কৰ্মনিষ্ঠ ও প্রভুভক্ত। তোমার উপরে আমার বড় আশা। আশা করি তুমি আমার ধারণা ভেঙ্গে দেবে না। তোমার ভবিষ্যৎ সম্বন্ধে যে মহীয়ান স্বপ্ন আমি দেখি, তুমি তা তোমার কার্যাবলীর দ্বারা সার্থক করবে।

তোরা। আমার বিশ্বাস আছে, যে আমি আমার কর্তব্য পালনের দ্বারা চিরদিন আপনার স্নেহের অধিকারী হয়ে থাকব। গোড়ের নবীন বাদশা, আপনাকে আমি আমার প্রথম অভিবাদন জ্ঞাপন করি। (কুর্নিশকরণ)

এরা। (বক্ষে ধরিয়া) আমিও গোড়ের নবীন সেনাপতিকে প্রাণভরে আশীর্বাদ করছি। যাও সেনাপতি, সভাসদদের আহ্বান করে আন! (তোরাব সানন্দে চলিয়া গেল) বাটু! (বাটু উদ্বিগ্ন মুখে প্রবেশ করিল) আশাতিরিক্ত ফল বাটু! আজ রাত্রে তুমি গোড়ের প্রাসাদে বসে রাজ-ভোগ খাবে। তোরাব রাজী হয়েছে। (বাটু নৃত্য আরম্ভ করিল)

এরা। যা, যা, এখন যা। ঐ দেখ, সভাসদেরা আসছে।

(বাটুর প্রস্থান)

[তোরাপ ও সভাসদগণের প্রবেশ]

মহম্মদ আলি মুন্সি । দেওয়ান জী ! নবাব সম্বন্ধে যা শুন্‌নলাম তাকি সত্য ?—

এত্রা । গোড়ের মহা দুর্ভাগ্য । তাই একমাসের মধ্যে তার আকাশ থেকে, চন্দ্র সূর্য্য থসে গেল !—

মহম্মদ । কি সর্বনাশ । আমাদের চারিপাশে এই বিপদের মেঘ ঘনিয়ে এল, কে আমাদের তার মধ্যে পথ দেখিয়ে দেবে ? গোড়ের সিংহাসন শূন্য—রাখা চলবে না । এ সাম্রাজ্য দুর্দান্ত অশ্বের মত । সওয়ার না থাকলে উন্নর্গগামী হবে ।

অন্য সকলে । খুব সত্য কথা ।

তোরাপ । আমার মতে এখনই এই শূন্য সিংহাসনে কাউকে বসিয়ে দেওয়া উচিত, এবং এ সময় যদি কেউ রাজ্য চালনা করতে পারেন তবে যে একমাত্র আমাদের বিচক্ষণ দেওয়ান সাহেব ।

জনৈক সভাসদ । কেন তরিফদ্দিন মহম্মদ অযোগ্য কিসে ?

অন্য সভা । সফিউদ্দিন গোলদারই বা চালনা কর্তে পারবেন না কেন ?—

তোরা । পারবেন না তার কারণ, তারা অন্তদিক দিয়ে কৃতী হলেও, নবাবজাদার বংশের সঙ্গে তাদের কোনও সম্বন্ধ নেই । আমার মতে, দেওয়ান সাহেবই উপযুক্ত পাত্র । এই যে মোলানা আসছেন !

[মোলবা সাহেবের প্রবেশ]

পূর্বোক্ত ব্যক্তি । বেশ ওর কাছেই জিজ্ঞাসা করা যাক । মোলানা সাহেব ! নবাবজাদার—অবর্ত্তমানে, গোড়ের শাসন ভার হাতে নিতে,— তরিফদ্দিন মহম্মদ অনুপযুক্ত কিসে ?—

মৌলবী । তা জানি না । তার চেয়েও একজন উপযুক্ত আছেন,
তার খবর আমি রাখি ।

সকলে । কে, কে ?

মৌলবী । দেওয়ান সাহেব এব্রাহিম খাঁ ! ছলিমদ্দি এদিকে এস ।

(রোপ্যাধারে স্বর্ণ কিরীট আনিয়া উপস্থিত করিল)

তোরা । ঠিক বলেছেন । আজকের গোড়ের এই বিপদের দিনে,
আমরা—আপনার হাতে এ সাম্রাজ্যের রাজদণ্ড তুলে দিলাম । আপনি
শায়মত, ধর্মমত, তা চালনা করুন ।

(নেপথ্যে গোলমাল)

এব্রা । ওকি বাইরে ও কিসের গোলমাল—নাগরিকেরা বোধ হয়
নবাবের মৃত্যু সংবাদ পেয়েছে ! তাড়াতাড়ি মৌলানা সাহেব তাড়াতাড়ি ।

মৌলবী । দেওয়ান সাহেব, আপনি সিংহাসনে উপবেশন করুন ।
দেওয়ান সাহেব, আমি খোদার দোয়া—কামনা করে, আপনার মাথায়
এই সাম্রাজ্যের সোণার বোঝা তুলে দিচ্ছি,—আপনি যেন নিরাপদে তা
বহিতে পারেন ।

[সিংহাসনোপবিষ্ট এব্রাহিমের মস্তকে কিরীট পরাইয়া দিতে গেলেন
সেই মুহূর্ত্তে একটি বাণ আসিয়া সে কিরীট হস্তচ্যুত করিয়া দিল—সকলে
চমকিয়া উঠিল ।]

যত্নমল্ল হাসিমুখে বামপার্শ্ব দিয়া ক্ষিপ্ৰভাবে প্রবেশ

করিয়া বলিলেন]

যত্ন । আপনার ভুল হয়েছে মৌলানা সাহেব ও মুকুট ভবিষ্যতে পর্ক
আমি আর এখন পর্কেন রাজা রাজরাজেশ্বর গণেশ নারায়ণ ঙ্গাছড়ি ।

তোরা । কে আছ বন্দী কর কাফের কে ?

যত্ন । কেউ নেই কাজেই বন্দী হলাম না ।—

[রাজা গণেশের প্রবেশ]

সভাসদগণ । কিন্তু আমরা অস্ত্র ধরতে জানি ।

গণেশ । আমার হুকুম যে তোমরা সব তরবারী কোষবদ্ধ কর ।

মৌলাবী । কে আপনি ?

গণেশ । আমি রাজা গণেশ ! আমার নাম তোমরা শুনেছ । মুসলমানেরা আমার ভক্তি করে, কারণ আমি তাদের বন্ধু । আজ আমি এখানে সেই বন্ধুত্বের পরিচয় দিতে এসেছি । যোদ্ধা ভাবে নয়, তোমাদের সম্রাটভাবে । আমাকে বিশ্বাস কর, তোমরা সুখে থাকবে ।

তোরা । যদি না করি ?—

[গণেশ বংশীধ্বনি করিলেন—অগণিত তরবারী সভাসদগণের পশ্চাৎ হইতে ঝলসিয়া উঠিল । গণেশ সিংহাসনের দিকে অগ্রসর হইতে লাগিলেন, এব্রাহিম সরিয়া দাঁড়াইল । হতবুদ্ধি সেই সভাসদগণের সম্মুখে যবনিকা নামিয়া আসিল ।]

—(*)—

তৃতীয় অঙ্ক

প্রথম দৃশ্য

—:*:—

[গোড়ের রাজ-প্রাসাদের পশ্চাৎস্থিত পুষ্পোদ্যানের পুষ্প বৃক্ষে বারি-সেচন
নিরতা আসমানতারা গান গাহিয়া গাহিয়া ঘুরিতেছিলেন ।]

(আসমানের গীত ।)

ওগো যত বার তেধি দেখা থাকে বাক্য
অঁধির পিরাসা মেটে না,
দৃষ্টির পারে কেন বাও সরে
অদেখার কাল কাটে না ।
জান নাকি প্রিয় নিচুর নিয়
সাধ আশা যত কামনা
তোমারেই ঘিরে মরিতেছে ঘুরে
তোমা বিনা কিছু চাহে না

[গোড়সম্রাটের প্রতিনিধি যত্ন নারায়ণ একটা বৃক্ষান্তরালে দাঁড়াইলেন,
একটু পরে খুঁজিতে খুঁজিতে দিনরাজ সেখানে প্রবেশ করিতেই যত্ননারায়ণ
চমকিয়া যুখে হাত দিয়া কথা কহিতে বারণ করিলেন ; একটু পরে গান
শেষ করিয়া আসমান তারা দূরে অদৃশ্য হইল ।]

যত্ন । কি জন্ত এসেছ এখানে ?

দিন । অসন্তুষ্ট হইয়াছি ভাই !

যত্ন । অন্তরের গোপন কক্ষে সংবাদ না দিয়েই হাজির হয়েছো, লজ্জিত হয়ে পড়েছি ।

দিন । এ গানে বার্ক্যকে টেনে আনে ! তুমি ত যুবা লজ্জিত হ'ও না । তোমার লজ্জিত হবার কোন কারণ নেই । আমি তোমার সংযমে বিস্মিত হয়ে গিয়েছি বন্ধু ! রূপের ও গুণের আকর্ষণে আকৃষ্ট না হয় এমন মানুষ ত আমি দেখিনি । কিন্তু তুমি যে শুদ্ধ মাত্র কর্তব্যের খাতিরে নবাবজাদীর মত যৌবনমণ্ডিতা অপ্সরীর ভালবাসা অনায়াসে অবহেলা কর্তে পারলে সে জ্ঞান আমি তোমাকে অভিনন্দিত না করে পারছি না ।

যত্ন । অতখানি বিশ্বাস ভাল নয় বন্ধু ?

দিন । তা জানি । কিন্তু কর্তব্যকে মেনে নেওয়ার মত সুবুদ্ধি যখন মানুষের হয় তখন তার চরিত্রের দৃঢ়তার বৃদ্ধি অনিবার্য ।

যত্ন । তোমার স্বপ্ন সত্য হোক ভাই—কিশোরী এক পত্র লিখেছে আমাদের অভিযানকে অভিনন্দিত করে ;—অপূর্ব সে পত্র । দিনরাজ আমার পাখীটার কাকলি কি চিরকাল—অগ্নান রাখিতে পারি না ?

দিন । কেন এ সন্দেহ বন্ধু ?

যত্ন । সেই শরীরের আহ্বান দিনরাজ । জানি না তোমাদের কেমন, কিন্তু আমি ত একে অবহেলা কর্তে পাচ্ছি না । মাংসপেশীর ভিতর অদৃশ্য কাটার মত এর বেদনা যখন তখন আমাকে বিচলিত করে তোলে । আমি নিজে অত্যন্ত কঠোর সমালোচক দিনরাজ, কিন্তু এ শরীরের আহ্বানে বড় মাধুর্য আছে ।

দিন । মাধুর্য নেই ? এতে যদি মাধুর্য না থাকে তবে ভগবান সংসারের সমস্ত আনন্দের ঘনীভূত মাদকতা কেন এর ভিতর ঢেলে দিয়েছেন ? এরই প্রয়োজনে ফুলে রং ধরে, এরই প্রয়োজনে ভাষাহীন পুষ্পিকার বৃক্কের গন্ধ দূত হয়ে তার প্রিয়তমকে আকর্ষণ করে আনে, এরই আহ্বানে রমণীর দেহে স্তনপদ্ম বিকশিত হয়ে ওঠে, এর আগমনের স্মৃতিতে

বৃক্ষলতা, কীট, পশু মানব, অপূর্ব আনন্দে উদ্বেল হয়ে ওঠে, এতে যদি মাধুর্য নেই তবে মাধুর্য কিসে আছে ?

যত্ন । কিন্তু মহিমা ?

দিন । মহিমা নেই । সে সম্পদ প্রেমের, অনাবিল স্বার্থ গন্ধহীন যে ভালবাসা তার ।

যত্ন । নবকিশোরীর ?

দিন । নিশ্চয়ই । সেই মহিমাময়ী আধুনিক যুগের চরিত্র শ্রুততার মধ্যে বিধাতার এক অপূর্ব সৃষ্টি । তিনি তার নিজের মহিমায় ধ্রুবতারার মত গগনের এক প্রান্তে উজ্জ্বল হয়ে আছেন । কেউ তাকে স্পর্শ করতে পারে না ।

যত্ন । ভগবানের কাছে প্রার্থনা কর দিনরাজ, আমি যেন তার দুঃখের কারণ না হই । অত ভাল হয় সে অগৎ তার কাছ থেকে মহত্বের পুরোদাম আদায় করে নেয় ।

দিন । আমি সে ভয় বড় করি !

যত্ন । কিন্তু তুমি কেন এসেছিলে তাত বলে না—

দিন । আমি সপ্তাহ দুই এর ছুটা চাই । একটা সংবাদ পেয়েছি, তার জন্য চিন্তিত আছি ।

যত্ন । কি সংবাদ ? কার সম্বন্ধে ?

দিন । কার সম্বন্ধে সংবাদে আমি চিন্তিত হতে পারি ?

যত্ন । কল্যাণীর সম্বন্ধে ?

দিন । হ্যাঁ

যত্ন । কি, অসুখ নাকি ?

দিন । তার চেয়েও গুরুতর, আমি এই কিছুক্ষণ আগে এক সংবাদ পেলাম যে কল্যাণী তোমার মহোদয় ভগিনী নয়—

যত্ন । (বৃহহাস্য করিয়া) অর্থাৎ ব্যোমতাত কিম্বা ধুলতাত ?

দিন। না, কল্যাণী মোটেই ব্রাহ্মণ কণ্ঠা নন।

যত্ন। মিথ্যা কথা। স্বপ্ন দেখেছো, কিম্বা তোমার বিকৃত মাস্তুরের
কল্পনা।

দিন। যাচাই করে আসি। এখন আর কিছু বলব না। হয়ত
দিনরাজ যাকে আকাশের চাঁদ মনে কর্ছিল তিনি পৃথিবীর সরোবরের এক
শ্বেত পদ্ম ; হয়ত চেপ্টা করলে তাঁকে ছোওয়া যায়।

যত্ন। কে সংবাদ দিলে ?

দিন। এক সন্ন্যাসী। আর কিছু বলব না। ছুটা মজুর ?

যত্ন। নিশ্চয়ই ! চল আদেশ দিচ্ছি। (উভয়ের প্রস্থান)

(ইব্রাহিম ও আসমানতারার প্রবেশ)

ইব্রা। তোমার সিকান্তু কিছু স্থির হল কি ?

আস। মাঝে মাঝে আপনার পরামর্শের উপকারিতা বুঝি, কিন্তু পরে
আবার তা হারিয়ে ফেলি !

ইব্রা। কিন্তু দিন চলে যায় ; যত্নমলের প্রভাব দিন দিন গোড়ে
দৃঢ়তর হচ্ছে। এখনও চেপ্টা করলে আজিমসার স্বপ্ন সফল কতে পার কিন্তু
পরে বড় বেশী বিলম্ব হয়ে যাবে। আমার বেশ মনে আছে, সেই দিন
রমজানের সিন্নির দিন, নগরে মহোৎসব, আজিম সা এই প্রাসাদের ছাদে
আমার সাথে দাঁড়িয়ে। গোড়ের আলোক মালার দিকে তাকিয়ে তিনি
বলেন “দেওয়ান সাহেব, এমন একদিন এই বংগলা দেশে আনতে হবে,
যে দিন সন্ধ্যার আজান যখন আকাশে উঠবে সমস্ত বংগলা দেশ তার
ধ্বনিত্তে থর থর করে কেঁপে উঠবে, সমস্ত বাংলা দেশে শুধু এক দেবতার
নাম ধ্বনিত হইবে সে “আল্লা হো আকবর”। সরোবরে যেমন সহস্র
সহস্র কমল ফুটে ওঠে তেমনি আমি এই গোড় নগরে সহস্র মসজিদের শ্বেত
শোভা ফুটিয়ে তুলব। একটা মানুষের মত মানুষ ছিলেন, এই আজিম সা।

আশ । আমার বাবার মত ভাল মানুষ কেউ কখনও দেখেনি—

এত্রা । অথচ তুমি সেই মহাত্মার কন্যা ! তোমার হাতে শক্তি থাকতে তুমি তার সেই সাধ পূর্ণ করলে না, তোমার সুবিধা থাকতে তুমি তার স্বপ্ন সফল করলে না ; তুমি কি তোমার বাবাকে একটুও ভাল বাসতে না ?

আশ । দেওয়ান সাহেব !

এত্রা । কি ? তিরস্কার করবে ? কিন্তু তিরস্কারের পাত্র কে ? সেই মহাপুরুষের অকৃতজ্ঞ কন্যা, না তাঁর পদাঙ্ক অনুসারী অধম ভৃত্য ?

আশ । ভাল, আপনারা বিদ্রোহ করেন না কেন ?

এত্রা । দীর্ঘ তিনমাস ধরে, রাত্রে না ঘুমিয়ে আমি সেই বিদ্রোহেরই আয়োজন করছি আশমান । ছাদশ সহস্র মুসলমান সৈন্য আজ আমার করতল-গত । কিন্তু সে বিদ্রোহে প্রাণ নেই । যে পাত্র থেকে অগ্নিশিখা উঠে সেই বারুদের স্বপে অগ্নিসংযোগ করবে, সে পাত্র শীতল ! যে উঠে সিংহিনীর মত চাইবে যে ফিরিয়ে দাও আমার সিংহাসন, সে গৃহপালিত কুকুরের মত একগ্রাস অন্ন তুষ্ট ! যার আজ উন্মাদের মত উস্কার মত দেশ বিদেশে ছুটে বেড়ান উচিত ছিল, সে আজ পরচালিত লতিকার মত ষড়-মলের উগ্ঠানের শোভা বর্ধন কচ্ছে ! হায় সম্রাট কেন তুমি এই বংশের কলঙ্কে বৃকে ধরে মানুষ করে গিয়েছিলে ? আজ তোমার দিকে আগুল দিয়ে দেখিয়ে ঘণায় সমস্ত মুসলমান হাসে—তা জান আশমান ?

আশমান । বলুন, বলুন, আমার কি কর্তে হবে ?

এত্রা । কি কর্তে হবে ? একবার ঐ শাস্ত সন্তোষ-মুগ্ধ প্রাণে মুসলমানের লুপ্ত-গৌরব-উদ্ধারের তীব্র আকাঙ্ক্ষা জাগিয়ে তুলতে হবে । একবার সৈন্যদের সম্মুখে দাঁড়িয়ে উচ্চৈঃস্বরে বলতে হবে, “আমি এনেছি সম্মানগণ, তোমাদের হয়ে তোমাদের নামে আবার বাংলা দেশ শাসন করবার অধিকার”—

আশ । পার্ক—পার্ক - আমি নিশ্চয়ই পার্ক—

এত্রা । কাল যখন দরবার হবে তখন পিছনে অগণিত মুসলমান সৈন্য নিয়ে, পৃথিবীর সমস্ত মুসলমান জাতির সহায়ত্ব নিয়ে, তোমায় প্রকাশ্য দরবারে যদুনারায়ণের কাছে গিয়ে দাঁড়াতে হবে—

আশ । তাঁর কাছে?

এত্রা । সেই কাফেরের কাছে । উন্নত আননে, স্পষ্ট স্বরে, তোমায় বলতে হবে “যদুনারায়ণ আমার সিংহাসন আমি অধিকার কর্তে এসেছি, কিন্তু আমি যুদ্ধ চাই না, তোমাকে সম্মানে তোমার সাতগড়ায় ফিরে যেতে দিচ্ছি, কিন্তু এ জীবনে আর কখনও গোড়ে এস না ।”

আশ । তাঁর মুখের দিকে চেয়ে আমি একথা বলতে পারব না ।

এত্রা । কেন, আমরা পেছনে থাকুব ; তোমায় অপমানিত করবে, সাধ্য কি ?

আশ । না, অপমান তিনি করবেন না ।

এত্রা । তবে ?

আশ । তবে কি তা আমি জানিনে—

এত্রা । হ । কিন্তু তোমাকে তা জানতেই হবে ।

আশ । [সবিস্ময়ে] জানতেই হবে !

এত্রা । (সরোষে) তুমি কি মনে কর তোমার এ কুণ্ডী সকলের চোখ এড়িয়ে যান ?

আশ । মেহের !

দাসী মেহেরের প্রবেশ ।

এত্রা । মেহেরকে কেন ?

আশ । দেওয়ানজীকে বাইরে নিয়ে যাও ।

এত্রা । (ক্রোধ দমন করিয়া) আচ্ছা ও কথা থাক । কিন্তু তুমি যদি

অগত্যা একথানা পত্রেও একথা না স্বীকার কর আমি কি বলে গিয়ে
যদুনারায়ণের কাছে দাঁড়াই ! তোমার বোধ হয় ইচ্ছা নয় যে, এত
আয়োজন সব ব্যর্থ হয়ে যায় ।

আশ । আপনি পত্রের মুসাবিদা করে নিয়ে আসবেন, আমি সহ করে
দেব—

এত্রা । তাই দিও, তাহ'লেই হবে ।

আশ । আচ্ছা আসুন—এখন—)

[ইব্রাহিমের মুখে প্রস্থানের সময় অপমানের প্রতিশোধের কামনার
বিকট ক্রকুটি ফুটিয়া উঠিল ।]

—————

দ্বিতীয় দৃশ্য ।

— ০ —

[গিরিনাথের কুটীর]

গিরিনাথ ও শ্যামরত্ন ।

(গিরিনাথের গীত)

বিরেছে আমার প্রাণ
 কালো মেঘরাশি
 কোথায় আনন্দ আর
 কোথা আলো হাসি
 ভাদর বাদল মম
 অশ্রু বাষ্পে ঘেড়া
 আকুল হৃদয় মম
 জীবন রত্ন হারা
 কোথায় মরণ ওগো
 আর কত দূরে গো
 নিয়ে যাও তীরে তব
 ভাঙ্গা বুকে আসি ।

শ্যামরত্ন । গিরিনাথ, ভাই !

গিরি । দাদা !

শ্যাম । আর—কেঁদে ফলকি ভাই ? কাঁদলে তো আর কোন উপায়
 হবে না —

গিরি । উপায় ! না, তা হবে না—[সহসা] দাদা—দাদা—আমার
 উমাকে কি আর ফিরে পাব না ?

শ্রায় । গিরিনাথ এতকাল অগ্রজ বলে সম্বোধন করেছ—আমার একটি অশুরোধ রক্ষা করবে ? -

গিরি । বল

শ্রায় । আমাকে তোমার সত্য অগ্রজ হতে দেবে গিরিনাথ ? আমার এই প্রসারিত পক্ষপুটের তলে আমার অন্ধ দুর্ভাগা ভাইটাকে রক্ষা করে—নিয়ে বেড়াব ।

গিরি । না দাদা -না না ।

শ্রায় । কেন ভাই—

গিরি । এ বুকের তাপ তুমি সহিতে পারবে না । ও হো হো জলে গেল জলে গেল ।

শ্রায় । স্থির হও ভাই । তুমি দেবতার পূজারী হিন্দু ব্রাহ্মণ ; তুমি এত অধীর বিচলিত হয়ে পড়বে কেন ? সেই শঙ্করাচার্য্যের শ্লোক স্মরণ কর, —কা তব কাম্য—

গিরি । দাদা, শঙ্করাচার্য্য যখন এই শ্লোক লিখেছিলেন তখন তার কণ্ঠা গুণ্ডাদের হাতে লাঞ্ছিত হচ্ছিল না । দুঃখ দেখে লেখা, আর দুঃখ পেয়ে লেখার মধ্যে কোনও মিল নেই । দাদা আমায় ছেড়ে দাও ।

শ্রায় । ভাই যে যার কর্মফল ভোগ করে একথা তো বিশ্বাস কর ।

গিরি । করি । দাদা তাতে দুঃখ ভোগের কারণ কি তা না হয় বুঝলাম, কিন্তু সাধুনা কোথায় ? আমি যে আমার মাকে নিজে উদ্ধার কর্তে যেতে পারলাম না, তার কারণ আমার অন্ধত্ব ; কিন্তু তাতে আমার মন ত চূপ করে থাকতে পাচ্ছে না ! এই দেখ কেমন করে অস্থির হয়ে সমস্ত বুক ভেঙ্গে বের হওয়ার চেষ্টা করছে । একি উৎকট যন্ত্রণা কি উৎকট যন্ত্রণা !

শ্রায় । ভাই, বৈরাগ্যকে অন্তরে প্রতিষ্ঠিত কর, শান্তি পাবে ।

গিরি । ব'ল না দাদা, ব'ল না । ছঃখীর—নির্জ্বিতের বৈরাগ্য বৃথা, মিথ্যা, ভণ্ডামী । দাদা, আমার বিদায় দাও ।

শ্রায় । না গিরি, আমি তোকে বিদায় দিতে পারব না । তুমি এমন করে অসহায়ের মত—ওকে, উমা আসছে না ?—তাইত ! তাইত !

গিরি । কই, কই ! কই উমা ? উমা !

উমা । বাবা—বাবা—[ছুটিয়া আসিয়া জড়াইয়া ধরিল]

গিরি । তোর অন্ধ ছেলেকে মনে পড়েছে মা !

[শ্রায়রত্ন চক্ষু মুছিতেছিল, হঠাৎ উমার সঙ্গী বৃদ্ধ মুসলমানকে দেখিয়া চমকিয়া উঠিলেন এবং গিরিনাথ ও উমার দিকে চাহিয়া বলিলেন ।]

শ্রায় । দাঁড়াও দাঁড়াও ! [সকলেই চমকিয়া উঠিল]

শ্রায় । উমা, তুমি যখন স্পৃষ্টা ?

উমা । (ভীতি-বিহ্বল করুণ নয়নে একবার শ্রায়রত্নের দিকে তাকাইল—পরে গিরিনাথের দিকে ফিরিয়া আকুলকাণ্ঠ ডাকিল) বাবা !

গিরি । মা ! [বলিয়া উমাকে বুকের কাছে চাপিয়া ধরিল]

শ্রায় । গিরিনাথ, অপেক্ষা কর । [মুসলমান ভক্তলোকের প্রতি] মহাশয় আপনি ওকে কোথায় পেয়েছিলেন ?

মুসলমান । [অসম্ভব ভাবে] আমার বাড়ীর নিকটস্থ বাগানে—

শ্রায় । কি অবস্থায় ?

মুসলমান । মহাশয়, আপনি একটি আহাম্মক ! বাগানে একটি মেয়ে স্তম্ভ সজ্জান অবস্থায় পড়ে থাকে না !

শ্রায় । গিরিনাথ, তুমি তোমার কণ্ঠকে স্পর্শ কিম্বা গ্রহণ কর্তে পারবে না !

উমা । বাবা—বাবা—

গিরি । [বজ্রাঘাত আশঙ্কা করিয়া শঙ্কিত সুরে] গ্রহণ কর্তে পারবে না ! কেন ?

মুসল গ্রহণ কর্তে পারবেন না ?

হায় । শাস্ত্রে ধর্ষিতা নারীর পুনঃ গ্রহণ নিষিদ্ধ ।

মুসল । শাস্ত্রে তা হলে ধর্ষণও, নারীর উপরে অত্যাচারও নিষিদ্ধ ।

হায় । নিশ্চয় !—মহাপাতক—অনন্তকাল নরক ভোগ—

মুসল । কিন্তু শাস্ত্রে আপনাদের অত্যাচার বন্ধ করতে পারে নি !

হায় । শাস্ত্রের কাজ তা নয়—

মুসল । শাস্ত্রের কাজ কি তাহলে নিগৃহীতাকে আরও নিগ্রহ করা ? যে অত্যাচার করলে তার শাস্তির জন্য পরকালকে নির্দিষ্ট করে ইহ-কালের জন্য নিরপরাধা বালিকাটিকে দণ্ডে দণ্ডে মারা ? শুণ্ডা যে, তাকে শাস্তি দিতে পারেন না, শাস্তি দেবেন তাকে । যে একবার শাস্তি পেয়েছে তার একমাত্র কারণ, তাকে হাতের মধ্যে পেয়েছেন !

হায় । আপনি ভেঁছ, আমাদের শাস্ত্রের মর্যাদা বুঝবেন না । এই শাস্তি বিধান না করলে বহু নারী ইচ্ছা করে ধর্ষিতা হত ।

মুসল । আপনাদের শাস্ত্রের ত নারীর উপরে বিশ্বাস অগাধ দেখছি ! বলিহারী হিন্দু-শাস্ত্র ! কতকগুলি ছুটা নারীর বিপথগমন রোধ করবার জন্য কতকগুলি নির্দোষা নারী লাঞ্ছিতা হয়ে যখন বাড়ী ফিরে আসতে চায়, তখন তাদেরও পথ রুদ্ধ করে দেন ! ছুটা আর শিষ্টের সমান বিধি ।

হায় । মহাশয়, আপনাদের কাজ শেষ হয়ে থাকে যদি চলে যেতে, পারেন ।

মুসল । কাজ শেষ কর্তেই ত এসেছিলাম কিন্তু এখন দেখছি কিছু বাকী রয়েছে ! [উমার নিকট যাইয়া] চল নিগৃহীতা পরিত্যক্তা মা আমার—তোমার বুড়া ছেলের বাড়ী তুমি পবিত্র আলোকিত করবে চল—

উমা । না, না, না, আপনি ফিরে যান । আমি আপনার দয়া কখনও ভুলব না । আমি চিরদিন মনে রাখব,—কিন্তু আপনি আমাকে ডাকবেন না ; আমি যেতে পারব না । আপনি যান ; বাবা—বাবা !

মুসল । (একটু চিন্তা করিয়া) তা হলে যাই মা ; কিন্তু যদি কখনও বিপদে পড়, তোমার বড়ো ছেলেটার কথা মনে রেখ । আসি মা ।

(প্রস্থান)

শ্রায় । গিরিনাথ, ধর্মপালন বড় কঠোর । শাস্ত্রের শাসন স্নেহ আত্মীয়তা মানে না, উমাকে পরিত্যাগ কর ।

উমা । বাবা—বাবা—সত্যি কি তুমি আমার তাড়িয়ে দেবে ?

গিরি । দাদা, আমি যদি প্রায়শ্চিত্ত করি— ?

শ্রায় । এর প্রায়শ্চিত্ত নেই গিরিনাথ ! এ বড় নির্ধম কর্তব্য ; কিন্তু তবু আমাদের এ কর্তেই হবে ।

গিরি । তোমার শাস্ত্র কি নিষ্ঠুর দাদা !

শ্রায় । যাও, তুমি স্নান করে আমার গৃহে যাও । আমি উমাকে বৃন্দাবন যাত্রীদের কাছে দিয়ে আসি । ওঠো উমা, চল, আর দেরী কর না । তোমার বাবার মনে আর ক্লেশ দিওনা — এস—

(উমাকে টানিয়া লইয়া চলিল ; উমা কাঁদিতে কাঁদিতে পিছনে

তাকাইতে তাকাইতে অগ্রসর হইতে লাগিল)

উমা । বাবা ! বাবা !

গিরি । মা—মা !

উমা । আমার ত্যাগ কর না বাবা !

গিরি । না—না—এ আমি পার্বনা—কিছুতেই পার্বনা ।

শ্রায় । একি, একি ! গিরিনাথ, কি কচ্ছ ?

গিরি । ঠিক কচ্ছি দাদা—ঠিক কচ্ছি । উমা, অভাগিনী কচ্ছা আমার !

শ্রায় । জান তুমি এর পরিণাম কি ?

গিরি । জানি দাদা !

শ্রায় । জান তুমি আর মন্দিরে ঢুকতে পাবে না ?

গিরি। জানি !

শ্রায়। সমাজচ্যুত হবে। তোমার হস্তের অন্নজল কেউ স্পর্শও
করবে না।

গিরি। জানি !

শ্রায়। সাতগড়ায় আর বাস কর্তে পারবে না—তাও জান মুর্থ—

গিরি। (আকুলভাবে কাঁদিয়া)—জানি দাদা—

শ্রায়। উত্তম, তোমার পথ তুমি খুঁজে নাও শাস্ত্রদ্রোহী—আমি
চললাম। (রুষ্টভাবে প্রস্থান)

উমা। (মুখ তুলিয়া) কোথায় যাঁবে বাবা ?

গিরি। তাত জানি না মা। এত বড় পৃথিবীতে কি আমাদের একটু
ঠাই হবে না—চল খুঁজে দেখি—আমার হাত ধরে নে মা ! উমা ! উমা !
(ক্রন্দনের ভাৱে ভাঙ্গিয়া পড়িল)

—•—

তৃতীয় দৃশ্য।

—:~:—

[গোড়ের প্রশস্ত দরবার কক্ষ। যদুনারায়ণ ও অমাত্যগণ শ্রেণীবদ্ধ-
ভাবে নিজেদের আসনে উপবিষ্ট।]

যত্ন। একটা বিষয় লক্ষ্য করেছেন দেওয়ানজী ?

জীবন। করেছি মহারাজ। মুসলমান অমাত্যদের কেউ উপস্থিত
নেই।

যত্ন। অনেকক্ষণ তাদের জন্তু অপেক্ষা করা হয়েছে, তাদের তলব
করুন। একি আম্পর্ক।

জীবন। (জনৈক কৰ্মচারীকে ইঙ্গিত) পরে চট্টগ্রাম থেকে দূত সংবাদ
নিষে এসেছে।

যত্ন। আহ্বান করুন।

(জীবন রায় ইঙ্গিত করিতেই একজন প্রহরী যাইয়া দূতকে সঙ্গে
করিয়া লইয়া আসিল। দূত নমস্কার করিয়া দাঁড়াইল)

যত্ন। মহারাজ কি সংবাদ পাঠিয়েছেন দূত ?

দূত। চট্টগ্রাম-দুর্গ আমাদের হস্তগত হয়েছে !

যত্ন। হস্তগত হয়েছে ! এত শীঘ্র ? চট্টগ্রামবাসীরা তাহলে সাহায্য
করেছে ?

দূত। যুবরাজের অনুমান সত্য !

যত্ন। তাই হওয়া স্বাভাবিক—

জীবন। স্বাভাবিক রাজপুত্র ? বিশ্বাসঘাতকতা করে কতকগুলি
লোক নিজেদের দেশটাকে শত্রুর হাতে তুলে দিলে,—এই হল স্বাভাবিক ?

যত্ন। আমিও একদিন এমনি ভাবতাম দেওয়ানজী—যাও দূত,
তুমি বিশ্বাস করগে। হ্যাঁ তাঁর ফিরে আসতে কত বিলম্ব হবে ?

দূত । রাজ্য-চালনার সুব্যবস্থা না করে তিনি আসতে পারেন না—
মাস দুই দেবী হতে পারে ।

যহু । হুঁ—আচ্ছা যাও—

জীবন । কিন্তু রাজপুত্র ; আমার কথার উত্তর পাইনি ।

যহু । দেওয়ানজী—সাম্রাজ্য স্থাপিত হয় কোথায় ?—যেখানে সমাজ
শরীর রুগ্ন, বীৰ্য্য নির্বাপিত । সম্রাটেরা চিকিৎসকের মত সমাজ-শরীরে
যতদিন ক্ষত না সারে ততদিন শস্ত্রোপচার করে ।

জীবন । কিন্তু আমরা তাদের উপকার করব বলে যাইনি ।

যহু । নিশ্চয়ই না । আমাদের মধ্যে আজকাল ঢের লোক আছেন
যাঁরা একটি রাজ্য অবলীলাক্রমে সুশাসন কর্ত্তে পারেন । আমরা চট্টগ্রামে
গিয়েছি তাদের জন্য একটা স্থানের সংস্থান কর্ত্তে । কিন্তু জেনে রাখবেন
আমাদের এই স্বার্থপরতাই— তাদের উপকার করে দেবে ।

জীবন । ভগবান করুন রাজা গণেশের সাম্রাজ্যে প্রজাবৃন্দের যেন
দুঃখ না হয়, তারা যেন সুখে থাকে ।

[এব্রাহিম খাঁ সহসা প্রবেশ করিয়া সেলাম করিলেন]

যহু । এই যে ইব্রাহিম খাঁ ! দরবার অনেকক্ষণ আরম্ভ হয়েছে,
খাঁ সাহেব !

এব্রা । কসুর মাপ হয় রাজপুত্র, আমাদের বিলম্ব হয়েছে একটু বিশেষ
কারণে ।

যহু । “আমাদের” “আমাদের” কচ্ছেন, কিন্তু আমাদের কে ?

এব্রা । (পাশ্চাতে তাকাইয়া) ও, তাঁরা এখনও এসে পৌছন নি
দেখছি ।

যহু । আমি তার চেয়ে ঢের বেশী দেখছি । আমি দেখছি, আমার
মুসলমান অমাত্যদের আর রাজা গণেশের উপরে শ্রদ্ধা নেই ।

এত্রা । আজ্ঞে না, অতটা নয়, তবে আমাদের হয়েছে উভয় মুন্সিল ।
আপনার কথা না শুনলেও চলে না—

যহু । আমার কথা কি ? আমার আদেশ !

এত্রা ! আজ্ঞে হ্যাঁ, আপনার আদেশ আমাদের কাছে যেমন ;
নবাবজাদির আদেশও আমাদের কাছে তার চেয়ে কম নয় ।

যহু । কি আদেশ করেছেন তিনি—

এত্রা । এই দেখুন (পত্র দান করিলেন)

যহু ! (পাঠ করিয়া) আমর সিংহাসন ও গোড় ত্যাগ ! বটে !
আচ্ছা এ পত্রের উত্তর আমি তাঁকে বাচনিক দেব—

এত্রা । তাঁকে আর আপনি দেখতে পাবেন না ।

যহু । কারণ—

এত্রা । তিনি গোড় ত্যাগ করেছেন ।

যহু । কি জ্ঞ ?

এত্রা । আপনি তাঁকে বন্দিনী কর্তে পারবেন—

যহু । বন্দিনী ! তবুও শুনি তিনি কোথায় !

এত্রা । মুসলমান সৈন্যদের মধো, তাদের উৎসাহ বৃদ্ধি কচ্ছেন ।

যহু । উৎসাহ বৃদ্ধি !

এত্রা । যুদ্ধের জ্ঞ ! আপনি যদি এই পত্রের নির্দেশ অনুসারে
সিংহাসন ত্যাগ না করেন তা হ'লে আজই তিনি গোড় আক্রমণ করবেন ।

যহু । গোড় আক্রমণ ! শ্যামচাঁদ দিনরাজ বাইরে গেছেন বলেই বুঝি
এই সমস্ত বড়যন্ত্র আজ মাথা তুলেছে ? মুসলমান অমাত্যরা তাই অনুপ-
স্থিত ? কিন্তু তুমি কি জাননা বেকুফ, যে, বিজিত সাম্রাজ্য কেউ চাওয়া মাত্র
ফিরিয়ে দেয় না ?—আর দুদশটা লাঠি সড়কীর জোরে হারানো রাজ্য ফেরৎ
পাওয়া যায় না ? দণ্ড-নায়ক !

(দণ্ড-নায়ক অগ্রসর হইয়া আসিলেন)

এই বিজ্ঞোহীর কাল সূর্যোদয়ের সঙ্গে প্রাণদণ্ড হবে একথা নগরে প্রচার করে দাও ।

এত্রা । (ভানুপাতিয়া) রাজপুত্র ! আমি দূতমাত্র ।

যহু । তুমি মন্ত্রী মাত্র ! তুমিই এই ষড়যন্ত্রের সৃষ্টি কর্তা । তুমি ধূমকেতু হয়ে গোড়ের এই শান্ত সুখোজ্জল আকাশে বিকট মেঘের সৃষ্টি করেছ । আজ তোমারই জন্তু সহস্র নারী অনাথা হবে । তোমার এখনি প্রাণদণ্ড দিতাম, কিন্তু আজ সমস্ত দিন অন্ধকারে কারাকক্ষে নিঃশব্দ শয়-তানির কথা ভেবে কালো চুল সাদা কর্বে, তার পরে কাল তোমার সেই সাদা মাথা তুমি চুষন কর্বে । যাও ।

এত্রা । যুবরাজ, আপনার কাছে আমি এ ব্যবহার প্রত্যাশা করিনি । আপনি বীর, — দূতের মর্যাদা রাখুন—

যহু । কে দূত ? কার দূত ? কোন্ মহিমময়ী রাজ্ঞীর দূত তুমি শুনি ? অনাথা এক যবন কন্তাকে দয়া করে আশ্রয় দিয়েছি, রাজকন্টার সম্মান দিয়েছি, আজ তার জন্তু তার আবদার হ'ল রাজ্যশাসন কর্ত্তে হবে আর অম্নি তিনি হয়ে গেলেন—স্বাধীনা এক রাজ্ঞী—যিনি আমার বিনা অনু-মতিতে গোড়ের প্রাসাদ ত্যাগ কর্ত্তে পারেন, আমার বিরুদ্ধে ষড়যন্ত্র কর্ত্তে পারেন ? যাও আমার সঙ্গুথ হ'তে দূর হও ! মহামাত্য—

মহা । আদেশ করুন ।

যহু । সেনাপতি রাজীবলোচনকে অবগত করান যে, একদণ্ডের মধ্যে আশমানতারাকে বন্দি করে আনতে হবে । একদণ্ড পরে যেন ভেরী-ধ্বনি শুন্তে পাই । আমি নিজে এ যুদ্ধ চালনা কর্ব ।

এত্রা ! রাজপুত্র !

যহু । যাও, একে কারাগারে নিয়ে যাও । (প্রস্থান)

(প্রহরী আসিয়া এত্রাহিমকে বন্দি করিয়া লইয়া গেল ।

অমাত্যেরা নরপতির অনুসরণ করিলেন)

চতুর্থ দৃশ্য

*—

সতিগড়ার রাজপ্রাসাদস্থ অস্ত্রপুৰ সংলগ্ন উদ্যান ।

(নবকিশোরীর গীত)

কোন দিক্ হতে কোন ক্ষণে
কোন কাজল গভীর আঁধি কোণে—
চেয়েছিল সেই বঁধুয়া আমার
মনে নাই তাহা নাহি মনে ।

চুত মুকুলের গন্ধ সেদিন
ভেসেছিল কিনা সমীরণে
ক্ষীণ জ্যোৎস্না পড়েছিল কিনা
বাতায়ন-পথে গৃহ কোনে
ফাগুন সেদিন এসেছিল কিনা
অভিসারে মম অঙ্গনে
মনে নাই তাহা নাহি মনে ।

মনে আছে শুধু, বন্ধ আমার উঠেছিল ঘন কাঁপি
অজানা কামনা অশ্রু হইয়া উঠেছিল অঁধি ছাপি !
আজ আঁধার বাদল বায়ে—
আশার তরণী বেয়ে—
আসিবে না কি বঁধুয়া আমার—
চাবে নাকি মুখ পানে ?—

কল্যাণীর প্রবেশ ।

কল্যাণী । বৌদি,

কিশোরী । কি !

কল্যাণী । দেখ বৌদি, দিন দিন তুমি যেন কেমন হয়ে যাচ্ছ । আমি দেখেছি তুমি লুকিয়ে লুকিয়ে কাঁদ । কেন এমন কর ?

কিশোরী । বল কাউকে বলবি না ।

কল্যাণী । না—কখনও না । বল ।

কিশোরী । তোমার দাদা আর আগের দাদা নেই ।

কল্যা । কি যে বল !

কিশোরী । সত্যি বলছি । কেমন করে, তা বুঝিয়ে বলতে পারি না ; কিন্তু আমি বুঝেছি, সত্যিই আমি বুঝেছি,—

কল্যা । কিসে বুঝলে,—

কিশোরী । আমি জানি, আমার মন বলছে । কল্যাণী,—তুই জানিসনে, তাঁর এতটুকু চিন্তের চাঞ্চল্য হলে আমার মন এই দূর থেকেই তা টের পায় ।

কল্যা । হ্যাঁ ; তোমার সব যত আজগুবি কথা—

কিশোরী । নারে সত্যিই আমার এক সতীন হয়েছে !

কল্যা । দূর পাগল, তাহলে আমরা সন্তান না ?

কিশো । সতীন প্রথম এসেছে তার মনে । এখন তাকে বাইরের কেউ ধরে পারবে না । আমি তার বৃকের সব খবরটুকু জানি যে বোন, তাই কেউ যে একজন উঁকিঝুকি নাচ্ছে তা আমি ধরে ফেলেছি ।

কল্যা । তা অমন ত কতই হয় ।

কিশো । যার হয় সে কষ্ট পায় । স্বামীর সঙ্গে না—বে পারা যায় না । কিন্তু এ যেন সতীনের পার সঙ্গে এক পা বেঁধে তিন পায়ে দুঃখনের যাওয়া । ভেঙ্গে চূরে কষ্ট পেয়ে বোকা বলে যাওয়ার মত ।

কল্যা। তোমার যত অভুৎ কথা ! নেও, তুমি উঠ। চল একটু বেড়িয়ে আসি।

কিশো। না তুই যা আমি একটু পরে যাব।

(ত্রিপুরা সুন্দরীর প্রবেশ)

ত্রিপুরা। আচ্ছা বৌমা তোমার এ কি হ'ল শুনি !

কিশো। (শঙ্কিত ভাবে উঠিয়া দাঁড়াইয়া) কি হয়েছে মা ?

ত্রিপুরা। অন্নুর খাওয়ার সময় হয়েছে অথচ এখনও কিছু যোগাড় করে দাওনি, সে মুখ বুজে চোরের মত ঘুরে ঘুরে বেড়াচ্ছে।

কিশোরী। এই যাচ্ছি— [প্রশ্নান।

ত্রিপুরা। নাঃ চিরকালটাই দেখে এলাম সবতায় বৌমার বাড়াবাড়ি। যতু এবার এলে বলে দেব সঙ্গে করে নিয়ে নেতে। কল্যাণী, তুই এখানে একটু দেরী কর, দিনরাজ তোর কাছে কি একটা কথা জিজ্ঞাসা করে যাবে।

কল্যাণী। আমি তাঁর সঙ্গে কথা বলতে পার্ক না।

ত্রিপুরা। মাঝে মাঝে ত তুই একটা বলে থাকিস, আজ না হয় একটু ভাল করে বলিস। সে আমার ছেলের মত। বড় ভাল ছেলে। কি একটা দরকারি কথা বুঝি জিজ্ঞাসা কর্কে। আমার মাথা খাস, তার কথা শুনে যাস। [ত্রিপুরা সুন্দরীর প্রশ্নান।

কল্যাণী। এলে আচ্ছা মত কড়া কথা শুনিয়ে দেব।

দিনরাজ প্রবেশ করিলেন।

দিন। বহু চেষ্টা করে আপনার সঙ্গে কথা বলার অনুমতি পেয়েছি ; আপনি বৃথা লজ্জা করে যেন নিরুত্তর থাকবেন না।

কল্যাণী। কিন্তু আমি ত কথা বলার অনুমতি দিইনি !

দিন। তা দেন নি বটে তবে আশা আছে সাম্না সাম্নি আর্জি পেশ করলে বিফল হব না। এবং হয়ত আমার কথা আপনি শুনবেন।

কল্যাণী। কোথাও করে দেখেছেন নাকি ?

দিন। এ আর্জি যে সব মানুষ জীবনে একবারই করে, আমি নিজেকে তাদের একজন মনে করি—

কল্যাণী। ই্যা সাম্না সাম্নি আর্জির একটা সুবিধা আছে যে যদি কিছু দলিল পত্র না থাকে তা মুখের কথার কাজ সেরে দেওয়া যায়—

দিন। দলিল ত বন্ধকী সম্পত্তিরই থাকে। আপনার কাছে সে বরকম সম্পত্তি উপস্থিত কর্ব এত বড় দুঃসাহস আমার নেই।

কল্যাণী। সম্পত্তির কারবার করে মহাজনেরা। তাদের আমি ভাল লোক বলি না।

দিন। কিন্তু জীবনে ত একবার তা হতেই হবে।

কল্যাণী। সেদিন সম্পত্তিরও সন্ধান হবে। আজ ত সেদিন আসেনি।

দিন। তা হলেও লোকে ভাবী মহাজনকে ভাল সম্পত্তির সন্ধান পেলে জানিয়ে রাখে।

কল্যাণী। সম্পত্তির কি বিবরণ শুনি—

দিন। ই্যা তা শুনবেন বৈ কি ; সম্পত্তির নাম দিনরাজ-হৃদয়—

কল্যাণী। খুব অমকালো নাম। নাম সার হওয়ার সম্ভাবনা আছে। কোনও ফসল হয়েছে।

দিন। কল্যাণী মূর্তি নামে একটা সূক্ষ্ম শস্ত আছে। নয়ন দৃত তাই বয়ে নিয়ে সেই ক্রেত্রে বণন করেছে।

কল্যাণী। প্রথম বার।

দিন। না

কল্যাণী। [গম্ভীর ভাবে] তাহ'লে এমন বণন অনেক হ'য়েছে।

দিন। মিথ্যা কথা বলে লাভ কি ? জমির দাম কমলেও আমি তা না বলে পারছি না। নয়ন বপন করেছেন অনেক কিছু, কিন্তু ক্ষেত্র এমন বদরকমের যে ঐ একটা শস্যের ফসল ছাড়া আর কিছুই হ'ল না।

কল্যাণী। এ বুঝি পড়া মাত্র অঙ্কুরিত হ'য়ে উঠলো।

দিন। সেই ত আশ্চর্য্য-তৃষিত জমি যেমন করে বর্ষার বারি শুষে নেয় তেমনি করে এই মূর্তি বুকে পাওয়া মাত্র সাগ্রহে ভরে নিলে।

কল্যাণী। ফসল ?

দিন। ফুলের। আজ সেই ক্ষেত্র সেই ফসলে ভক্তি হয়ে গেছে সে ফুল শুভ্র, সুন্দর, স্নিগ্ধ তার গন্ধ। নিজেরা তারা গুচ্ছ বেঁধে একজনের পায়ে পড়ার জন্ত উন্মুখ হয়ে আছে—

কল্যা। আপনার ক্ষেত্রের প্রশংসা অমতত্যা সকলেই করে—

দিন। সম্রাট যদুনারায়ণ এ ক্ষেত্রের কিছু খবর রাখেন তাঁর নিকট প্রমাণ নিতে পারেন।

কল্যা। ফসলের খবর ?

দিন। বন্ধু তিনি ; কাজেই কতকটা রাখেন বৈকি—

কল্যা। মহাজন যদি না ছোটে ?

দিন। ফুল শুকোবে না। তারা ফুটে থাকবে, আর চেয়ে থাকবে—দিন, মাস, বছর, যুগ ; মৃত্যু পয্যন্ত।

কল্যা। নূতন কথা। পৃথিবীর ফুল থাকে না।

দিন। রাণি নবকিশোরী—

কল্যা। তিনি অনন্তসাধারণ।

দিন। বাইরে থেকে কিছু বোঝা যায় না।

কল্যা। আমার একটা অভিযোগ আছে।

দিন। বলুন।

কল্যা। আপনার চোখ বড় বেগাড়া।

দিন । খুব বেশী না ।

কল্যা । আমি যত বারই সাম্নে গিয়েছি সেই চোখ দুটো আমার পানে ঘোরে কেন ?

দিন । প্রমাণ ?

কল্যা । আমি দেখেছি ।

দিন । তা হলে দেখা শুধু আমার চোখেরই অপরাধ নয় । আমিও এ অভিযোগ কর্তে পারি যে আমি যতবার সাম্নে পড়েছি আপনার চোখ আমাকে দেখেছে এবার । হেরেছেন ।

কল্যা । আমি দেখেছি অন্য উদ্দেশ্যে পাহারাওয়ালার ভাবে—

দিন । কিন্তু প্রত্যেক বারই যদি চোর আর পাহারাওয়ালার দেখা হয় সে বড় সন্দেহের কথা ! দেবী, ঐ কমলনয়নই আমাকে আশ্বাস দিয়েছে, ঐ কাজল ঘেরা চোখের বিদ্যুৎ দৃষ্টি আমার আকাঙ্ক্ষাকে আলোকিত করেছে । তাই না আজ সে বাইরে এসে দাঁড়াতে সাহস করল । নৈলে দীন আমি —

কল্যা । ওঃ ! আমি ভেবেছিলাম বিনয় জিনিষটা ভগবান ও ক্ষেতে বুঝি মোটেই দেন নি ?

দিন । বিক্রম যত ইচ্ছা করুন । কিন্তু এটি জানবেন যে আজ আপনার মুখের একটা কথা' পরে আমার জীবনের সব নির্ভর কচ্ছে, এ জীবনের যাত্রা কোথায় শেষ হবে সে প্রশ্নের সমাধান এখনি হয়ে যাবে । আমি আপনার কাছে আমার জীবনের সব চেয়ে বড় সমস্যার সমাধানের জন্ম এসেছি ।

কল্যা । সে সমস্যার সমাধান ভগবান বর্ণের পার্থক্য দিয়ে করে রেখেছেন ।

দিন । যদি তা না থাকে ?

কল্যা । সে কি ?

দিন । যদি প্রমাণ হয় আপনি কার্ঘ্যের কথা—

কল্যা । মিথ্যা কথা ।

দিন । জগতে আশ্চর্য্য ঘটনার এখনও শেষ হয়নি । রাজা গণেশ আপনার পিতা নন । আপনার পরিচয় এতদিন কেউ জানতেন না বলে আপনার পরিণয় আজও হয়নি । আপনার পিতা সন্ন্যাসী হয়ে গিয়েছিলেন ; তিনি আজ ফিরে এসেছেন ।

কল্যা । একরূপ কথা হয় আপনার পাগলামি—

দিন । মহারাণীর কাছে ভিক্ষাসা করবেন যে আপনি তাঁর পালিতা কথা কিনা ?

কল্যা । কোথায় সে সন্ন্যাসী ? আমি এখন তাঁকে দেখতে যাব ।
(প্রস্থানোত্ত হইলেন দিনরাজ পথরোধ করিলেন)

দিন । কিন্তু আমার কথাটার উত্তর ?

কল্যা । চোখ ত তা দিয়ে ফেলেছে ।

দিন । কল্যাণী—কল্যাণী—(হাত ধরিয়া ফেলিলেন)

কল্যা । ছাড়ুন ছাড়ুন ও কাজটা শুভদিনে কর্ত্তে হয় যে । আসুন আমায় সেই সন্ন্যাসীর কাছে নিয়ে চলুন—

পঞ্চম দৃশ্য ।

—*—

গোড় উপাস্তে শিবির ।

[আশমানতারা সাগ্রহে মেহেরের মুখে যুদ্ধের সংবাদ শুনিতেছিলেন]
মেহের । তোরাপ খাঁর ব্যবস্থা ভারি সুন্দর, হিন্দুরা মোটেই দাঁড়াতে
পাচ্ছিল না ।

আশ । মুসলমান সৈন্যদের ভিতর খুব উৎসাহ দেখলি—

মেহের । ওঃ খুব বেশী, তারা যেন জয় নিশ্চিত জেনে যুদ্ধ করছে ।
এব্রাহিম খাঁ মৌলানা সাহেবকে দিয়ে এদের বলেছেন যে, এই মাসে
মুসলমান রাজ্যের পুনঃ প্রতিষ্ঠা হবে । এব্রাহিম খাঁ কি বুদ্ধিমান !

আশ । আমি অমন আর দেখিনি । আঃ তিনি বাইরে থাকলে
যুদ্ধ জয় আমাদের নিশ্চিত হত । আহা আমাদের জন্য তিনি আজ প্রাণ
হারাতে বসেছেন ।

মেহের । তিনি আপনাকেও খুব ভাল বাসেন ?

আশ । হ্যাঁ, খুব বেশী । সেই জন্যই ত আজ তাঁকে অকালে প্রাণ
হারাতে হ'ল । এ আপশোষ আমার কিছুতেই যাবে না ।

মেহের । যখনারায়ণের এ যোর অবিচার ।

আশ । নিশ্চয়ই, তারপরে তিনি নিজে যুদ্ধে এসেছেন !

মেহের । হ্যাঁ—তিনি এসে পড়ার পর থেকে ত এ যুদ্ধের স্রোত কিরে
গেল, নৈলে হিন্দুরা ত হুটে গিচ্ছিল আর কি ?

আশ । স্বার্থে আঘাত লাগলে মানুষ এমনি উন্মাদই হয় । যুদ্ধে খুব
উৎসাহ দেখলি বুঝি ?

মেহের । ই্যা, সে প্রচণ্ড বেগ কেউ সহ কর্তে পাচ্ছে না ।

আশ । কোথায় দাঁড়িয়ে যুদ্ধ দেখা যায় মেহের ? আমার ইচ্ছা কচ্ছে আমিও যেয়ে একবার আমার সৈন্যদের উৎসাহ দিয়ে আসি ।

মেহের । দরকার হলে হয়ত তাও কর্তে হবে । কিন্তু আজ আর দরকার নেই সন্ধ্যা হয়ে এসেছে । (নেপথ্যে কোলাহল)

আশ । ওকি - ও কিসের গোলমাল দেখতে মেহের—

(মেহেরের প্রশ্নান)

(বস্ত্রাবৃত এব্রাহিম খাঁর প্রবেশ ।)

আশ । একে ? কে তুমি—দেওয়ান সাহেব কি করে এলেন আপনি ?

এব্রা । খোদাতালার অনুগ্রহে আর উৎকোচের বলে । আমাকে হিন্দুর পোষাকে বেরিয়ে আসতে হয়েছে । বাংলার ভবিষ্যত রাক্ষসী ! এ অধম যে আপনার কাজ কর্তে গিয়ে বিপদে পড়েছিল তার গুণ মনে তার সন্তোষের পরিসীমা নেই ।

আশ । আর আমাদের অনুতাপের অন্ত ছিল না, দেওয়ান সাহেব, যে আপনার মত বিশ্বাসী বন্ধু সামান্য দূতের কাজের জন্য হারালাম । জেনে রাখবেন দেওয়ান সাহেব, আপনার এই বিপদ বরণ করে নেওয়ার জন্য আপনার কাছে চিরদিন কৃতজ্ঞ থাকব ।

এব্রা । সে কৃতজ্ঞতার কি কোন পুরস্কারই আজ মিলবে না ?

আশ ! বলুন কি পুরস্কার চান । আমি সানন্দে দিচ্ছি । আপনার মত আত্মীয় আমার কে ?

এব্রা । সেই বন বীথিকার তলে দু'বছর আগে ফাগুন সন্ধ্যায় কোরাণ সড়ানোর উপলক্ষে সাদরে আমার কর স্পর্শ করে যে পুরস্কার দিয়েছিলে আজ মৃত্যুর কাছাকাছি থেকে ফিরে এসে আবার তার জন্য ভূষিত হয়ে উঠেছি । আশমান—(আশমান চুপ করিয়া রহিলেন)

এই কি তোমার কৃতজ্ঞতা ?

আশ। আপনি বিশ্বাস করুন দেওয়ান সাহেব, আমি এ উপকার কখনও বিশ্বৃত হ'ব না।

এত্রা। আজ জীবন দিয়ে তোমার মন পাওয়া যায় না আশমান এমন ত আগে ছিলে না। কি হয়েছে তোমার বলতে পার ?

আশ। (নিরুত্তর)

এত্রা। আমার উৎসাহ ভগ্ন করে দিলে। আজ আমরা জিত্তি কি হারি স্থিরতা নাই। আমার চেয়ে আত্মীয় তোমার কে আছে ? এই আমাকে তুমি রুদ্ধ বীর্য্য প্রভঞ্জনের মত ব্যবহার কর্তে পার্তে—কিন্তু তোমার ব্যবহারে আমি নিরুত্তম হয়ে গেলাম। জয়ের মূল্য কিছু আর আমার কাছে রইল না। কাল সমস্ত মুসলমান জাতি হিন্দুর কাছে বন্দী হবে।

আশ। দেওয়ান সাহেব, সেই পুরস্কার পেলে আবার আপনার উৎসাহ হবে ?

এত্রা। নিশ্চয়ই। সহস্রবার। এই সোহাগের স্পর্শের মধ্য দিয়া আমি তোমার প্রাণের কথা শুনতে পাব। তোমার আদর আমার হতমান বীর্য্যকে হাত ধরে তুলে এনে সমরাজ্ঞানে দাঁড় করিয়ে দিয়ে যাবে। তুমি জান না প্রিয়র উৎসাহ—একটি মানুষকে দশটা মানুষের সমান করে। শুধু তুমি আমাকে একটু ভরসা দাও, বাংলা সাম্রাজ্য কাল তোমার। দেবে আশমান ? (অগ্রসর হইয়া আসিলেন)

(সেই মুহুর্তে মেহেরের প্রবেশ)

মেহের। আমাদের জয় সুনিশ্চিত নবাবজাদি—

আশ। কি হয়েছে ?

মেহে। যুবরাজ যদুনারায়ণ সাংঘাতিক আহত হয়েছেন—

এত্রা । আচ্ছা আচ্ছা যা এখন থেকে, বকশিশ্ পাবে ।

(মেহের চলিয়া যাইতে উত্তত হইল)

আশ । দাঁড়া । কে বলে ?

মেহে । তোরাপ খাঁ নিজে বলেন । যুদ্ধ বন্ধ হ'য়ে গিয়েছে, কাল বোধ হয় আর যুদ্ধ কর্তে হবে না ।

আশ । এত সংঘাতিক ।

মেহের । ই্যা একথানা বর্শায় তার বুক বিদ্ধ হয়েছে ।

এত্রা । একি তুমি ছুলাছ, কেন তোমার কি হয়েছে ?

আশ । ছেড়েদিন আমার মাথার ভিতর কেমন কচ্ছে !

এত্রা । এত বড় শুভ সংবাদে কোথায় তুমি আহ্লাদে নাচবে, তা নয় ভেঙ্গে পড়ছ ?

আশ । আমার কিছুক্ষণ একা থাকতে দিন । দোহাই আপনার পরে আপনি যা বলবেন তাই শুনবো ।

এত্রা । কিন্তু তোমার চোখ মুখের যা অবস্থা তাতে নিকটে থাকারই বেশী দরকার ।

আশ । না আমার কিছু হয়নি—এই দেখুন যান্, আপনি যান্ ।

এত্রা । অতুৎ ! এতদিনেও এর মনের আমি হৃদিস পেলাম না
বিরক্তিকর— (প্রস্থান)

আশ । মেহের, তোরাপ খাঁ সত্যিই বলে যে কাল তিনি যুদ্ধ কর্তে পার্কেন না ?

মেহে । ই্যা গো কোথায় ভাবলাম হারছড়া আমার বকশিশ্ দেবে তা নয় তোমার চোখের কোন ভিজে উঠছে । তা হলে পরের খবর আর বলাই চলে না ।

আশ । না না ক' পরে আবার কি খবর আছে ?

মেহে । তোরাপের এবং অল্প সকলের ধারণা ও আঘাতে মানুষ তিন চার দণ্ডের বেশী বাঁচে না । কাজেই ভোর হ'তে গোড়ের দিকে হরিধ্বনি শোনা মোটেই বিচিত্র নয় । নবাবজাদি রাণী হলে এ দাসীকে কি মনে থাকবে ?

আশ । থাকবে মেহের থাকবে । তুই এখান থেকে একটু যা—
এখনি যা ।

মেহের । “ভালরে” (মেহেরে প্রশ্নান)

[আশমানতারা কোন রকমে কান্নারোধ করিয়া দুহাত দিয়া
মুখ ঢাকিয়া চলিয়া গেলেন]

— —

ষষ্ঠ দৃশ্য

—:~:—

যুদ্ধ প্রান্তরে যদুনারায়ণের শিবির।

(যদুনারায়ণ আহত অবস্থায় শয্যায় শায়িত । একজন ভিষক বাহতে
ও বক্ষে পটী বাধিয়া দিতে ছিলেন)

ভিষক । রাজ পুত্রের অমূল্য জীবন, এ রকম যুদ্ধে সহসা নিজে নামা
ঠিক হয়নি ।

যদু । আমি নিজেকে সংযত রাখতে পার্লেম না ।

ভিষক ! বাবা যাকে কণ্ঠার মত ভালবাসতেন, আমি যাকে সব রকম
সুখে স্বচ্ছন্দে রেখেছি সে কিনা শেষ কালে আমার বিরুদ্ধে বিদ্রোহী হয়ে
উঠল ।

ভিষক । অত্যন্ত অন্তায় কথা । কিন্তু আমার বিশ্বাস এতে অন্তের
ষড়যন্ত্র আছে । (বক্ষের ক্ষত বাধিতে লাগিলেন)

যদু । আমারও তাই ধারণা—উঃ অত জোরে চাপ দিও না ।—কিন্তু
তবুও তার তাতে যোগ দেওয়া উচিত হয়নি । যে দিন থেকে তাকে প্রথম
দেখিছি, সেদিন থেকে আমার যে ধারণা হয়েছিল পরের ব্যবহারে তা দৃঢ়-
মূল হয়ে ছিল । কিন্তু আজকের ঘটনা তার সঙ্গে এত অসঙ্গত এত বিরুদ্ধ-
গামী যে হয় তার অতীত সব আগাগোড়া অভিনয়, আর না হয় আজকের
যুদ্ধ একটা স্বপ্ন কিন্তু এই পটির দিকে তাকিয়ে, ওখানে একটু জোরে চাপ
দিয়ে কে বলবে যে আমরা স্বপ্ন দেখছি ।

ভিষক । আপনি অত উত্তেজিত হবেন না । স্ত্রী জাতির চরিত্র দেব-
তারা বুঝতে পারেন না ; মানুষ ত কোন ছার ।

যত্ন । ভিষক তুমি জান না নবাবজাদি শুধু আমাকে যে আশ্রয়দাতা বলে শ্রদ্ধা কর্ত্ত তা নয়, যারে বলে ভালবাসা তাও বোধ হয় একটু বাস্তব ।

ভিষক । আজ্ঞে হ্যাঁ আমরা তা জানি ।

যত্ন । অথচ দেখ, সেই চোখ মেলে চেয়ে দেখলে, যে আমি নিজের জীবন বিপদাপন্ন করে যুদ্ধ করছি । ভিষক কালকের যুদ্ধ আরও ভীষণ হবে । রাত্রেই বেদনা কমা চাই কাল আমি তার শিবির পর্য্যন্ত সৈন্য বাহু ভেদ করে যাব । কেউ আমাকে রোধ করতে পারবে না । কি বল পারবে না ?

ভিষক । আপনি যদি তা পারতে চান তা হলে এখন স্থির হয়ে একটু ঘুমোন ।

যত্ন । ঘুমুচ্ছি ঘুমুচ্ছি, রাত কত হয়েছে ?

ভিষক । প্রহরাতীত—

যত্ন । বর্ষা হয়ে আজকার অন্ধকার বড় বেশী হয়েছে না ?

ভিষক । খুব বেশী । কোলের মানুষ চেনা যায় না ।

যত্ন । আচ্ছা যাও । রাজীবকে ভাল করে দেখ । তার শুশ্রূষার যেন কোন ক্রটি না হয় ।

ভিষক । আজ্ঞে না ।

যত্ন । আচ্ছা তুমি যাও ।

ভিষক । গরম দুধ ভিন্ন আর কিছু খাবেন না রাত্রে, আর নিজে পাশ ফিরে শোবেন না ।

যত্ন । আচ্ছা ।

ভিষক । আসি প্রণাম ।

(ভিষকের প্রস্থান)

যত্ন । এই ! কে আছিস্ ?

(প্রহরীর প্রবেশ)

জান্নলার কাপড় সরিয়ে দে আমি অন্ধকার দেখব, আলোর জোর কমিয়ে দে । না ডাকলে ঘরে আসবি না, বুঝলি ?

প্রহরী। যে আছে।

(প্রহরী প্রশ্নান করিল)

যহু। এমনি এক অন্ধকারের মধ্যে আজ আমার আশা আকাঙ্ক্ষা যেন পথ হারিয়ে গেছে। আশমানতারার উপরে যে টান সে দেখছি শুধু শরীরের নয়, মনেরও খানিকটা আছে নৈলে আজ এ ক্ষতের ব্যথার চেয়ে মনের ব্যথা বেশী লাগছে কেন ?

(নেপথ্যে প্রহরী—“কে তুই সন্নতানী, মহারাজার শিবিরের কাছে উঁকি ঝুঁকি দিচ্ছিস”)

যহু। কে ওখানে ?

[প্রহরী এক কুম্ভবর্ণ গাত্রাবরণে সর্বাঙ্গ আবৃত্তা এক নারী মূর্তিকে ধরিয়া নিয়া আসিল]

যহু। এ কে ? (প্রহরীকে) তুই যা চলে যা।

[প্রহরী অভিকূতের মত চলিয়া গেল, নারী মূর্তি থর থর করিয়া কাঁপিতে লাগিল]

যহু। কে তুমি ?

[নারী মূর্তি মুখাবরণ উন্মোচন করিল]

যহু। আশমান্ [উঠিতে যাইয়া “ও” করিয়া শুইয়া পড়িলেন আশমান তড়িৎবেগে অগ্রসর হইয়া গেল]

আশমান্। বড় লেগেছে ?

যহু। হ্যাঁ।

আশ। . কি কর্নে ব্যথা কম পড়বে বলুন।

যহু। আমার সামনে এসে দাঁড়াও।

[আশমানতারার তথাকরণ]

এই রাতে তুমি একা এত দূর চলে এসেছ ?

আশ। . নৈলে তারা আসতে দিত না।

যহু। কিন্তু তোমার জন্তই এই সব।

আশ। (জানু পাতিয়া) আমার মতি স্থির ছিল না। এব্রাহিম খাঁর উত্তেজনার আমি আত্মবিস্মৃত হয়ে ছিলাম। আমি রাজ্য চাই না আপনি শুধু সুস্থ হয়ে উঠুন। বলুন কি করলে আপনার ব্যথা সেরে যাবে?

যহু। তোমার লজ্জা কচ্ছে না?

আশ। আমি আপনার সম্বন্ধে যে খবর শুনেছিলাম তাতে যে এসে দেখব তার আশা ছিল না। আমার সেই খবর শোনার পর থেকে কোনও জ্ঞান ছিল না। লোকে কি ভাবে না ভাবে তা আমার মাথায় আসেনি। আপনি আমার ক্ষমা করুন। আমি আর কখনও আপনার অবাধ্য হব না। (কাঁদিয়া ফেলিল)

যহু। (গাঢ় স্বরে) আশমান, আশমান,

(ধীরে ধীরে উঠিয়া বসিয়া তার মাথায় হাত দিলেন)

আশ। (কাঁদিতে কাঁদিতে) আপনি এইবার আমার বিশ্বাস করে দেখুন—আমার পরে রাগ করে—আমার তাড়িয়ে দেবেন না।

যহু। (গাঢ় স্বরে) আশমান! প্রাণাধিক?

[বলিয়া আবেগের সহিত তাহার নবনীকোমল দুই বাহু ধরিয়া তাহার লতান্নিত তনু বক্ষে ধরিতে গেলেন—সহসা স্মৃতির দংশনে যেন চমকিত হইয়া। দেখিলেন সেই অন্ধকারের দিকে চাহিতেই দেখিলেন অবহেলার অন্ধকারের পারে বসিয়া প্রার্থীর ভাবে নতজানু নবকিশোরী। যহুমল্ল উঠিয়া দাঁড়াইয়া বলিয়া উঠিলেন—]


“কিন্তু কিশোরী—প্রিয়তমে—” (মুচ্ছা)

[যহু মুচ্ছিত, আশমান অসহায়ার মত মুখ উঁচু করিয়া তাঁহার দিকে চাহিয়া রহিলেন।]

চতুর্থ অঙ্ক ।



প্রথম দৃশ্য ।



প্রান্তর কোলে এব্রাহিমের কুটার ; সূর্য্য অস্তগামী ।

পশ্চাতে করতোয়া নদী প্রবাহিত ।

মৌলানা । ঐ দেখুন সূর্য্য অস্ত যাচ্ছে । পরন মহাপুরুষ মহম্মদ যে মরুপ্রান্তে আজ নিশ্চিত মনে নিদ্রামগ্ন, সেই দূর পশ্চিমে আজ ওর সন্ধ্যা-বন্দনা পৌছে দিতে যাচ্ছে । পৃথিবী শান্তিতে ভরে উঠছে । আসুন আমরা খোদার নিকট প্রার্থনা করি ।

এব্রা । করুন ।

মৌলানা । উঃ আপনি কি দুর্বল হয়ে পড়েছেন ! এই ক'মাসের মধ্যে মানুষ এত কাবু হয় ! আপনি দাঁড়াতে পাচ্ছেন না ।

এব্রা । হু—

মৌলানা । বয়স ও যেন এই কদিনে কত বছর এগিয়ে গিয়েছে । আপনাকে চেনা যায় না । যাক্ ওসব আর ভাববেন না । খোদাতালার চরণে মনপ্রাণ সমর্পণ করুন ।

এব্রা । হু—

মৌলানা । দেওয়ান সাহেব !

এব্রা । (বিড়বিড় করিয়া) খোদাতালা, খোদাতালা, (চাঁৎকার করিয়া) মৌলানা তোমার খোদাতালার সঙ্গে আমার কোন সংশ্রব নেই ।

মৌলা । অমন কথা বলবেন না ।

এত্রা । সহস্রবার বল্ব । কায়মনোবাক্যে মানুষ যা চেষ্টা কর্তে পারে আমি ঐ মহম্মদের ধর্মের মঙ্গলের জন্য তা করলাম । প্রতিবার ব্যর্থ হলাম । এক পলের দেবী হলে রাজমুকুট আমার মাথায় বসতে পারত । আশমানতারা কাফেরের ভালবাসায় উন্মাদ না হলে এ সাম্রাজ্য আবার মুসলমানের হত । শয়তানী, রাতদুপুরে অন্ধকারে তুই—সমস্ত মুসলমানের উন্নতি, সম্ভ্রম, মর্যাদা বৃদ্ধি করে নিয়ে এক কাফেরের পায়ে ঢেলে দিয়ে এলি ! সমস্ত মুসলমানের ভবিষ্যৎ তোর কাছে গচ্ছিত রেখেছিলাম, তুই শুধু শরীরের কামনায় তার কাছে সেই ভবিষ্যৎ বিক্রয় করলি ।

মৌলানা । বড় অন্য় হয়েছে ।

এত্রা । আর তোমার খোদাতালা তার জন্য কোনও শাস্তির ব্যবস্থা করলেন না; শাস্তির ব্যবস্থা হ'ল আমার ! সেই শয়তানীর অতুরোধে কাফের আমার মৃত্যুদণ্ড না দিয়ে আমায় অবমানিত করে সম্পত্তি কেড়ে নিয়ে গৌড় থেকে নির্বাসিত করলেন ! আমি সেই সব অবমাননা সবে এখনও বেঁচে আছি ! মৌলানা আমার নিজের গায়ের মাংস আমার নিজে কামড়ে খেতে ইচ্ছা কচ্ছে । কাফের, কাফের, একটা কাফের, শেষকালে আমার সাধ আশা সব চূর্ণ করে দিলে । পুনঃ পুনঃ আমি পাথরের পর পাথর সাজিয়ে সোধ গড়ে তুললাম, সেই দুঃমন একটা ফুঁ দিয়ে তাসের ঘরের মত তা মাটিতে ফেলে দিলে ।

মৌলানা । দেওয়ান সাহেব, আপনি উত্তেজিত হয়েছেন ।

এত্রা । উত্তেজিত ? না, মৌলানা,—এ আমার দুঃদৃষ্ট ! রাজা গণেশের মৃত্যু হল, সমস্ত হিন্দু গৌড় একপক্ষ কাল শোকে অভিভূত হয়ে রইল । ভাব লাম—যদুমলের শক্তি কবচ গেল—সে এবার দুর্বল হয়ে পড়বে । কিন্তু শোকের বাষ্প কুজ্জাটিকা ষখন সবে গেল, দেখি যদুমলের সিংহাসনের পাশে হিন্দুর ভক্তির সঙ্গে এসে দাঁড়িয়েছে বহু বিচক্ষণ মুসলমানের প্রীতি !

মৌলানা । আপনি ইঁপাচ্ছেন । একটু শাস্ত হন—

এত্রা । শাস্ত ! মন্দিরে শঙ্খ ঘণ্টা বাজে, আমার সমস্ত গায়ে যেন সে শব্দ সহস্র তীর হয়ে এসে বেঁধে । এক ঈশ্বরকে ওরা খণ্ড খণ্ড করে ধর্মের, সমাজের, মানুষের ক্ষতি কচ্ছে । মৌলানা আমার শতাংশের একাংশ জালাও যদি তোমাদের হত এতদিন এর একটা চূড়ান্ত নিষ্পত্তি হয়ে যেত । কিন্তু আমি একা ।

মৌলানা । এ আপনার অবিচার দেওয়ান সাহেব । আপনার প্রত্যেক চেষ্টায় আমরা সাহায্য করে এসেছি ।

এত্রা । আমার মত জীবন তুচ্ছ করে ?

মৌলানা । খোদার কাজ করার জন্য এ জীবনের যে দরকার আছে দেওয়ান সাহেব ।

এত্রা । খোদা ! খোদা এখন ঘুমিয়ে আছেন নৈলে বিধর্মী এত বলশালী হয় ?

মৌলানা : তা আমাকে ডেকেছিলেন কেন ?

এত্রা । শরতানীকে একখানা পত্র দিতে হবে এই নিন্ সেই পত্র ।

মৌলানা । কিসের পত্র ?

এত্রা । উপদেশের পত্র ।

মৌলানা । কি লিখেছেন ?

এত্রা । লিখিছি—“আজিমসার বংশ রাজ্যভ্রষ্ট হয়েছে কিন্তু তার নাম গৌরব ভ্রষ্ট হয়নি । তোমাকে অবলম্বন করে এক কুকীর্তির মসী কৃষ্ণ মেঘ আকাশে জমে উঠছে । একেবারে ডুবিয়ে দেওয়ার আগে প্রতিকারের ব্যবস্থা কর । আশমানতারার নাম সরাবের দোকানে আলোচনার বস্তু হয়েছে ।”

মৌলানা । এ আপনার অস্তায়, অত্যন্ত অস্তায়—

এত্রা । (ভ্রুকুটি করিয়া) কিসের অস্তায় ?

মৌলানা । আপনি জানেন বাদশাহাদি ফুলের মত পবিত্র ।

এত্রা । না আমি জানি না, জানতে চাই না । জেনে আমার স্বার্থ নেই ; মুসলমান সমাজের স্বার্থ নেই ।

মৌলানা । আপনি কি বলছেন দেওয়ান সাহেব ?

এত্রা । এ সাম্রাজ্য রক্ষার আর একমাত্র উপায় আছে সে এই—

মৌলা । কি ?

এত্রা । সাজাদিকে একেবারে কুৎসার ঝাপ্টায় তাড়িয়ে তাড়িয়ে মরিয়া করে তোলা ।

মৌলানা । আপনি কি বলছেন ?

এত্রা । আমার চরিত্রপাঠ ঠিক । এ ঘটতেই হবে ।

মৌলা । কি ঘটতে হবে ?

এত্রা । জিজ্ঞাসা করবেন না ; পত্র দিবে আসুন ।

মৌলা । আসছি ; আপনি অসুস্থ, দেওয়ান সাহেব !

(প্রস্থান)

এত্রা । নির্বাসিত দরিদ্র এক নাগরিক—সে দেওয়ান সাহেব ! না না এই ভাল, এই ভাল, হয় লোকের মাথায় থাকুব না হয় মহীলতার মত মাটির ভিতর সেঁধিয়ে থাকুব । মাঝামাঝি জায়গায় আমার স্থান নেই ।

(বাটু প্রবেশ করিল)

কি হল বাটু সে বামুনা বেটা আসছে না কি ?

(বাটু ইঙ্গিতে বুঝাইল “হ্যা”)

আসবে না ? বেটা চৌদ্দ পুরুষ মোহরের মুখ চোখে দেখেনি তাই হাতে পেয়েছে আরও একটা পাওয়ার সম্ভাবনা আছে । এ লোভ কি কেউ ত্যাগ করতে পারে ? আসুক দেখি, হিন্দু ধর্মের বহরটা একবার দেখি ।

নৈয়ায়িক ব্রাহ্মণ প্রবেশ করিলেন ।

এত্রা । আসুন গায়রত্ব মশায়, আপনার পদার্পণে এ কুঁড়ে পবিত্র হ'ল ।
গায় । কর্মের অগ্রে দক্ষিণা প্রাপ্ত হ'লাম । ইহাতে আপনার
কর্মানুরক্তিই সূচিত হইতেছে । কিন্তু কর্মটা কি ?

এত্রা । আপনি গোড়ের শ্রেষ্ঠ নৈয়ায়িক ; আপনার বি-ানের উপরে
কথা বলে এমন কেউ এখানে নেই একথা বোধ হয় সত্য ।

গায় । বোধ হয় সত্য ।

এত্রা । কথা হচ্ছে যে আমি আপনাকে আর এক মোহর দিচ্ছি কিন্তু
আপনার বিধান সংক্রান্ত একটা কাজ করতে হবে ।

গায় । কি কাজ ?

এত্রা । যদি কেউ এসে জিজ্ঞাসা করে আপনার কাছে যে হিন্দু
মুসলমানের মেয়েকে বিবাহ কর্তে পারে কিনা, আপনি বলবেন না ।

গায় । [উত্তেজিত হইয়া] নিশ্চয়ই না কখনও না । মুসলমান
বিধবী, বিরুদ্ধগামী ও কদাচারী-নিকৃষ্ট হিন্দু অপেক্ষা আচার ব্যবহারে
অধম ।

এত্রা । আমিও মুসলমান ।

গায় । হা হা, আপনার মনে বেশ অনুভব হয়েছে । অস্থানে সত্য
কথা উচ্চারণ করেছি ।

এত্রা । থাক, তাহলে কোনও মতে বিবাহ হতে পারে না ?

গায় । না কখনও না ।

এত্রা । আচ্ছা যদি কোনও খুব সম্ভ্রান্ত ব্যক্তি আপনার কাছে এই
ব্যবস্থা চান তাহলেও কি আপনি এমনি দৃঢ়ভাবে না বলে দিতে পারবেন ।

গায় । সম্ভ্রান্ত লোক ত সহস্রবার ; এমন কি সম্ভ্রাট যত্ নারায়ণ স্মৃতি-

এ ব্যবস্থা প্রার্থনা করেন আমি অস্বীকার কর্ব শাস্ত্রের নিকটে সর্ব মানব সমান ; কি রাজা, কি প্রজা । সেই স্থানেই ত শাস্ত্রের মহিমা ।

এত্রা । এই নিন্ আপনার দ্বিতীয় পারিশ্রমিক । (প্রদান করিলেন)

শ্রায় । ঐ দেখুন নদীবক্ষে অস্তায়মান সূর্য্যকিরণে লক্ষমোহর জলিতেছে একটু পরেই অদৃশ্য হইবে । এ মোহরও তেমনি ক্ষণস্থায়ী । ব্রাহ্মণ পণ্ডিতমানুষের ক্ষণস্থায়ী দ্রব্যে আসক্তি নাই । স্থলের মোহর জলের মোহরকে আলিঙ্গন করুক । [নদীবক্ষে নিক্ষেপ করিলেন]

এত্রা । আহা হা হা কি কর্লে'ন—কি কর্লে'ন !

শ্রায় । আমরা গৃহস্থ হলেও সন্ন্যাসী । মৃত্যু মাংসের মত স্বর্ণ আমাদের গুরুপাক ; জীর্ণ হয় না । আমি মহাশয়—

[প্রশ্নান ।

এত্রা । বেটা লেখাপড়া শিখে মুখ হুয়েছে । যাঃ আমার দশটী মোহরই সত্যি সত্যি জলে গেল । বেটা কি বেকুপ ? না বাউরা ?—

বেয়াদপ্ ?

[প্রশ্নান]

দ্বিতীয় দৃশ্য

— — :# : — —

গোড়ের নিকটস্থ পথ ।

উমা ও গিরিনাথের প্রবেশ ।

(গিরিনাথের গীত)

পথ নাই পথ নাই—!

যুরে যুরে ক্লান্ত তমু

তবু ত না দেখা পাই ।

কত পথ ধরে ধরে—

নিরেছি যুগান্ত করে—

বিপুল বেদনা শুধু—

ঘিরে আছে সব ঠাই ।

হে ধরনি, শরণই কি আমি শুধু পাব না—

একাকী বহিতে হবে এ মরম যাতনা—

অধিতে আলোক নাই

নিঠুর সবাই তাই—

দেবতা ভুলেছে দয়া

কোথা বাই কোথা বাই ।

উমা । গোড় নগর আর কতদূরে বাবা ?

গিরি । আর বেশী দূর নয় মা !

উমা । আর যে হেঁটে পেরে উঠছি না বাবা !

গিরি । তা তোর চেয়ে আমি বেশী জানি উমা । কিন্তু উপায় নেই—
উপায় নেই—এই-ই কর্তে হবে । চলা—চলা—চলা—কোনও ঘর নেই—
আশ্রয় নেই—যে তোকে আপন বলে ডাকবে ।

উমা । এখানে এই গাছতলায় একটু বস না বাবা—

গিরি । না এ হিন্দুর গায়ে বসে আর জিরোবো না ! উমা—দেখছিস্ না,
সমস্ত হিন্দু সমাজ, রাজা, প্রজা, দেব দেবী সকলেই ভ্রুকুটী করে আমাদের
দিকে চেয়ে আছে ! এর দেবতা পর্যন্ত জাতি মানে ! এরা বারান্নাকে
মন্দিরে ঢুকতে দেয় কিন্তু তোকে ঢুকতে দেবে না ! কুষ্ঠগ্রস্থ রোগীর মত,
ক্ষত বিক্ষত কুকুরের মত এরা আমাদের সব দুয়ার থেকে তাড়িয়ে দিলে ।
আমি বুঝেছি—নিশ্চিত বুঝেছি—হিন্দু সমাজ যে আমাদের টুটি চেপে
ধরেছে, সে আমাদের মরণ না হলে আর ছাড়বে না—হিন্দু সমাজে
আমাদের আশ্রয় নেই—আশ্রয় নেই—

উমা । গোড়ে গেলে কি আশ্রয় মিলবে বাবা ?

গিরি । তাত জানি না মা । হয় ত সেখানেও এমনি এক দুয়ার
থেকে আর এক দুয়ারে তাড়িত হব । হয়ত সেখানেও লোকে শিয়াল
কুকুরের অধম করে আমাদের তাড়িয়ে দেবে । তবে এটা ঠিক যে রাজধানী
বলে হিন্দু সমাজের নির্যাতনের হাত থেকে রক্ষা পেলেও হয়ত পেতে পারি
কিন্তু গৌরব আর আমরা এ জীবনে ফিরে পাব না । উমা, আমরা কেন
গোড়ে যাচ্ছি জানিস্ ?

উমা । কেন বাবা ?

গিরি ! আমরা মুসলমান হব ।

উমা । সে কি বাবা ?

গিরি । হ্যা—উমা, —গোড়ে গিয়ে আমরা মুসলমান ধর্মে দীক্ষা নেব ।
নইলে মানুষের সমাজে মানুষের সম্মান গৌরব অক্ষুণ্ণ রেখে বাস করবার আর
আমাদের কোন উপায় নেই !

উমা । বাবা—বাবা !

গিরি । আমি নিজের জন্ম ভাবিনা উমা ! আমার এ বুড়ো হাড় কথানা একদিন গঙ্গার জলে ভাসিয়ে দিতে পারব । কিন্তু হিন্দুর সমাজে থাকলে, তোর হাতের জল কেউ খাবে না ; তোর ছায়া কেউ মাড়াবে না ; কোনও ভদ্র ব্রাহ্মণ তোকে বিবাহ করবে না, সারাজীবন ধরে তোকে মানুষের সমস্ত সম্মান গৌরবের অধিকার থেকে বঞ্চিত থেকে নির্যাতন ও ঘানির বোঝা বয়ে বেড়াতে হবে । উমা, উমা ! তোর জীবনকে আমি এ ভাবে নষ্ট হতে দেব না !

উমা । কিন্তু বাবা ; পারবে তুমি মুসলমান ধর্ম গ্রহণ কর্তে ? পারবে তুমি তোমার ধবলেশ্বরকে ভুলে থাকতে ?

গিরি । পারব—পারব ; - তোর জন্ম আমি সব পারব উমা ; শুনেছি মহম্মদের ধর্মে তারা ধর্ষণকারীর বদলে ধর্ষিতাকে শাস্তি দেয় না ; শুনেছি তারা মানুষকে মানুষ বলে আলিঙ্গন কর্তে ভয় করে না । উমা আমার পক্ষে তাই যথেষ্ট !

উমা । কিন্তু বাবা, আমি যে দেখেছি মন্দিরে বাবা ধবলেশ্বরের পূজো কর্তে কর্তে তোমার চোখ দুটো দিয়ে দরু দরু করে জল গড়িয়ে পড়ত । তুমি যে আমায় কতদিন বলেছ যে ধ্যানে তোমার ইষ্ট দেবতাকে তুমি প্রত্যক্ষ দেখেছ ?

গিরি । (আকুলভাবে) দেখছি—দেখেছি !—এই তুই যেমন আমাকে আজ তোর সামনে প্রত্যক্ষ দেখছিস্ আমিও তেমনি তাঁকে দেখেছি । আমার সেই তুষার ধবলকাস্তি ত্রিশূলধারী জটামণ্ডিত ভোলানাথ কতবার এসে দেখা দিয়ে আমাকে তাঁর ক্রীতদাস করে রেখে গেছেন । আমি কেমন করে তাঁকে ভুলব—কেমন করে বলব তিনি মিথ্যা ? উমা—
উমা—

উমা । বাবা তুমি বড় ক্লান্ত হয়েছ । এইখানে একটু বস না—বাবা !

গিরি । (অশ্রু মুছিয়া) না উমা—আর নয়—চল—

উমা । আমি আর চলতে পারছি না বাবা ! এই যে বাবা তোমার পা টলছে । না বাবা আমি আর এখান থেকে এখন এক পাও নড়ছি না । (হাত ধরিয়া টানিয়া) বস বাবা ।

গিরি । তবে বোস্ মা । (বসিলেন)

উমা । (একটা কাপড় বিছাইয়া দিয়া) এখানে একটু শোও বাবা আমি তোমার মাথায় হাত বুলিয়ে দিই ।

[জোর করিয়া গিরিনাথকে শোয়াইয়া দিয়া তাহার মাথা-কোলে করিয়া বসিল—একহাতে চলার মধ্যে হাত বুলাইতে লাগিল ও অপর হাতে বাতাস দিতে লাগিল ।]

উমা । আঃ—দেখ কেমন সুন্দর ঠাণ্ডা বাতাস দিচ্ছে তুমি একটু ঘুমিয়ে নেও না বাবা । ঘুমে তোমার চোখের পাতা জড়িয়ে আসছে ।

গিরি । তুইও একটু অমনি শুয়ে নে মা !

উমা । আমার ঘুম আসছে না বাবা ; তুমি ততক্ষণ ঘুমোও আমি তোমার সেই “বেলা যে ফুরিয়ে যায়” গানটা গাই ।

গিরি । আচ্ছা তাই গা ।

(গীত)

বেলা যে ফুরিয়ে যায়

ও পারের তরী ডাকে

আয় আর চলে আর ।

তরী বলে বোঝা কেলে

আয় তরী আর চলে

বোঝার যে টানে গিছে

যেতে দিতে নাহি চায় ।

(গানের মধ্যে গিরিনাথ নিদ্রিত হইয়া পড়িলেন)

ଓମା । ବାବା ଆମାର ଜନ୍ମି ତୋମାର ସତ ଦୁଃଖ । ଜ୍ଞାନି ଆମି ଯରେ
ଗେଲେ ତୋମାର କତ କଷ୍ଟ ହବେ ; କିନ୍ତୁ ଆମି ବେଢେ ଥାକ୍ଲେ ତୋମାର ଆରଓ
କଷ୍ଟ । ସେ ତୋ ଆମି ମହିତେ ପାର୍ବୋ ନା । ହତଭାଗିନୀ ଆମି, ଜୀବନେ
ତୋମାକେ ଅନେକ ଦୁଃଖ ଦିୟେଛି—ସେ ଦୁଃଖେର ବୋଧା ଆର ବାଢ଼ାବ ନା ।
ବାବା ଧବଲେଖର ତୁମି ଆମାର ବାବାକେ ଦେଖ ; ତାର ସେ ଆମି ଛାଡ଼ା ଆର
କେଉଁ ନେହି ଭଗବାନ୍ ! ବାବା ! ବାବା ! ଅଭାଗିନୀ କନ୍ଧାକେ କ୍ଷମା କୋରୋ ।

(ନିଃଶବ୍ଦେ ଗିରିନାଥେର ପାଞ୍ଚେର ଧୂଳା ଲହିୟା ପ୍ରସ୍ଥାନ)

ଗିରି । (ହଠାତ୍ ସେନ ଏକଟା ଦୁଃସ୍ବପ୍ନ ଦେଖିୟା ଚମକିୟା ଉଠିଲେନ) ଓମା—
ଓମା—

[ଗିରିନାଥେର ନିଦ୍ରା ଭାଙ୍ଗିୟା ଗେଲ ; ଓମାକେ ହାତ୍ତଡ଼ାହିତେ ଲାଗିଲେନ ;
ଓମାକେ ଖୁଞ୍ଜିୟା ନା ପାହିୟା ବ୍ୟାକୁଳଭାବେ ଓମାନ୍ତେର ମତ ଢାକିତେ ଲାଗିଲେନ ।]

ଗିରି । ଓମା—ଓମା (କୋନଓ ଉତ୍ତର ନା ପାହିୟା ଆବାର ଢାକିଲେନ)

ଗିରି । ଓମା—ଓମା—

(ଦୁହିଜ୍ଜନ ପଥକେର ପ୍ରବେଶ)

୧ମ-ପ । କିହେ ଏତ ଚେଢାଛ କେନ—କାକେ ଢାକ୍ଛ ?

୨ୟ-ପ । ଓରେ ! ଏସେ ଅନ୍ଧ !

ଗିରି । ଓଗୋ ତୋମରା କେଉଁ ଆମାର ମେସେ ଓମାକେ ଏହି ପଥେ ଦେଖେଛ ?

୧ମ-ପ । ତୋମାର ମେସେ ? ଏକଟୁ ଆଗେ ଏକଟା ମେସେକେ ଦେଖ୍ଲୁମ ବଟେ
ସେ ଓ ନଦୀର ପାନେ ଯାଞ୍ଚିଲ—

ଗିରି । ଏଂଗା ! ଓମା—ସର୍ବନାଶୀ—ଏକି କରଲି ! ଓମା !—ଓମା !—

(ଉଦ୍ଭ୍ରାନ୍ତଭାବେ ପ୍ରସ୍ଥାନ)

୨ୟ-ପ । ଓହେ ଧର ଧର ; କାମା ମାତୁଷ ଆବାର ହୋଟ୍ଟ ଟେଂଟ୍ଟ ଥେସେ
ପଢ଼ବେ—

(ଉଦ୍ଭୟେର ପ୍ରସ୍ଥାନ)

তৃতীয় দৃশ্য

—:~:—

গোড়ের রাজ প্রাসাদস্থ কক্ষ ।

[আশমানতারা একটা বিষশত্র নাড়িয়া চাড়িয়া দেখিতেছিলেন ; এমন সময় মেহের প্রবেশ করিল । তাহাকে আসিতে দেখিয়া তাড়াতাড়ি বিষপাত্র লুকাইবার চেষ্টা করিলেন]

মেহের । নবাবজাদাঁ, ও কি লুকোচ্ছিলে ?

আশ । কিছু নয়, তোর কি খবর বল ?

মেহের । নবাবজাদাঁ, সত্যি বল—ও বিষ নয় ত ?

আশ । না রে না, দেখা পেলি ?

মেহের । হ্যা—

আশ । পত্র দিয়েছিস ?

মেহের । হ্যা—

আশ । (অশুভ উদ্ভয়ের আশঙ্কায় কিয়ৎক্ষণ চূপ করিয়া থাকিয়া)
কি বল্লেন ?

মেহের । সম্রাট পত্রখানা পড়ে কিছুক্ষণ চূপ করে থাকলেন । তার পরে তাঁর কপালে ও মুখে যেন ভিতরে এক ঘন চলছে তার ছায়া ফুটে উঠল ; শেষে অনেক চেষ্টা করে তিনি বল্লেন মেহের তাকে গিয়ে বল উভয়ের মঙ্গলের জন্য আমাদের দেখা না হওয়াই ভাল ।

আশ । তার পর ?

মেহের । তারপর তিনি সেখান থেকে তাড়াতাড়ি চলে গেলেন—

আশ । (রুদ্ধস্বরে) আচ্ছা মেহের তুই এখান থেকে যা—

মেহের । কিন্তু সাহাজাদি তিনি আপনাকে ভালবাসেন—

আশ । (চোখ মুছিয়া) কিসে, কিসে বুঝি তুই ?

মেহের । আমি প্রথম যখন সেখানে গেলাম গিয়ে দেখি তিনি রুকুনউদ্দিন ওমরাহের সঙ্গে কথা বলছেন—আচ্ছা আন্দাজ করে বলুন দেখি তিনি কি কথা বলছিলেন ?

আশ । তা আমি বলব কি করে ?

মেহের । তিনি আপনার বিয়ের কথা বলছিলেন ।

আশ । কার সঙ্গে ?

মেহের । রুকুনউদ্দিনের সঙ্গে ।

আশ । (মুখ মেঘাচ্ছন্ন হইল)

মেহের । লোকে একটা পরগণা হাত ছাড়া কত্তে চায় না, তিনি সাত সাতটা পরগণা তাকে দিতে চাইলেন ; কিন্তু সে পোড়ার মুখো এমন যে রাজী হল না ।

আশ । (চূর্ণ দর্পে) রাজী হল না ?

মেহের । সেই যে রাত্রি যে রাতে আপনি সম্রাটের শিবিরে এসে যুদ্ধ বন্ধ করে দিলেন তার কথা উল্লেখ করে ভয়েতে কি ফিস্ ফিস্ করে বললে আমি শুনতে পেলাম না । মহারাজের মুখে ক্রকুটী ফুটে উঠতেই সে সেখান থেকে তাড়াতাড়ি বিদায় নিলে । শুনেছি এই অখ্যাতির মূলে নাকি এব্রাহিম খাঁ—সেই নাকি সব রটাচ্ছে !

আশ । আর কেউ রটাচ্ছে নারে, রটাচ্ছে আমার ভাগ্য । কিন্তু আমিও এর প্রতিকার জানি । নিয়তি বসে হাসবে আর আমি তাই সহিব তত নিলজ্জা আমি নই । যাক্ মহারাজের এখানে আসার কোন সম্ভাবনা নেই । নিশ্চিত হওয়া গেল । মেহের আমি রাতে কিছু খাব না, দেখিস্ আমার যেন কেউ বিরক্ত করে না ।

মেহের । খাবে না কেন গো !

আশ । ইচ্ছা নেই । যা আমি এখন ঘুমোবো । দরজায় প্রহরীকে বলে দিবি যে কেউ যেন ঘরে না ঢোকে ।

(মেহের কিছু না বলিয়া চলিয়া গেল)

আশমানতারা আর একবার এব্রাহিমের পত্রখানা বাহির করিয়া পড়িল । “এব্রাহিম খাঁ, তুমি ঠিকই বলেছ—এর প্রতিকার দরকার ।” অক্ষুণ্ণস্বরে এই কথা বলিয়া আশমানতারা যাইয়া সেই বিষপাত্র গ্রহণ করিল—তারপর একবার খোদাতালার প্রার্থনা করিয়া সেই বিষপাত্রে অধর সংযোগ করিল ।

চিন্তিত ভাবে সেখানে বহুমল্ল প্রবেশ করিলেন । সহসা আশমানতারার ঐ মুদ্রিত চক্ষু হতাশ মুখভঙ্গী চোখে পড়াতে দৌড়িয়া আসিয়া বিষপাত্র কাড়িয়া ফেলিয়া দিলেন । আশমানতারা চমকিয়া কিছু না বলিয়া কোচের পরে যাইয়া উপুড় হইয়া পড়িলেন ।

যহু । নবাবজাদি একি সর্বনাশ কচ্ছিলে ?

আশ । (কথা কহিবার সামর্থ্য ছিল না)

যহু । নবাবজাদি এ আমায় তুমি কি শাস্তিবিধান কচ্ছিলে - এত সারা-জীবনের অনুতাপে যেত না ।

আশ । আমি আপনার শাস্তির জন্তু কর্তে যাইনি কিন্তু আমার আর উপায় নেই ।

যহু । (কিয়ৎক্ষণ স্তব্ধ থাকিয়া) সত্যি উপায় নেই ! দেশ কলঙ্কে ছেয়ে গিয়েছে অথচ সে একেবারে মিথ্যা কলঙ্ক । আমি সহস্র চেষ্টা করেও তার জিহ্বা রোধ কর্তে পারলুম না ।

আশ । আপনি কেন আমায় বাধা দিলেন ?

যহু । কেন বাধা দিলাম ? কেন ? তুমি কি জান না—না থাক । আশমান আত্মহত্যা মহাপাপ ।

আশ । কিন্তু আমিও সৈতে পাচ্ছি না !

যহু। তা কি আমি বুঝি না নবাবজাদি। এ শব্দট থেকে উদ্ধার পাওয়ার এখন একমাত্র উপায় হচ্ছে তোমার বিবাহ।

আশ। (ক্রুদ্ধ হইয়া) আমি আপনার ঘটকালিকে মানুষ যতদূর ঘৃণা কর্তে পারে ততদূর ঘৃণা করি।

যহু। কি বলছ তুমি নবাবজাদি ?

আশ। নবাবজাদি একজন ওমরাহের পিঠের বোঝা হতে যায় না ; সাধ্য সাধনা করে।

যহু। কে ওমরাহ ? আমি ত তা বলছিলাম না, বলছিলাম—বলছিলাম—কিন্তু তুমি কি রাজী হবে ?

আশ। (শান্তভাবে) কিসে রাজী হব।

যহু। (নিঃশ্বরে) তুমি আমার ধর্মগ্রহণ কর্বে আশমান ?

আশ। কি লাভ তাতে—

যহু। আমি একবার তোমার হাতখানা গ্রহণ কর্তাম। কুংসা, বিশ্বয়ের গৌরব হয়ে তোমাকে ঘিরে উঠত।

আশ। (মাথা নত করিলেন)

যহু। এক কিশোরীর জন্তু ভাবনা কিন্তু সে স্নেহময়ী ; তুমি তার ভগ্নীত্ব অর্জন করে নিতে পার্বে। দেখ অহু কোনও পথ থাকলে তোমায় এত বড় অহুরোধ কর্তাম না কিন্তু একরাত্রির ভুলে তোমার মত বিধাতার একটা সৃষ্টি নষ্ট হয়ে যাবে এষে প্রাণে সয় না আশমান ! আশমান হবে তুমি আমার সহধর্মিণী ?

উচ্ছ্বসিত আবেগ দমন করিয়া আশমান কোনও কথা না বলিয়া— শুধু হিন্দুভাবে গলায় অঞ্চল দিয়া তাহাকে প্রণাম করিলেন। যহু হাত ধরিয়া তুলিয়া—“দেখ আর কোনও গোলমাল হবে না ; আমি সব ঠিক করে নেব—সব ঠিক করে নেব।” (মানন্দে প্রস্থান)

চতুর্থ দৃশ্য

—:~:—

গোড়-রাজপ্রাসাদ সম্মুখস্থ নদীতীর ।

(নারি দয়ারাম গাহিতেছিল)

গীত ।

ওরে পাগল, ওরে পাগল নেয়ে
 তুই নদী তীরে রইলি বসে
 তোমর বেলা যে ঐ যায় বয়ে ।
 তোমর দেনা পাওনা সিন্ধুবে নাকি
 দিন হবে না দেখা
 পথ দেখা যে হবেরে দায়
 টুট্লে আলোর রেখা—
 তুই বেলা থাকতে ধররে পাড়ি
 ওরে, অঁধার এলো পথ ছেয়ে,
 শেষে যায় লাগি তোমর দোড়াদোড়ি
 স্তারে—ধর্মে নারিবি কাছে পেয়ে ।

(ব্যস্তভাবে একদিক থেকে দিনরাজের প্রবেশ)

দিন । দয়ারাম তোমার কোশা ঠিক কর, এখুনি সাতগড়ায় যেতে হবে ।

দয়া । এখুনি ?

দিন । হ্যাঁ—প্রত্যেক দণ্ড আগে পৌছানোর জন্য এক এক মোহর পুরস্কার পাবে ।

দয়া । ভারি অকরী কাজ কর্তা ?

দিন । হ্যাঁ—মহারাজের অসুখ—তুমি মাল্লাদের দাঁড়ে বসাও ; সাতগড়া থেকে বোরাণী, রাণীমাকে এখনি আনতে হবে ।

দয়া । আজ্ঞে মহারাজার কি বড় ব্যামো ।

দিন । হ্যারে বড় কঠিন অসুখ দয়ারাম, বুঝবো এবার তোরা তাকে কেমন ভালবাসিস্ !

দয়া । আজ্ঞে কর্তা—জান্ থাকতে আমরা কসুর কর্ব না ।

দিন । মনে আছে দয়ারাম, সেই যখন তোর মেয়ের অসুখ যত্নারায়ণ তার অঙ্গুরী বিক্রয় করে গোপনে টাকা এনে দিয়েছিল ।

দয়া । আছে কর্তা বুকের মধ্যে হাড়ের পরে লেখা আছে ।

দিন । আর মনে আছে তোদের পাড়ায় যখন আগুন লেগেছিল সেই আগুন নেভাতে যেয়ে হাত পুড়ে যায় ?

দয়া । মনে আছে কর্তা তিনি বত ।

দিন । আজ সেই দেবতার বড় কঠিন অসুখ রে দয়ারাম । হয়ত আমরা সকলে তাকে চির জীবনের মত হারাব ।

দয়া । অমন কথা বলবেন না কর্তা । আমরা নিজের জীবন দিয়ে তাঁকে বাঁচাবো ।

দিন । বোরাণীকে যদি শীঘ্র তাঁর কাছে নিয়ে আসতে পারি তা হলে সবদিক রক্ষা হয়ে যাবে ।

দয়া । কোনও ভয় নাই কর্তা, কোশা বিছ্যতের মত যাবে । আমি দাঁড়ী দু'গুণ করে দিচ্ছি । (নেপথ্যের দিকে চাইল) - ওরে হেই -

দিন । তাই দে দয়ারাম, বোরাণীকে এখানে পৌছে দেওয়া চাই তার পরে আর তাবি না । (স্বগতঃ) তবু কেন মনের মধ্যে কেঁদে কেঁদে উঠছে ? ভগবান ! ভগবান ! এঁদের নিয়ে আসা পর্যন্ত যেন বিবাহ স্থগিত থাকে ।

নব । গোড় থেকে কখন এলে দাদা ?

দিন । এখুনি (অণু পুরমহিলাদের প্রতি) আপনারা এখান থেকে
একটু যান । (সকলে চলিয়া গেল)

নব । তাহলে বিশ্রাম এখনও একটু কর্তে পারনি ?

দিন । না ।

কিশো । তোমার মুখ এত গম্ভীর কেন ?

দিন । আগে শুনি বোরাণী মহারাজের অভিষেকের সময় তোমরা
গোড়ে গেলে না কেন ?

কিশো । (শঙ্কিত স্বরে) কেন নূতন কিছু হয়েছে নাকি ?

দিন । আগে শুনি কেন গেলে না ?

কিশো । তুমি তা হলে সে খবর পাওনি ?

দিন । কি খবর ?

নব । পথে আমাদের নৌকা ডুবি হয় । বহু কষ্টে আমরা বেঁচে
এসেছি ।

দিন । একবার ডুবেছিলে, আবার গেলেনা কেন ?

নব । (আর্ন্তস্বরে) দিনরাজ দাদা !

দিন । তোমার নৌকা ডুবেছে ।

[নবকিশোরী মুচ্ছিতা হইয়া পড়িলেন, দিনরাজ তাড়াতাড়ি যাইয়া
একজন দাসীকে ডাকিয়া আনিল । কিছুক্ষণ পরে চৈতন্য ফিরিয়া আসিলে
নবকিশোরী ব্যাকুলভাবে কাহাকে খুঁজিতে লাগিলেন । দিনরাজ সামনে
আসিতেই আবার চক্ষু মুদ্রিত করিলেন]

দিন । বোরাণী সময় এত অল্প যে তোমাকে সামলে নেবার অবকাশ
দেবারও সময় নেই । এখুনি তোমারও অহুপের আমার সঙ্গে গোড়ে
রওনা হওয়া দরকার ।

কিশো । কি হবে ?

দিন। হ্রত ফিরে পাবে।

কিশো। ফিরে পেতে আমার আর সাধ নেই।

দিন। কি বলছ ?

কিশো। ঠিকই বলছি আমার নন্দির শূত্র হয়ে গেছে। (চলিয়া
যাইতে গেলেন, দিনরাজ নিকরাকু হইয়া দাঁড়াইয়া রহিলেন)

কিশো। (ফিরিয়া শুষ্ক স্বরে) হ্যা তুমি নিজের চোখে কিছু দেখেছ ?

দিন। (কি ভাবিতে ভাবিতে) কি দেখেছি ?

কিশো। এই এই তাঁকে—

দিন। চোখে দেখেনি তবে বিশ্বস্তস্বত্রে প্রমাণ পেয়েছি যে—

কিশো। কি ?

দিন। যে আশমানতারা রাত্রে যদুনারায়ণের শিবিরে এসেছিল আর—

[টলিতে টলিতে নবকিশোরী রেলিং ধরিয়া চলিয়া গেলেন। দিন-
রাজের কপালে গভীর চিন্তার রেখা ভাসিয়া উঠিল। অনিষ্টে তিনি পাদ-
চারণা করিতে লাগিলেন। একটু পরে তাড়াতাড়ি ভাবে ত্রিপুরাসুন্দরী
প্রবেশ করিলেন]

ত্রিপুরা। দিনরাজ !

[দিনরাজ তাড়াতাড়ি ফিরিয়া প্রণাম করিলেন ত্রিপুরাসুন্দরী শুধু মাথায়
হাত দিয়া আশীর্বাদ করিলেন।

ত্রিপুরা। যত ভাল আছে ?

দিন। আছেন।

ত্রিপুরা। সত্য বল্ছিস্—

দিন। আপনার সঙ্গে কি মিথ্যা বলতে পারি মা ?

ত্রিপুরা। বৌমাকে তা হলে কি বলেছ, সে অত কাঁদছে কেন ?

দিন। কাঁদছেন !

ত্রিপুরা। কল্যাণী বললে অমন ব্যাকুল হয়ে সে কখনও কাঁদেনি।

কল্যাণী কত চেষ্টা করলে সে কিছুতেই মাথা উঁচু করলে না তার সমস্ত শরীর ভেঙ্গে কান্না উঠছে—

দিন। কান্নার কারণ আছে মা—

ত্রিপুর। কি কারণ ?

দিন। বৌরাণী যত্নমন্ডের ভালবাসা হারিয়েছেন।

ত্রিপুর। কি করে বুঝলি ?

দিন। তিনি আশমানতারাকে ভালবাসেন—

ত্রিপুর। সে আবার কে ?

দিন। নবাব আজিমশার কন্যা

ত্রিপুর। দেখতে খুব ভাল বুঝি ?

দিন। হ্যাঁ (মাথা নত করিয়া) আর ব্যাপারটা শুধু ভালবাসার নয় আরও কিছুদূর গড়িয়েছে।

ত্রিপুর। তাই থেকে তোরা ভেবে বসলি যে যত্ন আর বৌকে ভালবাসেনা। যত পাগল !

দিন। বৌরাণী কিন্তু ভেবেছেন।

ত্রিপুর। খুব অন্তায়। পুরুষের মন আর আমাদের মন কি সমান হতে পারে পাগল ? আমাদের সবই পৃথক ; ভালবাসা, আশা, আকাঙ্ক্ষা, কামনা ; পুরুষ কতজনকে চায়, কিন্তু তার মধ্যে ভালবাসে মাত্র একজনকে। সে তার স্ত্রী ; জন্ম জন্মান্তর ধরে আয়োজন হয়ে বেদের মন্ডের মধ্যে যে তার জীবনের সঙ্গে প্রথম গাঁথা হয়ে যায়। স্বামী স্ত্রীর সম্বন্ধ কি তুই এতই ঠুনকো মনে করিস্ যে কে এক মুসলমানের মেয়ে এসে তাই ভেঙ্গে দেবে।

দিন। আপনার ধারণা রাজা এখনও বৌরাণীকে তেমনি ভালবাসেন ?

ত্রিপুর। নিশ্চয়ই, তবে আগে ভালবাস্ত শরীর দিয়ে এখন ভালবাসে মনে। বাইরে হয় ত তার প্রকাশ নেই। পুরুষের মুখে যেমন গৌফ

দাড়ির হাবি জাবি আছে তেমনি তার মনেও খানিকটা হাবি জাবি আছে ।
ও পুরুষ মাত্রেই থাকে ; তা সত্ত্বেও স্বামীকে ভালবাসতে হয় ।

দিন । কিন্তু রাজা যদি তাঁকে বিবাহ করেন—

ত্রিপুরা । সে কি, সে যে মুসলমানী ।

দিন । তবু যদি বিবাহ হয় ।

ত্রিপুরা । অসম্ভব ! যত্ন এত নির্বোধ নয় ।

দিন । এ জগতে বহু অসম্ভব সম্ভব হচ্ছে ।

ত্রিপুরা । তুমি আমায় ভয় ধরিয়ে দিলে দিনরাজ ! সেরকম কথা কিছু শুনেছ নাকি ?

দিন । শুনোছ মহারানী, শুধু শোনা নয় আমি তা বিশ্বাসও করেছি ।
আমার অনুরোধ মহারানী, আপনারা আর একবার সকলে গোড়ে চলুন ।
নৈলে সেখানে যে মেঘ জন্মে দেখেছি সে কিছুতেই কাটবে না ।

ত্রিপুরা । তাহলে পুরোহিত ঠাকুরকে ডেকে পাঠাই ।

দিন । অত দেরী বোধ হয় সহবে না আমি এক ষড়যন্ত্রের আভাষ পেয়ে এসেছি—

ত্রিপুরা । কিসের ?

দিন । বিবাহ যাতে তাড়াতাড়ি হয় তার—

ত্রিপুরা । কিন্তু দিন না দেখে নৌকাপথে যাওয়া—

দিন । যেটা আপনার ভাল মনে হয় করুন, কিন্তু সময় একেবারে নেই ।

ত্রিপুরা । চল তাহলে আজই রওনা হই ।

দিন । হ্যাঁ আজই এখুনি । তবুও জানি না আপনারা সময় মত পৌছতে পারবেন কিনা ।

ত্রিপুরা । দিনরাজ তাহলে আর কিছু শুনে এসেছ ?

দিন । না মহারানী না । কিন্তু বৌরানীকে আমি নিজের বোনের মত

ভালবাসি । আজ কদিনই কে যেন কেবলই আমার মনে ডেকে বলছে, যদি তোর বোনকে বাঁচাতে চাস তবে শীঘ্র গৌড়ে তাকে নিয়ে আয় । মহারাণী, আমি শুধু মেঘ দেখে এসেছি ঝড় দেখিনি । কিন্তু সে মেঘ বিপুল, আশঙ্কায় ভরা । আপনারা তাড়াতাড়ি করুন । আমি দয়ারামকে কোশা ঠিক কর্তে বলছি ।

ত্রিপুর । যাও আমি প্রস্তুত হয়ে নিচ্ছি । ভগবান, বাবা ধবলেশ্বর,
তুমি মুখ রক্ষা কর । (উভয়ের প্রস্থান)

নৈয়া । আসুন বসি—

পূর্ববঃ । হঃ বসেন ।

[বলিতে বলিতে রাজা যদুনারায়ণ রাজপরিচ্ছদে সামান্ত্য সেখানে প্রবেশ করিলেন । ব্রাহ্মণেরা ভিন্ন আর সকলেই সেখানে দণ্ডায়মান হইলেন মুহূর্তের জন্য যদুনারায়ণের প্রফুল্ল মুখী সভাস্থলের গুমোট ভাবটা কাটাইয়া দিল । কিন্তু যদুনারায়ণ আসন পরিগ্রহ করিতেই আবার সেই অস্বস্তিকর আশঙ্কার ভারে সভা মলিন হইয়া উঠিল । যদুনারায়ণের মুখের হাসি তাঁর অজ্ঞাতসারে অধর হইতে মিলা যা গেল । অজ্ঞাতসারে তাঁহার কণ্ঠস্বর কাঁপিয়া উঠিল]

যদু । (ব্রাহ্মণগণকে সম্বোধন করিয়া) আপনারা বাংলাদেশে রত্ন-স্বরূপ, আপনারা হিন্দুসমাজের স্তম্ভ । যুগযুগান্ত ধরে এই বিশাল ধর্ম আপনারদের অনুশাসন মেনে সগৌরবে বিস্তার লাভ করে আসছে । হিন্দু-ধর্ম চিরদিন উদার, আজ আবার সেই উদারতার পরীক্ষার দিন এসেছে । আশা করি আপনারদের চালনায় হিন্দুধর্মের সেই উদারতার গৌরব অক্ষুণ্ণ থাকবে ।

নৈয়া । (গন্তীর ভাবে) মহারাজ সত্যযুগে নির্জন পবিত্র অরণ্য ভাগে ঋষিরা সাধনা করে যে অমূল্য শাস্ত্রদীপ জ্বালিয়ে রেখে গেছেন, আমরা তার বাহক মাত্র । যেখানে অন্ধকার সেখানে শুধু সেই আলোকাধার এনে অন্ধকার দূরীকরণের চেষ্টা কর্তে পারি । আমরা তাঁদের বিনয়াবনত প্রক্কা-স্থিত দূত মাত্র, আপনি আদেশ কলে আমরা সযত্ন-রক্ষিত সেই দীপশিখা আপনার কাছে এনে উপস্থিত কর্তে পারি আপনি নিজের সমস্তার সমাধান নিজেই খুজে নিতে পারবেন ।

সকলে । সাধু, সাধু ।

যদু । কিন্তু আমার মনে হয় দীপবাহী দূত বলে আপনারদের ধরে নিলে আপনারদের অসম্মান করা হয় । দূত শুধু সন্দেশ বাহক । সে কোন

সমস্যার সমাধান কর্তে পারে না। অথচ যদি কোনও কর্তব্য সবচেয়ে কঠিন ও সবচেয়ে বড় থাকে সে যুগে যুগে দেশকালের উপযোগী করে নব নব সমস্যার মঙ্গলকর মীমাংসা করা। প্রাচীন যুগে যে ভারতবর্ষ ছিল আজ সে ভারতবর্ষ নেই। প্রাচীনকালে এমন এক ধর্মের সঙ্গে অন্য ধর্মের সংঘর্ষ হয়নি। এমন কি বহু হিন্দুর ধর্মাস্তরও গ্রহণ কর্তে হয়নি। সমাজের এ অবস্থার সমস্যাও সব অভিনব এবং তার মীমাংসাও সব শাস্ত্রে পাওয়া দুর্লভ। আমার মনে হয় শাস্ত্রকে যথাসম্ভব অনুসরণ করে আপনাদের এ সব সমস্যার বিশেষ অভিনিবেশ সহকারে সমাধান করা কর্তব্য।

নৈয়া। আপনার কথার তাৎপর্য আমরা সকলেই হৃদয়ঙ্গম করছি। আপনার আদেশ যথাসম্ভব প্রতিপালিত হবে।

যত্ন। এখন যে নূতন সমস্যার জন্ম আজ আপনাদের বহু কষ্ট দিলে এখানে আহ্বান করে আনা হয়েছে, সে সমস্যা আপনাদের অনুমতি হ'লে আমি এখানে উপস্থিত কর্তে পারি ?

নৈয়া। আজে হ্যাঁ।

যত্ন। (গলা পরিষ্কার করিয়া লইয়া) একজন যবনী আজ হিন্দুধর্ম গ্রহণ কর্তে চান, এবং তাঁর হিন্দুধর্ম গ্রহনাস্তর একজন ব্রাহ্মণ তাঁকে বিবাহ কর্তে ইচ্ছুক। এ বিবাহে আপনাদের অনুমোদন নিশ্চয়ই পেতে পারি ?

(সভাস্থল নীরব হইল। কেহ কিছুক্ষণ কোন কথা উচ্চারণ করিল না। তারপর ব্রাহ্মণদের মধ্যে ইনি ওঁর মুখের দিকে চাইতে লাগিলেন।)

যত্ন। একি ! মহাশয়গণ ; একটা কথা, আপনাদের ব্যক্তিগত মত আমাকে আপনারা আগে জানাবেন। তারপর পরামর্শ করে যা ভাল হয় বলবেন।

(কেহই উঠিয়া উত্তর করিতে সাহস করিলেন না)

আমি আপনাদের উত্তরের প্রতীকার আছি—

অনৈক ব্রাহ্মণ । সত্য অপ্রিয় হলেও বলতে আমরা বাধ্য যে মহারাজা,
এ বিবাহ আমাদের মতে অশাস্ত্রীয় ।

যত্ন । (কঠিন স্বরে) আমাদের না বলে 'আমার' বলুন ।

অশান্ত ব্রাহ্মণগণ । আজ্ঞে না আমাদেরও মত তাই ।

যত্ন । আপনাদের প্রত্যেকের ?

সকলে । ই্যা

নৈয়া । শুধু আমার একটু বক্তব্য আছে মহারাজ !

যত্ন । বলুন—

নৈয়া । যবনী যদি হিন্দুধর্ম গ্রহণ কর্তে চায় সে তা নিতে পারে শাস্ত্রে
তার বিধি আছে, কিন্তু সে হিন্দু হলেও শূদ্রানী হবে ।

যত্ন । যদি তার আচার ব্যবহার সুন্দর হয়, যদি সে শিক্ষিতা হয়,
ধর্মপ্রাণা হয়, যদি সে ব্রাহ্মণ কন্যার মত সংস্কারা শুচিমতী সুশীলা হয়,
তা হলেও ?

নৈয়া । তা হলেও ।

যত্ন । তার পর ?

নৈয়া । তার পরের বিধান দেওয়া অসম্ভব । ব্রাহ্মণ কখনও শূদ্রানীকে
বিবাহ কর্তে পারে না । ছাপর যুগে গর্গমুণি যবনীগর্ভে কালযবনকে
উৎপাদন করেছিলেন, কিন্তু বৈধ বিবাহ হয় নি । ক্ষত্রিয় রাজারা স্বেচ্ছ
যবন রাস্তকন্যা সময়ে সময়ে বিবাহ করেছেন বটে, কিন্তু ব্রাহ্মণের তাদৃশ
বিবাহ কোন শাস্ত্র ব্যবহারে নেই ।

যত্ন । কারণ ?

নৈয়া । কারণ জানি না মহারাজ, এ বিষয় নূতন ।

যত্ন । সব প্রথার জন্ম একই দিনে একই সময়ে হয় না । আজ যদি
তার প্রথম প্রবর্তন হয়—

নৈয়া । আমাদের সাহস হয় না আমাদের মত ক্ষুদ্র বুদ্ধি—

যহু। ব্রাহ্মণ যদি আগের মত তেমনি সদাচারী শুধু ব্রহ্মবিজ্ঞানুধ্যায়ী যজ্ঞন যাজ্ঞন ক্রিয়াক্রান্ত থাকতেন, কোনও কথা ছিল না। কিন্তু আজ আমার ব্রাহ্মণত্ব, ক্ষত্রিয়ের গায়ে অভ্যাসবসে নামাবলী জড়ানোর মত। ক্ষত্রিয়বৃত্তি গ্রহণ করার পরে আজ যদি আমার ব্রাহ্মণত্ব না ঘুচে গিয়ে থাকে তবে ক্ষত্রিয়ের অন্য একটা আচরণ গ্রহণ করলে আমি পতিত হব কেন? বাংলার অধ্যাপকমণ্ডলী, এ সমস্যা আমার নিজের। কোন কারণে আমি নবাব আজিমশাহর কন্যা আশমানতারাকে বিবাহ করতে বাধ্য। নবাবকন্যা অতুলনীয় ঔদার্যের সহিত হিন্দুধর্ম গ্রহণ করতে রাজী হয়েছেন এ সত্ত্বেও কি আমি তাঁকে বিবাহ করতে পারি না?

নৈয়া। মহারাজ, শাস্ত্র রাজা প্রজাকে সমান জ্ঞান করে।

যহু। কিন্তু শাস্ত্র ত অব্যবহিক নয়। আমার যুক্তি দিন। যদি যুক্তি সঙ্গত হয় আমি আপনাদের ব্যবস্থা মাথায় পেতে নেব। আপনারা আমার অবস্থাটা একবার কল্পনা করে দেখবেন। আমি শুধু বিচার প্রার্থী নই আপনাদের সাহায্য প্রার্থী। আপনারা আমাকে অনুকম্পা করুন।

নৈয়া। (কিয়ৎক্ষণ চুপ করিয়া থাকিয়া) মহারাজ, শাস্ত্রের নির্দেশ না পেলে আমরা কি সাহায্য করব? হিন্দু ধর্মের যদি কোনও গৌরব থাকে সে গৌরব শাস্ত্রের মর্যাদা রক্ষা। আমাদের হাতে সে শাস্ত্রের অমর্যাদা হতে পারবে না

সকলে। সাধু! সাধু!

যহু। তা হলে আপনাদের মতে আমার নবাবজাদিকে বিবাহ করা অসম্ভব?

নৈয়া। আন্তে তা বৈ আর কি।

যহু। কিন্তু আপনারা জানেন কি সমাজপত্তিগণ, আরব দেশ থেকে এক দুর্জয় বলিষ্ঠ ধর্ম এসেছে, যে তার ক্রোড়স্থ সব মানুষকে সমান চক্ষে দেখে, যে মানুষের মধ্যে মানুষের প্রভেদ মানুষেরই তৈরী বলে ঘণা করে,

যার কাছে ব্রাহ্মণ শূদ্র সমান আদরের ? আজ পৃথিবীর এক প্রান্ত থেকে অপর প্রান্ত পর্যন্ত তাদের ধর্মের জয়ধ্বনি উঠছে বরং তারা আপনাদের ছুঁয়ে ।

নৈয়া । জানি তারা য়েচ্ছ বলেই বর্ণাশ্রম মানে না । হিন্দুর গৌরব বর্ণাশ্রম । মহারাজ, একটা য়েচ্ছ কণ্ঠার জন্য আপনার মত কুলীন ব্রাহ্মণের ব্যাকুল হওয়া শোভা পায় না ; তাকে আপনি অনায়াসেই ত্যাগ কর্তে পারেন ।

যহু । পারি না ব্রাহ্মণ, তা যদি পার্তাম আজ তোমাদের কাছে ভিক্ষকের মত করযোড়ে শাস্ত্রের অনুমোদন যাক্কা কর্তাম না । শাস্ত্রানু-মোদন ! কে শাস্ত্র সৃষ্টি করেছিল ? মানুষ না ? আজ মানুষের প্রয়োজনে শাস্ত্র যদি না নড়তে চায় মানুষ নতুন শাস্ত্র তৈরী করবে ।

নৈয়া । মহারাজের পক্ষে সবই সম্ভব, কিন্তু হিন্দু সমাজ তা মানবে না ।

যহু । আর আমি যদি হিন্দু সমাজ না মানি—

নৈয়া । মহারাজের ইচ্ছা । পুত্রের বিবাহের সময় প্রারশ্চিত্তের প্রয়োজন হবে ।

যহু । তথাপি আপনারা শাস্ত্রের অনুশাসন বিন্দুমাত্র শিথিল করবেন না ?

নৈয়া । তা হয় না মহারাজ ।

(উমার মৃতদেহ লইয়া গিরিনাথের প্রবেশ ।

সঙ্গে একজন প্রহরী ।)

সকলে । কে—কে তুমি উন্মাদ ? (সকলে দাঁড়াইয়া উঠিল)

প্রহরী । মহারাজ, একে কিছুতেই আমরা রোধ কর্তে পাল্লাম না—

আমাদের অপরাধ—

(যহুমল্ল ইঙ্গিত করিতেই সে পুনরুজ্জীবন করিয়া চলিয়া গেল)

গিরি । কৈ মহারাজা ? মহারাজ, আমি বিচার চাই । শুনলাম সমাজ-পতি শাস্ত্রবিদ্ব্ ব্রাহ্মণেরাও নাকি সকলে এখানে উপস্থিত আছেন । মহারাজ, তাদের জন্তই এই বলি এনেছি—নেও তোমরা গ্রহণ কর ।

(বলিয়া ব্রাহ্মণদের সম্মুখে উমার দেহটা স্থাপিত করিলেন ; ব্রাহ্মণেরা শবদেহ স্পর্শের ভয়ে ক্রমেই পশ্চাৎপদ হইতে ছিলেন ; তাড়াতাড়িতে একজন ব্রাহ্মণ গিরিনাথের গায়ে পড়িল ; তাহা বুঝিতে পারিয়া গিরিনাথ সহসা সেই ব্রাহ্মণের হাত ধরিয়া ফেলিলেন ।)

গিরি । কোথা যাও সমাজপতি সব । তোমরা যার জন্ত উদ্গ্রীব হয়ে অপেক্ষা করছিলে ঐ যে আমার কণ্ঠার সেই মরণ নিয়ে এসেছি—নাও নাও ওর মর্ষ-শোণিত পান কর ; ঐ নিরপরাধা অভাগিনীর হৃদপিণ্ড ছিড়ে সমস্ত গায়বাগীশদের মধ্যে কুটি কুটি করে ভাগ করে দাও, ওর বক্ষ-শোণিত দিয়ে শাস্ত্রের জরাজীর্ণ পৃষ্ঠার পরে ধ্বংসের বাছা বাছা শ্লোক গুলিকে রেখাঙ্কিত ও উজ্জ্বল করে দেও, সবার উপরে ওর ঐ কোমল নিষ্পাপ দেহের উপরে শিখান্দোলিত করে নামাবলীর জয়ধ্বজা উড়িয়ে তোমরা একবার তাণ্ডবৃত্য কর ; তোমাদের কামনা পূর্ণ হোক ।

ব্রাহ্মণ । মহারাজা, এ উন্মাদকে এখনি স্থান ত্যাগ কর্তে আদেশ দিন ।

ষড়্ । গিরিনাথ, গিরিনাথ, তোমাকে কি সাধুনা দেব—তোমার শোকের সাধুনা নাই । দেওয়ানজী তুমি গুঁকে সমস্ত্রমে অন্তঃপুরে নিয়ে যাও । আর উমার সংকারের আয়োজন কর ।

গিরি । (তাড়াতাড়ি উমাকে তুলিয়া লইয়া) না, না দেব না—দেব না—এ হিন্দুর সমাজশাসনের জয়ধ্বজা, এ আমি বয়ে নিয়ে জগৎকে সনাতন ধর্মের মহিমা দেখিয়ে বেড়াব । মহারাজ, বিচার কর—আমার এই কণ্ঠাঘাতীদের তুমি বিচার কর । উমা কি বেদনার জ্বালা জুড়ুতে তুই করতোয়ার জলে ঝাঁপ দিইছিলি মা ! তোর সেই জ্বালা এসে আমার

বুকে বাসা নিয়েছে। আমি ত আর সৈতে পারি না—আর সৈতে পারি না—

যহু। বিচার? কার কাছে বিচার! অন্ধ শাস্ত্রের দুয়ারে তোমার কন্যা মাথা খুড়ে মরেছে—আমিও খুড়ছি। জীবন রায়—

(জীবনরায়কে ইঙ্গিত করিলেন—জীবন গিরিনাথকে স্পর্শ করিয়া)

জীবন। চল দাদা।

গিরি। (যাইতে যাইতে আকুল ভাবে কাঁদিয়া উঠিল)—উমা—
উমা— (প্রস্থান)

(কিছুক্ষণ সকলেই শুকু রহিল)

নৈয়া। মহারাজ—শাস্ত্রের অনুশাসন সময় সময় ব্যক্তি বিশেষের উপর রুঢ় হলেও, কঠোর হলেও, তা সমষ্টির মঙ্গলের জন্ত—

যহু। চূপ কর ব্রাহ্মণ ;—ব্যক্তির জীবনের কোনও মূল্য যে তোমাদের কাছে নেই তা আমি জানি ! তাই তোমাদের বিধানে ধর্ষণকারীর পরিবর্তে ধর্মিতাকে শাস্তিভোগ কর্তে হয়—তাই তোমাদের বিধানে মানুষ মানুষকে তাই বলে আলিঙ্গন না করে তাকে অস্পৃশ্য বলে দূরে ঠেলে রাখে। ব্যক্তির জীবন ! সমাজপতিগণ একটা ব্যক্তির জীবনকে তোমরা যত সহজে তুচ্ছ করে উড়িয়ে দিতে পার আমি তো তা পারি না ;—কি অধিকার আছে তোমার শাস্ত্রানুশাসনের যে সে বিধাতার তৈরী একটা মানবাত্মাকেও অযথা উৎপীড়িত করে। যখন উৎপীড়িতের অশ্রুজল মুছিয়ে তাকে গৌরবে পুনঃ প্রতিষ্ঠিত করবার সাহস তার নেই—কি অধিকার আছে তার একটা মানব জীবনকে অযথা নষ্ট করবার যখন সে জীবনটুকু ফিরিয়ে দেবার ক্ষমতা তার নেই? সমাজপতিগণ আমার প্রায়শ্চত্তের ফর্দ—সমাজপতিগণ তোমরা—এখন থেকে ভেবে ঠিক করগে। আমি মুসলমানধর্ম গ্রহণ করলাম।

সকলে । (উঠিয়া দাঁড়াইয়া) সে কি মহারাজ !

যহু । মহারাজ নই—নবাব, যহুনারায়ণ নই জেলালুদ্দিন । মনে করেছ যে আমার মন্তুঘতকে খর্ব করে তোমাদের পায়ের ধুলো মাথায় নিয়ে আমি গায় যা তা থেকে পালিয়ে থাকিব । হিন্দুধর্ম বজায় রাখতে যদি আমার এতবড় অধর্মই কর্তে হয়, তবে দেখি মহম্মদের ধর্মে তার অহুমোদন পাই কিনা ? (স্বগতঃ) ভগবান সর্ব ধর্ম বিবাদের উপরে তুমি, তুমি আমাকে ত্যাগ কর না । (প্রস্থান)

(অপর দিক দিয়া দিনরাজ ও ত্রিপুরাসুন্দরীর প্রবেশ)

ত্রিপুরা । কই—কোথায় যহু ? দিনরাজ ?

দিন । দৌবারিক যে বলে সে এখানে !

ত্রিপুরা । একি ব্রাহ্মণগণ, তোমরা মলিনমুখে দাঁড়িয়ে আছ কেন ?

(মৌলানা সাহেব প্রবেশ করিয়া একগাল হাসিয়া)

মৌলানা । আপনারা গোড়ের নবাব জেলালুদ্দিনকে আশীর্বাদ করে যাবেন । তিনি পবিত্র ইসলাম ধর্ম গ্রহণ করেছেন !

দিনরাজ ও সকলে । সে কি !

ত্রিপুরা । যহুমল্ল ?—আমার যহু ?


মৌলানা । (মুরুসিয়ানা চালে ঘর নাড়িয়া) হ্যা—আর নবাবজাদী আশমানতারার সঙ্গে তাঁর পরিণয় এখন সম্পন্ন হবে । তাঁরা সকলেই মসজিদে সমবেত হয়েছেন ।

(ত্রিপুরা সুন্দরী স্তম্ভিত হইয়া গেলেন ; তিনি টলিতেছিলেন । দৃষ্টি উদ্ভ্রান্ত ব্যথামাথা । দিনরাজ তাড়াতাড়ি তাহাকে ধরিয়া ফেলিলেন—দূরে কোথায় এক উদাস করুণমূর বাজিতেছিল ।)

পঞ্চম অঙ্ক ।



প্রথম দৃশ্য ।



[গোড়ের রাজপ্রাসাদের সম্মুখস্থ নদীতীরে । দূরে একটি চিতা সজ্জিত । একখানা নৌকা বাধা আছে, পাশে চারিজন লোক দাঁড়াইয়াছিল । তাহার একটু সম্মুখে অনুপের হাত ধরিয়া পাষণ প্রতিমার মত ত্রিপুরাসুন্দরী সজ্জিত চিতার দিকে চাহিয়াছিলেন । একেবারে সম্মুখে এক বৃক্ষতলে নবকিশোরী মাটিতে পড়িয়া । তাঁহারা সকলেই কাহারও প্রতীক্ষা করিতেছিলেন ।

জনৈক ব্যক্তি । (সহসা পশ্চিমদিকে তাকাইয়া বলিয়া উঠিল) ঐ যে জীবন রায় আসছেন ।

[ত্রিপুরা অনুপের হাত ছাড়িয়া দিয়া চমকিয়া সেইদিকে তাকাইলেন । কিশোরী তাড়াতাড়ি উঠিয়া বসিলেন—জীবন রায় ভগ্নোৎসাহে প্রবেশ করিলেন ।

ত্রিপুরা । কি সংবাদ দেওয়ান,—

জীবন । সংবাদ অশুভ—

ত্রিপুরা । কি বল্লে সে পাপিষ্ঠ ?

জীবন । মহারাজ ব—

ত্রিপুরা । মহারাজ নয় নবাব জেলানুদ্দিন—

জীবন । অজ্ঞে হ্যাঁ তিনি বল্লেন যে প্রায়শ্চিত্ত যত্নমূল কখনও করে না । সে যে কাজ করেছে ঠায়সমত বুঝেই করেছে । আজ যদি সমস্ত ব্রাহ্মণ-

মণ্ডলী মিথ্যা ব্যবস্থা দেওয়ার জগ্ন নিজেই প্রায়শ্চিত্ত কর্তে রাজী থাকে, তাহলেই শুধু একমাত্র তাহলেই আমিও প্রায়শ্চিত্ত করে পুনরায় হিন্দু হতে পারি।

ত্রিপুরা। তাকে দুঃখিত দেখলে না।

জীবন। ঠিক বুঝতে পারলাম না মহারাগী ! চেয়ে দেখলাম তার উদাস চেহারা। কিন্তু প্রায়শ্চিত্ত করার কথা বলতেই যেন সে শাস্ত চোখ দিয়ে আগুন ঠিকরে বের হ'ল। আমি দ্বিতীয়বার তর্ক কর্তে সাহসী হলাম না।

ত্রিপুরা। আর কোনও রকম চেষ্টার প্রয়োজনীয়তা বুঝছ ?

জীবন। ফল হবে না।

ত্রিপুরা। (কম্পিত স্বরে) তা হ'লে—তা হ'লে—তার সঙ্গে কি আমাদের সম্বন্ধ চিরদিনের মত যুচ্ছল—যছ—যছ—

জীবন। মহারাগী—

ত্রিপুরা। কিছু চিন্তা করিস্ নে জীবন ! আমি হিন্দুনারী, কর্তব্য কর্তে জানি কিন্তু আমার বড় আশা ছিল জীবন—যে ঐ অগ্নি চিতায় আমি একদিন শোব—আর সে এসে, আমার বাছা এসে, আমার আগুনের রখে চাড়িয়ে দিয়ে যাবে। আজ তার পরিবর্তে কিনা জীবন, জীবন—আমার যে যছ ভিন্ন আর কোনও ছেলে নেই।

(অনুপ আসিয়া তাহাকে জড়াইয়া ধরিল)

অনুপ। কাঁদছ ঠাকুরমা !

ত্রিপুরা ! না না কাঁদব কেন দাদা, এই যে আমার তুই রয়েছিস—আমার পৃথিবীর বাঁধন, স্বর্গের সুখ—

জীবন। মহারাগী সন্ধ্যা ঘোর হ'য়ে আসছে, আকাশে মেঘ জমছে।

ত্রিপুরা। আমার অমন পূর্ণচন্দ্রই যদি চলে গেল ত পৃথিবীতে কি হ'ল

না হ'ল তাতে কি আসে যায় ? না কর্তব্য কর্তেই হবে। দাদা, চল আমরা এই দিকে যাই।

জীবন। (লোকদের প্রতি) দাও কুশ পুস্তলিকা শুইয়ে দাও।

(তুতাহারা যত্নময়ের দেহের প্রতিনিধি স্বরূপ সেই কুশ পুস্তলিকা চিতার পরে শোয়াইয়া দিল এবং অরুপের হাতে প্রজ্জ্বলিত কাষ্ঠ গুচ্ছ আনিয়া দিল ।)

অরুপ। একি কর্ব ঠাকুর মা—

ত্রিপুরা। (উত্তর করিতে পারিলেন না)।

জীবন। (অগ্রসর হইয়া আসিয়া) এস আমার সঙ্গে এস।

(বলিয়া অরুপকে সঙ্গে লইয়া তিনবার চিতা প্রদক্ষিণ করিতে লাগিলেন ।)

অনৈক লোক। আচ্ছা এর অর্থ কি ?

দ্বিতীয় ব্যক্তি। মহারাজ যত্ন নারায়ণ হিন্দু ধর্মের কাছে মৃত তাই তাঁর দেহের প্রতিনিধি স্বরূপ ঐ কুশ পুস্তলিকা দাহন করা হবে। তাঁর সঙ্গে আমাদের সম্বন্ধ শেষ হয়ে গেল।

(জীবন রায় অরুপকে দিয়া কুশ পুস্তলিকার মুখে অগ্নি সংযোগ করাইয়া দিলেন। দাউ দাউ করিয়া চিতা জলিয়া উঠিল ।)

ত্রিপুরা। যত্ন ওরে আমার যত্ন—

(বলিয়া চীৎকার করিয়া মূচ্ছিত হইয়া পড়িলেন। সকলে আসিয়া তাঁহার চৈতন্য সম্পাদনের চেষ্টা করিতে লাগিলেন। নব কিশোরীর সর্বাত্ম সেই চীৎকার শুনিয়া একবার ঝাঁকা দিয়া উঠিয়া আবার নিম্পন্দ হইল। চিতার আগুণ শীঘ্রই নিভিয়া গেল—সঙ্গে সঙ্গে আলো সরিয়া যাওয়াতে স্থানটি প্রায় অন্ধকার হইয়া গেল ।)

ত্রিপুরা। (উঠিয়া) শেষ হয়ে গেছে যাক্। দেখ আমি প্রতিজ্ঞা করছি যে পাষণ্ড জালালুদ্দিন আমার যত্নকে হত্যা করেছে তাকে আমি এ রাজ্যে রাখব না। তাকে বেত্রাহত কুকুরের মত আমি গৌড়ের নগর থেকে

জাড়িয়ে দেব। এ রাজ্য রাজা গণেশের, তাঁর পুত্রের। তার অবর্তমানে তাঁর শৌত্রের। জীবন রায়, তুমি যেয়ে সেই স্বেচ্ছ নবাবকে বলো যে সে যদি স্বেচ্ছায় সিংহাসন না ছেড়ে যায়, আমি তার বিরুদ্ধে যুদ্ধ ঘোষণা করব।

জীবন। যে আজ্ঞে -

ত্রিপুরা। (অগ্রসর হইয়া আসিরা কোমল স্বরে) বোমা—

কিশোরী। (তাড়াতাড়ি উঠিয়া বসিয়া তাঁর পা ধরিয়া) আমায় বিনায় দিন্ মা।

ত্রিপুরা। সে কি মা ?

কিশোরী। আমি মুসলমানী হব।

ত্রিপুরা। সে কি বোমা !

কিশোরী। আমার আর গতি নেই মা।

ত্রিপুরা। তোমার গতি নেই, সহস্র হিন্দু নারীর স্বামী তার স্ত্রীকে ছেড়ে স্বর্গে যাচ্ছে না ? তাদের গতি হয় নি ? লক্ষ হিন্দু নারী এখনও তাদের পরলোক গত স্বামীর জন্য কতকাল ধরে অপেক্ষা করে আছে না ? স্বামী আজ তুমি একলা হারাও নি।

কিশোরী। মা তাহলে আমি বাঁচব না—কিছুতেই বাঁচব না।

ত্রিপুরা। না বাঁচো ঐ অরূপ এম্মি একদিন আঞ্জনের কোলে তোমায় নিশ্চিন্ত মনে রেখে আসবে। তার জন্য দুঃখ কি বোমা। তোমার চের কর্তব্য আছে, ওঠ।

কিশোরী। মা আমার কর্তব্য তাঁর সাথে থাকা ; তাঁর পাপে, তাঁর পুণ্যে, স্বর্গে, নরকে, ধর্ম্মে, অধর্ম্মে -

ত্রিপুরা। কখনও নয়। যত্নমূল্য যতদিন জীবিত ছিল ততদিন সে সম্বন্ধ। আজ সে নাই, ঐ কুশ পুত্রলিকার সঙ্গে তার সঙ্গে আমাদের সম্বন্ধ শেষ হয়ে গেছে। এখন এক মৃত্যু তিন্ন আর কেউ তোমাকে তার কাছে নিয়ে যেতে পারবে না।

কিশোরী । মা মা আমার তুমি ছেড়ে দেও ! তিনি যদি গিয়ে থাকেন আমাকেও সেইভাবে মঠে দেও মা । আমার জন্ম অন্ম মরণ ব্যবস্থা কচ্ছ কেন মা ?

ত্রিপুরা । সে হিন্দুর পক্ষে সব চেয়ে নিকৃষ্ট কাজ যা তাই করেছে ; বৌমা আর আমি পেরে উঠছি না । আমার শরীর আচ্ছন্ন করে নিয়ে আসছে ; যাও কল্যাণীর সাথে যেরে কাপড় ছেড়ে এস ;—আর কল্যাণী বৌমার হাতের শাঁখা—

[কাঁদিতে কাঁদিতে কল্যাণী কিশোরীকে লইয়া নেপথ্যে গেল)
হা ভগবান আর জন্মে কত পুঞ্জীভূত পাপ করেছিলাম, যে আজ তার ফল এমন করে দিলে । ঐ ঐ শাঁখা ভেঙ্গে গেল—এ কে ! দিনরাজ ? দিনরাজ এত ব্যাকুল হয়ে ছুটে আসছে কেন ?

দিনরাজ । (দ্রুতবেগে প্রবেশ করিয়া) মহারানি ! মহারানি !
এখনও রাজাকে বোধ হয় ফিরানো যায় -

ত্রিপুরা । কি করে ?

দিনরাজ । আমি এক আশ্চর্য্য ব্যাপার দেখে এলাম মহারানী । আমি তাঁকে অনুরোধ করার জন্ম তাঁর ঘরে যাচ্ছিলাম, দরজার কাছে গিয়ে দেখি মহারাজ আর পেতে কাকে—প্রণাম কচ্ছেন ।

ত্রিপুরা । এঁা

দিন । মা, যখন তিনি মাথা নিচু করলেন, তখন তাঁর মাথার উপর দিয়ে দেখলাম—

ত্রিপুরা । কি দেখলে ?

দিন । পরম সুন্দর এক রাধাকৃষ্ণের মূর্তি ।

ত্রিপুরা । সে কি দিনরাজ ?

দিন । শীঘ্র চলুন মা, এখনও সময় আছে । শ্রীকৃষ্ণের মূখের সেই—
সুন্দর হাসি, আমার যেন ডেকে বলে তোদের ধন হারান নি ।

ত্রিপুরা। দিনরাজ, দিনরাজ, শীঘ্র করে চল ! হ্যা—আশমানতারা কোথায় ?

দিন। নবাব কণ্ঠাও তাঁর পাশে, অশ্রুমুখী হয়ে দাঁড়িয়ে আছেন—

ত্রিপুরা। তবে ?—

দিন। কি 'তবে' মা !

ত্রিপুরা। দিনরাজ। তার সঙ্গে আমাদের সব সম্বন্ধ শেষ হয়ে গেছে।
ঐ দেখ—

(দক্ষ কুশপুত্রলিকার দিকে তাকাইলেন।)

দিন। (তাহা দেখিয়া) মা আমায় একবার শেষ চেষ্টা কর্তে দিন।
আমি অনুপকে একবার নিয়ে যাব, আমায় বাধা দেবেন না।

(ত্রিপুরাসুন্দরী চক্ষু ঢাকিলেন—দিনরাজ তাড়াতাড়ি অনুপের হাত ধরিয় লইয়া—)

দিন। আর অনু, তোর বাবার কাছে যাবি—

অনু। কোথায় বাবা ? ঠাকুর মা, আমার বাবা তাহলে বেঁচে
আছেন ?—

দিন। আছেন, আছেন—সামনের ঐ রাজবাটিতে তিনি আছেন ?
রাজা হয়ে তোর বাবা আমাদেরিগকে ভুলে আছেন। তোর বাবাকে ফিরিয়ে
আনতে পারবি না অনুপ ?

অনু। পারব, নিশ্চয় পারব—ঠাকুর মা মিথ্যে কথা বলে—আমি এখনি
যাচ্ছি বাবার কাছে—

দিন। চল বাবা ! (দুইজনে তাড়াতাড়ি প্রস্থান করিতে গেলে)

ত্রিপুরা। দিনরাজ !

দিন। (ফিরিয়া অশ্রুকণ্ঠে) মা !—

ত্রিপুরা। তা হয় না দিনরাজ ! (দিনরাজ অশ্রুকণ্ঠে মুখ নামাইল)
ফিরে এস—(দিনরাজ হেঁট মুখে ধীরে ধীরে ফিরিয়া আসিল)

অনু । আমি যাব ঠাকুর মা ;—কেন তোমরা আমায় আটকাবে ?
আমি যাবই— [দ্রুত প্রস্থান ।]

ত্রিপু । অনুপ, অনুপ, ফিরে আয়—ফিরে আয়

অনু । (দূর হইতে) না—না—

ত্রিপু । দিনরাজ অনুপকে ধর—শীঘ্র ধর—

দিন । ওকে যেতে দিন মা !

ত্রিপু ! দিনরাজ !

(দিনরাজ অশ্রুদমন করিয়া অতি ধীরে ধীরে অধোবদনে স্থান ত্যাগ করিলেন ।)

— — * — —

দ্বিতীয় দৃশ্য ।

—:~:—

গোড়ের প্রাসাদের অন্তঃপুরস্থ কক্ষ ।

(যদুনারায়ণ ও আশমানতারা)

যদু । আশমান, এই শেষ । এইবার আমার অন্তরের ধন শ্রীকৃষ্ণকে একেবারে হৃদয়ের অন্তঃস্থলে নির্বাসিত কর্তে হবে । অভিনয়ের সময় এল, অভিনয় কর্তে হবে । আর জীবনে আমি তোমার নাম উচ্চারণ কর্তে পারি না গোপাল ! তাই বলে তুমি যেন তোমার বন্দীশালা ত্যাগ করে যেও না । জীবনের পরপারে—সংসারের ধুলি ময়লার উপরে যখন মৃত্যু-লোকে যাব সেইদিন আবার হে আমার প্রিয়তম, সেই দিন আবার তোমার সঙ্গে মিলন হবে । সেদিন অভিমান করে দূরে থেক না যেন, আমি যে বড় হতভাগ্য বন্ধু !

(অর্থাৎ অশ্রু সঞ্চার হইয়া উঠিল । প্রহরী আসিয়া সংবাদ দিল

“সেনাপতি তোরাপ খাঁ দেখা করিতে চান”)

যদু । (ক্লান্ত স্বরে) যাও আশমান একটু ভিতরে যাও ।

(আশমান চলিয়া গেলে তোরাপ খাঁ উত্তেজিত ভাবে প্রবেশ করিয়া সসম্মুখে কুর্নিশ করিয়া বলিয়া উঠিল)—

তোরাপু । কাফেরের এ অত্যাচার সহ হয় না জনাব ।

যদু । কি অত্যাচার ?

তোরা । সেই কাফের রমণী রাজপ্রাসাদের সামনে একটা খড়ের পুতুল দাহ কচ্ছে—আর সেইটাকে জনাবের প্রতিমূর্তি বলে ঘোষণা কচ্ছে—

যদু । কুশপুস্তলিকা !—দাহ হয়ে গেল ?

তোরা। জনাব—প্রজারা সকলেই উত্তেজিত,—কাফেরের এ অত্যাচারের শাস্তি না দিলে—প্রজাদের কাছে নবাবের সম্মান থাকবে না -

যহু। কাফের। কাফের ! কাফের কি এত হয় তোরাপ ?

তোরা। জনাব আপনার মুখে এ প্রশ্ন অদ্ভুত শোনায়। কাফের হয় না হলে আপনি সে দুষ্ট ধর্ম ত্যাগ করে আসবেন কেন ?

যহু। আমি সে ধর্ম হয় বলে ত্যাগ করিনি সেনাপতি, আমাকে তারা হয় বলে ত্যাগ করেছে। যদিও তাদের কোন অধিকার ছিল না। সে ধর্ম হয় ! জান না তোরাপ—যদি কোনও ধর্ম একেবারে অজ্ঞকে নিরক্ষরকে কোল দিতে পেরে থাকে, তার রক্ষ বর্ধরতাকে প্রশমিত করে তার স্বভাবের পরে ধৈর্যের তিতিক্ষার এক প্রলেপ দিয়ে যেতে পারে, সে এই হিন্দু ধর্ম। যদি কোনও ধর্ম মহাজ্ঞানী কুটদর্শী নৈয়ায়িকের দৃষ্টিকে আরও উজ্জ্বলতর আলোক পাতে অসন্দিগ্ধ করে দিতে পারে, সে এই হিন্দু ধর্ম। এই হিন্দুধর্মকে ঘৃণা কর না তোরাপ।

তোরাপ। জনাব, আপনি হিন্দু না মুসলমান ?

যহু। আমি মুসলমান তবু হিন্দুকে ঘৃণা করি না কিন্তু যদি হিন্দু সমাজের কথা বলি আমি তার শত্রু, আমি এই সমাজে সহস্র অনাচারের বিরুদ্ধে দাঁড়াবো, এদের যে বিধি নিষেধ আছে, যাতে লোকে তার প্রত্যেকটা ভাঙ্গে তার অনু উৎসাহিত করি, যদি পারি এদের ব্রহ্মণ্য ধর্মকে বঙ্গোপসাগরে ডুবিয়ে দেব। তুমি জান না তোরাপ এদের পরে কত ঘৃণা !

তোরাপ। আজে না। কিন্তু তারা প্রজাদের মনে রাজশক্তির প্রতি অশ্রদ্ধা জাগিয়ে, রাজত্বোহের সৃষ্টি করছে।

যহু। তাদের যা খুসী তা কর্তে দাও !

তোরা। সে কি জনাব।

যহু। তোরাপ একটু আগে জীবন রায় এসেছিল আমাকে হিন্দু হতে অস্বরোধ কর্তে—

তোরা। সে কি ?

যহু। আমি ফিরিয়ে দিলাম।

তোরা। 'তারা মূর্খ', আপনাকে চেনে না।

যহু। তার সেই ব্যর্থ দৌত্যের সংবাদ যখন তাদের কাণে পৌঁছল তখন এক অক্ষুট আর্তনাদ উঠল। রাঙ্গপুরীর সমস্ত কোলাহলের উপর দিয়ে সেই আর্তনাদ আমার কাণে পৌঁছল। তোরাপ। যদি আমার জীবন দিয়ে সেই আর্তনাদ নিবারণ কর্তে পার্তাম, কর্তাম, কিন্তু তা হয় না। এক হয় আমার অপমান দিয়ে পৌরুষকে নষ্ট করে মানবত্ব বিসর্জন দিয়ে। সে মানুষ পারে না।

দূতের প্রবেশ)

দূত। রাণী ত্রিপুরান্দরী গোড় রাজধানী আক্রমণ করবেন বলে প্রচার
—করেছেন।— [যহুনারায়ণের ইঙ্গিতে দূতের প্রস্থান]

তোরা। আমরা থাকতে ?

যহু। সম্রাট যহুনারায়ণের জননীর গতি তোমরা রোধ কর্তে পার্বে না।

তোরা। সম্রাট জেলানুদ্দিন !

যহু। হাত উঠবে না। তাদের নির্বিঘ্নে যেতে দেও। আমার আর কিছু বলার নেই।

(তোরাপ অভিবাদন করিয়া প্রস্থান করিতেই সহসা নেপথ্যে

কতকগুলি অস্ত্র ধ্বনি শ্রুত হইল—)

দু'জন প্রহরীর সঙ্গে অল্পসেখানে প্রবেশ করিল।

যহু। ওকি ও, কাস্ত হ সন্নতান্ সব (বলিয়া যহুমল্ল উঠিয়া দাঁড়াইতেই
প্রহরীরা স্থির হইয়া দাঁড়াইল)

অহু। "বাবা"—(বলিয়া অল্পসে তরবারি ফেলিয়া যহুমল্লের কোলে
ঝাঁপাইয়া পড়িল—)

যহু। বাবা আমার—(বলিয়া সাক্ষনেত্রে যহুমল্ল তাকে বুকে জড়াইয়া

ধরিলেন—সেও তাহার বাবার গলা জড়াইয়া ধরিল আর কেবল ডাকিতে লাগিল—

অনুপ । বাবা ও বাবা—

যহু । কি যাহু, কি ধন, কি সোণা !

অনুপ । বাবা ! কতদিন তোমায় ডাকিনি বাবা—

(যহু তাহাকে চুম্বনে চুম্বনে অস্থির করিয়া দিলেন)

অনুপ । উঃ ও জায়গায় চাপ দিও না বাবা—

যহু । কি হয়েছে দেখি—

অনুপ । আমি তোমার কাছে আসব তা ওরা আসতে দেয় না কেন বাবা ? আমি দুটি পাহারাওলাকে কেটে ফেলোছি । তার একজন ওখানে ঘা দিয়েছে ।

যহু । দেখি দেখি এই কে (প্রহরীর উদ্দেশ্যে কিন্তু সাগ্লাইয়া লইয়া) আচ্ছা থাক । দাড়াও আমিই ভাল করে বেধে দিচ্ছি । এরা তোমায় কেউ আটকাতে পারেনা ?

অনুপ । না—সবাইকে হারিয়ে দিয়েছি । মনে নেই বাবা সেই তুমি আমার যে তরওয়ালের পেচ শিখিয়ে দিয়েছিলেন তা এরা আটকাতে পারে না বাবা—

যহু । তুমি রাজা গণেশের নাতি বাবা ! তোমায় কি এরা আটকাতে পারে ?

অনুপ । বাবা ঠাকুর মা বলছিলেন তুমি মরে গিয়েছ । এই যে তুমি রয়েছ বাবা । ঠাকুর মা মিথ্যেমিথ্যি কাঁদছিলেন । না বাবা ?

যহু । হ্যাঁ ।

অনুপ । আমি যখন তোমাকে নিয়ে যাব তখন ঠাকুরমা কি করবে জান বাবা ?

যহু । কিছু করবে না অনুপ—

অনুপ । তাই বৈকি ! তুমি আমার যেমন কচ্ছ তেমনি তিনিও তোমার মাথায় হাত দিয়ে বলবেন—“ও যত্ন, যত্ন”—বাবা আমার কিদে পেয়েছে—

যত্ন । আচ্ছা বাবা, তুমি এখানে বোস, আমি নিয়ে আসছি, কোথাও যেও না যেন ।

অনুপ । না, আমি তোমার এই পোষাকটা গায়ে দিই ততক্ষণ ।

যত্ন । দাও । (প্রস্থান ও একটু পরেই কিছু খাবার লইয়া আসিলেন)

যত্ন । এই নেও খাও ।

(অনুপ আহার করিতে গেলে—সেই মুহুর্তে
দিনরাজের প্রবেশ)

দিন । সাবধান নবাব, ব্রাহ্মণ পুত্রের জাতি নষ্ট করার অধিকার তোমার নেই ।

(যত্নমলের সমস্ত শক্তি কে যেন হরণ করিয়া লইল—তাহার হাত হইতে থালা খানি পড়িয়া গেল ।)

অনুপ । ওকি ফেলে দিলে কেন বাবা আমি কুড়িয়ে খাই ।

(কুড়াইতে গেলে দিনরাজ আসিয়া ধরিয়া ফেলিল)

দিন । ছিঃ ও কুড়িয়ে খায় না, ধূলো লেগেছে । চল তোমার ঠাকুরমা তোমার জন্ত খাবার রেখেছেন ।

অনুপ । আমি বাবাকে নিয়ে যাব ।

দিন । তোমার বাবা পরে যাবেন, চল ।

অনুপ । না আমি যাব না ।

দিন । তোমার ঠাকুরমা তাহ'লে এখানে নিতে আসবেন । অতদূর হাঁটতে তার কষ্ট হবে ।

অনুপ । চল বাবা ।

যত্ন । (গাঢ় স্বরে) না বাবা তুমি যাও, তোমার কিদে পেয়েছে, আর দেবী কর না ধন, যাও প্রাণাধিক, যাও বাবা ।

অনুপ । (যাইতে যাইতে) তুমি পিছনে আস্ছত বাবা ?

যত্ন । হ্যা বাবা, আমি পিছনে রইলাম ।

(গাবারগুলি কুড়াইয়া রাখিতেছিলেন আর অনবরত চোখের জল মুছিতে লাগিলেন । কার পদশব্দ হইতেই তাড়াতাড়ি সেগুলি সরাইয়া রাখিয়া শাস্ত্র হইয়া দাঁড়াইলেন ।)

(আশমানতারা প্রবেশ করিয়া যত্নমলের নিকটে আসিয়া দুই হাত দিয়া তাঁহার দুইহাত ধরিয়া আকুলস্বরে বলিলেন)

আশ । ওগো তুমি শুধু তাঁকে ফিরিয়ে আন—

যত্ন । (বিস্মিতভাবে) কাকে ?

আশ । দিদিকে । আমি তাঁকে দেখে এলাম ।

যত্ন । (সোজা হইয়া উঠিয়া দাঁড়াইয়া) তাঁকে দেখে এলে ? কোথায় ?

আশ । নদীর ঘাটে, এখনও তাঁকে ফিরিয়ে আনা যায় । তুমি নিজে গিয়ে নিয়ে এস ।

যত্ন । (স্থিরভাবে) কি রকম দেখলে ।

আশ । কে যেন একখানা বিষাদের মর্ষর প্রতিমা নদীতীরে স্থাপনা করে গেছে । সে যে কি সুন্দর রং, সে কি আলুলায়িত চুলের রাশ ! গতি তাঁর স্থির, অবিচলিত, নিষ্কম্প কিন্তু দেখেই মনে হয় গুঁর দেহপাত্র ব্যথায় কাণায় কাণায় ভরে উঠেছে । একবার শুধু তাঁর চাঞ্চল্য দেখলাম যখন ইতস্ততঃ করে তিনি প্রাসাদের দিকে নিমেষের জন্য তাকালেন । সে মুখ অতি সুন্দর কিন্তু তাতে রক্ত নেই । জীবন থাকতে মানুষের মুখ অত সাদা হতে এই আমি প্রথম দেখলাম ।

যত্ন । কি পরা দেখলে ?

আশ । শুধু একখানা পাড়বিহীন কাপড়, প্রকোষ্ঠ শূন্য, গায়ে কোথাও একখানা অলঙ্কার নেই—তবু এত রূপ । ওগো তুমি গেলে তিনি নিশ্চয়ই আসবেন ।

যহু। কাকে আনতে যাব আশমান, সত্ৰাট যহুনারায়ণের বিধবা মহিষীকে? বিধবা—বিধবা—আমি চোখবুজে তার চেহারা দেখতে পাচ্ছি। স্বামী থাকতে বিধবা, বাঃ—

আশ। তুমি একবার চেষ্টা করে দেখ। আমার মন বলছে তুমি তাকে ডাকলে তিনি নিশ্চয়ই আসবেন। আমি তিনি এলে তার পূজা করব।

যহু। পারবে আশমান?

আশ। পারব! তোমার মুখে আবার হাসি ফুটাতে আমি কিনা পারি, প্রিয়তম?

যহু। এ এক মুহূর্তের আবেগের কথা নয় আশমান! জীবনান্ত পর্যন্ত পারবে কি সেই বিদ্যুৎশিখার অতু্যজ্জ্বল দীপ্তি সহ করবে। জান কত খানি ত্যাগ?

আশ। জানি।

যহু। উত্তম, আমি চেষ্টা করে আসছি। আমারও মন ডেকে বলছে—আমি ডাকলে সে চুপ করে থাকবে না। সে আমায় এত ভালবাসে যে সে জাতি ধর্ম আচার ব্যবহার সব ছাপিয়ে ওঠে। সে আসবে, নিশ্চয় আসবে। আর যদি সে আসে কিছু ভাবি না, হিন্দু সমাজকে পর্যন্ত আমি ক্ষমা কর্তে পারি। সে একবার মুখ তুলে চেয়েছিল?

আশ। হ্যাঁ—


যহু। জানি জানি যুগান্তের প্রতীকার আভাষ তার এই নিমেষের চাহনি। আশমান তুমি তার জ্ঞ প্রাসাদের সর্বশ্রেষ্ঠ কক্ষটি সজ্জিত করে রাখ, আমি তাকে নিশ্চয় নিয়ে আসব। এইবার তোমার পরীক্ষা আশমান।

আশ। তোমার আশীর্ব্বাদে পরীক্ষায় আমি জয়ী হব স্বামী।

যহু। আচ্ছা আসি আশমান।

(দ্রুত প্রস্থান, আশমানও পিছনে গেল)

তৃতীয় দৃশ্য



গোড়প্রাসাদের সম্মুখে নদী তীরস্থ একটি কক্ষ !

[নবকিশোরী শয্যায় শায়িতা । পাশে ত্রিপুরাসুন্দরী, কল্যাণী, ইত্যাদি ।]

(কবিরাজ সম্ভবপণে হাত দেখিয়া হাত রাখিয়াছিলেন)

ত্রিপুরা । কি দেখলেন ?—

কবিরাজ । আর রক্ষা করা গেল না রাণী মা । এ শেষ নিদ্রার পূর্ব সূচনা ।

ত্রিপুরা । কবিরাজ—কবিরাজ—অমন কথা বলনা । আমার মা লক্ষ্মী চ'লে গেলে সাতগড়ার সৌভাগ্যও বৃষ্টি তার সঙ্গে যাবে ।—

কবিরাজ । এই ঔষধ থাকুল, দেবেন দণ্ডে দণ্ডে । আজকার রাত যদি কাটে তাহলে কাল যা হয় বলা যাবে ।

ত্রিপুরা । কবিরাজ তুমি আজ আর বাড়ী যেও না, পাশের ঘরে থেক । মা আমার যাতে বাঁচে তাই কর কবিরাজ ।

কবি । ভিতর থেকে গভীর এক বাখা এ'র শরীর ক্ষয় করে নিচ্ছে কে তাকে রোধ করবে ? এ'র যে ওষুধে সারত সে ওষুধ আপনারা দিলেন না ।

ত্রিপুরা । কি ওষুধ ।

কবি । স্বামীর সঙ্গে মিলন । আপনি ধারণা কর্তে পারবেন না মহা-রাণী কি গভীর ভালবাসা থাকলে স্বামীকে হারাণোর সম্ভাবনার এমন করে দণ্ড করেকের মধ্যে সুপুষ্ট শরীর শুকনো লতার মত হতে পারে । আমারও এ আগে ধারণা ছিল না । মা লক্ষ্মী, তুমি কত পুণ্যবলে এই ধরাধামে এসেছিলে, পৃথিবীর পাপ, অবিচার, তোমার সুস্থির হয়ে থাকতে দিলে না ।

(কিশোরী উঠবার চেষ্টা করিতে লাগিলেন—কল্যাণী

তাড়াতাড়ি ধরিতে গেলেন)

কবি । না, না, ধর না, উঠতে দেও ।

(কিশোরীর চক্ষু বিস্ফারিত । কিয়ৎক্ষণ চাহিয়া থাকিয়া হাত বাড়াইয়া দিলেন—সে বিসৃত বাহু কাঁপিতে লাগিল ।)

কিশোরী । তুমি আসবে না ? কাছে আসবে না ?

ত্রিপুরা । কে আসবেন বোমা ?

কবি । চূপ করুন ।

কিশোরী । কেন আসবে না ? আমি ত যেতে রাজী হয়েছি । আমি যে বড় দুর্বল, হাত ধরে না নিলে যে যেতে পারি না তাকি বোঝ না নিষ্ঠুর ?

ত্রিপুরা । বোমা ?

কিশোরী । (চমকিয়া) কি মা ! (মাথায় কাপড় তুলিয়া দিলেন) সব মিথ্যা ! (আবার বিকারের ভাব আসিল)

কল্যাণী । বৌদিদি একটু শোও ।

কিশোরী । তুই চূপ কর কল্যাণী আমি তাঁর পায়ের শব্দ শুন্ছি । বহু দূর থেকে প্রান্তরের পার থেকে তাঁর পায়ের ধ্বনি আসছে ।

কল্যাণী । বৌদিদি—

কিশোরী । নিশ্চয় আসছে—না এসে পারে না । তিনি ভিন্ন কে আমার হাত ধরে নেবে ? আমি যে দুর্বল একা সহায়হীনা—

কল্যাণী । বৌদি, বৌদি—

কিশোরী । চূপ, ঐ যে আরও কাছে, ঐ যে তোমার অঙ্গসৌরভ এসে আমার গায়ে লাগছে । এস এস আমার চির আরাধিত, চির প্রার্থিত, প্রাণের প্রিয়, আমার জীবনের শেষ মুহূর্তে একান্ত অসহায়ের দিনে, এস তুমি আমার জীবন কাণ্ডারী ।

যত্ন । “আমি এসেছি কিন্তু” (দ্বারের কাছে যত্নমল্লর মূর্তি ভাসিয়া উঠিল)

(তড়িৎবেগে কিশোরী উঠিয়া শয্যাভ্যাগ করিয়া দ্বারেরদিকে অগ্রসর হইতে গেলেন । তেমনি ক্ষিপ্রবেগে ত্রিপুরাসুন্দরী উঠিয়া তাহাকে ধরিয়া ফেলিলেন ।)

ত্রিপুরা । সাবধান য়েচ্ছ যবন, হিন্দু বিধাতার পবিত্র ঘরে ঢুক না ।

(যত্নমল্ল থমকিয়া দাঁড়াইলেন)

যত্ন । মা !

ত্রিপুরা । মা নই - মা নই—যবনের সঙ্গে আমার কোন সম্পর্ক নেই—
আমার পুত্র মরে গেছে ।

যত্ন । কিন্তু, আমি তোমাকে নিতে এসেছি ।

কিশোরী । আমায় ছেড়ে দেও, ওগো আমায় ছেড়ে দেও ! উঃ
তোমরা কি নিষ্ঠুর ! (হাপাইতে লাগিলেন—)

ত্রিপুরা । (স্বগত) ভগবান বল দেও, এই মুহূর্তে তুমি আমায় বল
দেও । (শাস্ত্রস্বরে) না বোমা তা হয় না, তুমি বিধর্মী যবনকে স্পর্শ কর্তে
পার না । আর—তুমি য়েচ্ছ যবন তোমার এমনভাবে চোরের মত ব্রাহ্মণের
পরিবারে ঢুকতে লজ্জা কর্তে না ?

যত্ন । মহারাজা—আমি কৈফিয়ৎ দিতে আসিনি, সব ত্যাগ কর্তে
এসেছি । আমি আমার রাজ্য সিংহাসন সৈন্ত সাম্রাজ্য সব ত্যাগ করে
এই মুহূর্তে চলে যাচ্ছি, শুধু—শুধু আমার কিশোরীকে ফিরিয়ে দেও ।

ত্রিপুরা । এ কথা যখন য়েচ্ছ ধর্ম গ্রহণ করেছিলে, তখন মনে ছিল
না । আজ ফুল যখন শুকিয়ে উঠেছে তখন কলঙ্কিত হাতে এসেছ সেই
ফুল আবার স্পর্শ কর্তে ।

যত্ন । আমার ফুল আবার দল মেলবে, আবার চোখ মেলে চাইবে ।

মহারাজী শুধু তোমরা একবার ওঁকে ছেড়ে দেও, আমি বুকে করে নিয়ে চলে যাই।

ত্রিপুরা। তার যোগ্যই আছ বটে। আমি এ সোণারলতা শুকিয়ে যাবে তাও সহ্য করব কিন্তু স্নেহকে ছুঁতে দেব না।

যহু। কিন্তু চোখ মেল—আমার যাওয়ার সময় হ'ল।

কিশোরী। (তন্দ্রা হইতে জাগিয়া) অ্যাঃ না তুমি যেও না। তুমি এস আমার কাছে এস ; কোনও বাধা মেন না, কোনও বাধা মেন না।

ত্রিপুরা। সাবধান মুসলমান ! তোমরা যারা আছ ঐ বিধর্মীকে দূর করে দেও।

যহু। আমার ক্ষমা কর কিন্তু—

কিশোরী। আমি যাব, নিশ্চয় যাব ! তোমরা আমাকে কেন ধরে রাখবে। ওঃ স্বামী—আমার স্বামী—

(বলিতে বলিতে ত্রিপুরাসুন্দরীর হাত ছাড়াইবার চেষ্টা করিবার মধ্যে বিছানার পরে লুটাইয়া পড়িলেন)

[ত্রিপুরাসুন্দরী “বোমা বোমা” বলিয়া মূর্ছিতা হইয়া পড়িলেন। দূরে দণ্ডায়মান যহুমলের পক্ষে একবার নবকিশোরীর একান্ত সন্নিকটে যাওয়ার আবেগ অদম্য হইয়া উঠিল। কিন্তু মূর্ত্ত মध्ये ধর্মের অলঙ্ঘ্য বাধা তার গতিকে নির্মমভাবে ব্যাহত করিয়া দিল। আঁতুস্বরে সে বলিয়া উঠিল—
কিশোরী ! কিশোরী ! আমার ফেলে কোথায় যাও কিন্তু ? “ভগবান আমার শাস্তির বোঝা আমাকে বহিতে দাও কিন্তু — কিন্তু আমার কিশোরীকে আমাকে ফিরিয়ে দাও ফিরিয়ে দাও।” তাহার ব্যাকুল বিস্তৃত বাহুর পাশ দিয়া বিধাতার নিষ্ঠুর প্রত্যাখ্যানের মত যবনিকা নামিয়া আসিল।]

যবনিকা পতন।

